

LA

MEZACANNA

DE

Titta Valentino.

TOM. I.




NAPOLI

A SPESE DELLA STAMPERIA FILANTROPICA

1835.





A CHI SA LEGGERE.

ORa mò voglio vedere se sentarraggio gualiare nesciuno cchiù da oje unenante, massema cierte malecontiente, che ssempe strillano, ca ogne cosa se trova a sto Munno, ma non nc'è la MEZACANNA, ca se nce fosse la Mezacanna ognuno se saparria memorare, ma perchè non se trova, ogn'uno campa a la storza, a battagliaione, a uocchie de puorco, a la cecata, ogn'uno veste comme vole, magna comme le piace, e pparla comme se sonna, e nfrutto ca ogn'uno vò fare cchiù de chello che

★

pò, cchiù de chello che ddeve; e cchiù de chello che le commene, ma quanno nce fosse la Mezacanna l'ommo se mesorarrìa, e ffarria no poco manco de chello, che pò, de chello, che ddeve, e de chello, che le commene; e d'autro non aggio ntiso lamentare le gente, che de sta Mezacanna. Addonca pe cchello che pozzo comprenne-re, veo ca sta Mezacanna non è auto, che no muodo de vivere onesto, modesto, e mmoderato.

Mme faccio non perrò marave-glia cà tanta belle ngiegnè, mo-dierne ed antiche; che se sò scer-vellate a scrivere mille felastocco-le de poco, o nullo profitto, com-m'a dicere d'ammore, de sdi-gne, de gelosie, de guerre, e de accesiune; e de pazzie, dove chil-le c'hanno lietto, auto n'hanno appriso, che no muodo de sape-

re fa l' ammore , de levare lo no-
re a lo prossemo, de fare lo smar-
giasso , e d' essere accedetaro , e
nfrutto , de fare cose che sò ccon-
tra a lo cielo , e la terra. E po-
tante compositure de commedie ,
e tragedie ch' hanno appresentate
li fatte d' aute co ffare comparire
'n scena no innammorato geluso ,
na sdamma trencata , no capeta-
nio squarcione , no roffiano astu-
to , na vajassa proveceta , no ser-
vetore marranchino , no pedante
spedato , ma maje hanno voluto
dare addove tene , e ttoccare lo
bivo ; ma frate io tutte chiste le
ccompatesco , perchè trattannose
de materia de Mezacanna , e de
mesura , ogn' uno ave avuto pau-
ra de toccare sto tasto , perchè
fuorze toccannolo , non avessero
dato materia a lo Munno pe pparte
de mesurare , non essere mesorate.

Io mo , che ppoco cunto faccio de ssi dojelle , m'aggio collecienza de li superiore mieje pigliato st' assunto , poco mportannome ; che mmille milia lingue che ffe-gneno de m' alleccare , da dereto mme forfecejano , ca da faccie a ffaccie io mme saparria defenne-re : e quanno non avesse avuto che ddicere , deciarria chello che ssenteva dicere da lo Mastro mio , quanno mme mparava de fa latine. *Nil conscire sibi, nulla pallescere culpa.*

Ecco donca la Mezacanna a lo commanno de chi se nne vò servire , se bè ca de primmo parar-rà no poco amara , e pognente , ma chì la sape adoperare , vedar-rà ca se bè picca , e ppogne , sà sanare , ed è ddoce a cchi nce fa la vocca , perchè la ntenzione mia non è stata de peccare , o pogne-

re nesciuno mparticolare, ma di
 avesare ngenerale a cchi sta scar-
 zo de jodicio, attiso non è piec-
 co, o comme se sole dicere, ma-
 ledecenzia, avesare le pperzune,
 che stiano sopra la loro, e sceta-
 re cierte, che stanno addormute
 comm' a Galiere, de muodo che
 se fanno forfecjare, e ttagliare li
 panne ncuollo, e no lo ssentono,
 o fanno nfenta de non sentire. Per-
 chè lo Munno parla à lo sprepo-
 seto, saccie cà chello, che liegge
 ncanzune dintò a st' opera, no
 mme l'aggio sonnato, cà l'aggio
 sentuto da ll'aute, e d'autro muo-
 do, che non stà scritto co la pen-
 na, che perrò sotta sto titolo de
 Meza-canna de quatto parme stà
 compriso ognè ccosa, co la quale
 mesorannose chi li piace, e rrego-
 lannose co sta Mezacanna, porrà
 appellare ciento canne.

E cche la perzona se deva mesorare, e servirese de la Meza-canna nce lo commanna ogne legge, e primmo la legge Naturale; pocca ha fatto ch'ogne anemale stia a lo siesto sujo, e che ognuno vesta de chella pella che le commene, e ch'ognuno magna secunno la qualetà soja, che perrò chi magna erva, chi magna frutte, e cchi magna carne; Ha fatto porzì l'aucielle, che banno pe ll'aria, ma che bolano secunno la forza c'hanno a le scelle, comm'a ddicere ll'Aquele, e la Fenice s'accostano quase vecino a lo Sole, ciert'aute volano nfi a le nnuvole, aute vanno pe l'arvole, e cciert'aute vanno terra terra, comm'a le galline, e li capune, le cquaglie, e ba scorrenno.

Non pozzo dicere, ca nce so anemale che pparlano, perchè sulo

11.

uno aggio lietto, che avesse parlato da ch'è stato lo munno, e se bè quarche bello ngegno mme decesse, ca oje nce so li Pappagalle, e le Ccole, che ppuro parlano, le responno, ca de chiste non se nne fa cunto, perchè parlano pe bocca d'autre, e po chiste servono cchiù pe fa ridere, che pe ddare ammerazione.

Pe la legge Devina te ne dico una sola, che bale pe mmille.

Qua mensura mensieris, mensuretur et tibi, chi lo ddice, non accorre che te lo ddica.

Pe legge Cevile po non te dico niente, perchè non sò Dottore, perrò saccio buono, ca chella d'autro non parla, o ad altre fine non è stata fatta, se non azzò che l'ommo se misura, pocca tutta stà appojata ncoppa a cchille tre ssante preciette, zoè *honeste vivere*,

alterum non laedere, Jus suum unicuique tribuere, eccote chesta n'è Mezacanna?

Veretà conosciuta nfi da li Gentile, pocca mancavangenne titole, e ppettaffie da metterese sopra la porta de lo tiempio d'Apollo a la Cetà de Delfo, che nce jettero a mmeterere tiente bello aditto: *Nosce te ipsum.*

Cecerone dice: *Primus ad sapientiae gradus, se ipsum nosse, quod ut omnium difficilimum est, ita longe utilissimum.*

Arcamenone Filosofo addommannato na vota da cierte ammicce suoje, perchè campava accossì medejocramente, pocca era recchissemmo, responnette, ca l' ommo doveva campare secunno l'uso de la ragione, non conforme lo dessordenato appetito, ne nc' è stato Poeta, o screttore antico,

che non aggia toccato sto tasto de Mezacanna, zoè, che ll' ommo s'aggia de mesorare.

E no schitto lo Povero, ma lo Ricco porzì se deve mesorare; nce lo cconferma Seneca decenno: *Minimum decet licere, cui multum licet.*

Nè sse deve ll'ommo fedare ch'è ppotente, ca siente Sallustio come canzoneja:

Ea demum tuta est potentia, quae viribus suis modum imponit.

E che non te fide troppo de la Fortuna, te l'avertisce lo medesimo; mente dice:

In Maxima fortuna, minima licentia esse debet. E cchist' aute appriesso a battagliaione tutto diceno, che l'ommo se deve mesorare.

Esiodoro dice, ca non nc'è cchiù bella cosa de la misura.

*Mensuram serva , modus in re
est optimus omni.*

Arazio s' espreca meglio :

*Est modus in rebus , sunt
certi denique fines ,*

*Quos ultra citraque nequit
consistere rectum.*

E Sotade antichissimo poeta
greco cantaje ,

*Et modestus : hoc Dei Mu-
nus puta.*

*Moderatio autem vera , tunc
erit tibi ,*

*Si metiare te pede , ac mo-
dulo tuo.*

Arazio pare , che dica lo mme-
desimo a la Pistola 7. de lo li-
bro. 1.

*Metiri se quemque suo modu-
lo , ac Pede verum est , e a la
Satera 3. lib. 2. dice*

*Desine cultum majorem cen-
su.*

Luciano a llettere de marzapano te lo mmocca co lo cocchiariello :

Dijudices , dimetiaris quae propria , virium quae mensura.

Pinnaro pare che metta n' obbrecazione , che ogn' uno s' aggia da mesorare , anze pe necessetà , mente dice :

Oportet autem juxta suam quemque conditionem

Uniuscujusque rei spectare modum etc.

Siente appriesso , che te dice Terenzio :

In omni re videndum , ne quid nimis.

Marziale non te lo pò dicere cchiù chiatto.

Qui sua metitur pondera , ferre potest.

E sse non te vasta chesto, tiene ammente lo proverbio de Perzió.

Messe tenuis propriè vive.

E Plauto, se buono m'allecor-
do, meglio de tutte laudando la
misura dice:

*Optimus est in omnibus rebus
modus, laudabilisque mensura.*

Jovenale po se nne vene a lo
ppartecolare de cierte cannarune,
che bonno magnà da Ricche Mpol-
lune, e ssarranno povere zavari-
ne: apre l'aurecchie, e sse no lo
ntienne, fattelo dechiara: e:

. . . . *Buccae*

*Noscenda est mensura suae
spectandaque rebus*

*In summis, minimisque eti-
am cum piscis emetur*

*Ne cupias Mullum, cum
sit tibi gobio tantum*

*In loculis. Qui enim te de-
ficiante crumena,*

*Et crescente gula, manet
exitus aere paterno?*

Bè , che te nne pare ? sientete lo fatto tujo , vuoila ntennere meglio ?

Donca non te ntoscire mo che lligge 'sta chelleta mia , nne mme stare a ddicere ca m'aggio pegliato li penziere de lo Russo , e che meglio avarria fatto a mmesorare-me io , che ddicere male , e mmesorare ll'autre , a li quale responno , ca sto penziere se lo devèvano pigliare llozo primma de mene , ca io avarria fatto fenta de lo storduto , ed avarria sentuto le ccampane sonare , accossì dico , che facciano llozo puro , e po comm'aggio ditto ccà , io non dico male de nullo , ecquando fosse pe chesto , de nesciuno dico tanto male , quanto de me stisso. Ne sia chi se mmagena , ca io co ddicere male de mene aggio fe-gnuto , e ca sotta chisto colore

mme sò bestuto de li panne d'autre. A cchesto non saccio che nce dicere, perzò ognuno la ntenna comme le piace, perchè a mme non mme mporta niente. Ora non serveno tanta felastroccole, ognuno se piglia chello, che fa ped isso; saccio buono perrò ca aggio ditto lo vero, e a la Veretate nesciuno lé pò dicere nne miente pe la gola.

LO VASCIELLO

DE L' ARBASCIA.

P R O E M M I O

Io lo quale so cchillo che ccantaje ,
 Co mmieze vierze struscle l' affanne
 De la Peste , ed appriesso tatanaje
 Napole Scontrafatto pe cciert' anne ;
 Ma perchè nè è da dicere cchiù assaje
 Pe la scajenza de le Mmeze-canne ,
 Pocca d' averne nullo se nne vanta ,
 De cheste vò la Musa mia , ch'io canta.
 Non tratto ccà de guerra , nè d' ammore ,
 Non de Sajette d' arco ; e non de frezze ,
 Non de prodizze , e mmanco de valore ,
 Manco de potestate , o de grannezze ,
 Non de grolia a biento , o de sbrannore ,
 Non d' arroich' azzeiune , o de prodezze ,
 Ma de na Veretà specchiata , e ppura ,
 Che commanna ch' ognuno se misura.

Chi sentire non vò; ch'all'ppa, e sfratta,
 Azzò dinto st' abballo non ce trasa,
 Perchè chi legge affè n'apo se gratta,
 Pocca non parlo nzifra, e minanco nfrasa;
 Chi non vò starc assiesto, che se schiatta,
 Ca la ragione a lo sole stà spasa,
 E cchi non se sà buono mesorare,
 Dà materia a ttutte de parlare.

Non te partì da me, se mme vuoie bene,
 Vergenella de rose ngiorlannata,
 Ca scorrere mme sento pe le bene,
 Ll'acqua fresca, che ffrateto mm'ha data;
 Io te sarraggio schiavo de catene,
 Se mm'aiute a ffa janco sta colata, (spero,
 Ca mmè l'aie mprommettuto, e de cchiù
 Che tu mme facce dicere lo vero.

De le grazie toie n'essere avara,
 Se lo cielo te dia buona ventura,
 Azzò, che ogn'uno meglio ntenna, e mpara,
 E cco la Meza-canna se misura,
 Tu sta mente nfoscata mme reschiara,
 Fammè dì la verdà senza paura,
 Ca lo Munno sentì la vò ncanzune,
 O pe bocca de Pazze, o de Boffune.
 Aie de l' Allustre Cuonte de BUONNIA
 Legitemo Reiale, e bero sguiglio,
 Digno Tenente de l' Artegliaria,
 D' azzeiune nnorate crede, e ffiglio;

Perchè si ttutto ammore, e ccortesia,
 De dedecare a tte sta Musa io piglio,
 Nè hosta gentelezza mme reprenna,
 Sed'autro, enon de Vuiescrive sta penna.

Ca se la Musa mia muta languaggio,
 E se mpara de fa quarche llatino,
 Io puro spero mutà personaggio,
 E ffarete a bedè, chi è Balentino;
 Pemò te dò, Signore mio, quant'aggio,
 Ne nte curà, se n'è lo vierzo fino,
 Ca se bè sta pettura poco vale,
 Non è copia nò, ma regenale.

Se bè penzato aveva parlà ntoscano,
 E ddì de vuie quaccosa p' azzellenza.
 Ma la Musa gridaje, olà pacchiano,
 Osi d' avere tanta confidenza?
 Io ntese chesto, e ppriesto levaie mano,
 Pe non venì co cchella a ccompetenza,
 E ccercanno perduono de st' acciesso,
 Non pe cchasto scompette, e ddisse ap-
 (priesso.

Ti basti omai d' intendere il Toscano,
 Ma che ne parli, oibò, questo non fia,
 Perchè non lice a te brutto babano
 Aver tanta licenza, ed albagia:
 Quel che la mente può, scriva la mano,
 Chiarisca il vero, e fugga la bugia;
 Ch' anch' il Cortese col suo basso verso,
 S' immortalò per tutto l' Universo.

Ca tu poscia quantunque non sii tale ,
 Che possi unquancuo apppareggiarti a lui,
 Ti potrai gloriar , ch' il caviale ,
 Maie vestito sarà dei fogli tui ;
 Deh sequi pur lo stile naturale ,
 Ch' io amica ti sarò , qual sempre fui ,
 E ad onta d'Etruschi, Cruschi, e Toschi,
 Farò che'l Mondo t'ami , e ti conoschi.
 Fa chello , che ddic' io , n' avè paura ,
 Sequet' allegramente , ca vaie buono ,
 E sse quarcuno te vò fa na cura ,
 No lo stemare nò , miettete ntuono ;
 Perchè chello , che ddice n' è ffreddura ,
 Ca so-ccose massiccie , e so de truono ,
 E po pe ccierto sarranno stemate ,
 Da chi conosce , e ssa la veretate.
 Le mmale lengue lassale pparlare ;
 Siase chi sia , nesciuno te fa guerra ,
 Perchè quann' io te voglio nfroccare ,
 Provita mia , ca le daie tutte atterra ;
 Chi leggere non sa , se và a mparare ,
 Se nò ch' appila , e cche la vocca nserra ,
 E sse quarche Pedante te censura ,
 Dille da parte mia , che se misura.
 E che poi di lodar pensi , e presuni .
 Quell' invitto Campion, quel sommo Sire
 Il cui valor , li cui saggi costumi ,
 Penna scriver non può , nè lingua dire ;

Più tosto in dietro torneranno i fiumi,
 Ed al fuoco i tronconi arsi fiorire
 Vedransi, che Poeta, e sia chi sia,
 Si pozza mai sganà sta fantasia.

Vi voglion'altre penne, ed altri ingegni,
 Poichè non vi son più Tassi, e Marini,
 I cui lor nomi di memoria degni,
 Dopo morti stimati fur Divini,
 Quel che son oggi, io li riputo indegni
 Di tanto ardir', o sian Toschi, o Latini,
 Ca cierte vonno fa de li Marune,
 Ma po tutte diventano mmarrune.

Otra ca tu sarrisse n'anemale
 Si penzasse laudà Don GRABIELE
 Co ssa penna, che poco, o niente vale,
 E co pparole amare comm'a ffele;
 Tu non si ddigno de cauzà stevale,
 Annoscella perzò, vascia sse bele,
 Ca chi è cchisso, stà scritto a mnille parte,
 Co mmeglio penne a cch'ù nnorate carte.

Aveva no locigno appeccato,
 Tosco, e non Tosco, e no scompa pe n'
 (anno,

Se non ca mme votaie tutto nzorfato,
 E disse, scumpe mo potta d'aguanno;
 Ch'acciesso è cchisto, quale gran peccato
 Aggio commisso? a chi fatt'aggio danno?
 Mannaggia lo Toscano, e quanno maje
 Schitto de nne parlà me mmagenaje.

Donga perzò, Signore mio benigno ,
 Perdona lo sopierchio attrevemiento ,
 E sse de te laudare non sò ddigno ,
 Causa n'è, perch'è rruzzo lo stromiento;
 Lo buono aminore azzettane pe ppigno,
 E non te lo pigliare a mmancamiento,
 Se lo Cielo te libera de male ,
 E te pozza vedè Gran Generale.

Serze non se sdegnaie da no pacchiano
 Piglià no poco d'acqua pe ddefrisco ,
 E Ccesare azzettaie da no Vellano ,
 No grammaglietto fatto de lentisco,
 Ed io, che ssò no povero Screvano,
 Chello ppoco , che ppozzo t'afferisco ;
 Perzò piglia de me protezione ,
 E mprestame , s'accorre , no Cannone.

Senza protezione non è ccosa ,
 Che io pozza dà de pietto a sta facenna;
 Attiso la materia è pprecolosa ,
 E parlo nforma, ch'agn'uno mme ntenna;
 Già vco ca L'ONESTATE s'è nnascosa ,
 Perch'ogn'uno ne fa monnezza, e brenna,
 E sse sente morire , e se n' affanna ,
 Ca trovare non pò na Meza-canna.

Mann' a lo Muolo subeto la Spia ,
 Nne che ssente sparare no Cannone ,
 La poverella , ca crede , che ssia
 De Meze-canne quarche Galione :

Ma po ca non nc'è niente, e non nc'è ccia,
 Le dice quanno torna lo Spione,
 Signora, ca t'accide, o ca te scanne,
 Nc'è vi che huò, non ce sò Mezccanne.

De cheste sò pperdate le ssemmente,
 E cchi le ssapea fa so stat' accise,
 O la Baggianaria tanto potente,
 Scacciate l'ha da li nuoste paise:
 Da chesto è nnato mo, ch'ogne ppezente
 Vo fa lo sforzo quann'ha seie tornise;
 Ma quanno affè nce fosse la Mesura;
 Cchiù d'uno torciarria de la paura.

A cchille luoche llà nterra Todesca,
 Cchiù d'una cierto se nne po trovare
 Ca la baggianaria non nce fa pesca,
 E no momento nou nce po regnare;
 S'attenne ogn'uno a nchire la ventresca;
 Ma non però se sanno mesorare,
 E sse dà le volisse no tesoro,
 No la danno, e la teneno pe llo ro.
 Nvenezia porzì nce nn'è quarcuna,
 Che pperzò se sà tanto arregolare,
 Che resiste a li cuorpe de Fortuna,
 E nnesciuno nce vasta a ccontrastare,
 Da la crescenza, o mancanza de Luna
 Se sape d'ogne tiempo reparare,
 E de zio causa n'è, Signora mia,
 Ca non nc'arregna la Baggianaria.

A Genova , mm' è stato referuto
 Da uno che nc'è stato nfi a ssett'anne,
 Quar'ha tre ghiuorne mo, chen'è benuto,
 È de chella nne dice cose granne ,
 Ca co lo prattecare ha canosciuto ,
 Ca nc'è gran quantetà de Mezecanne,
 Ccà trovà non se pò pe nnulla via ,
 Perchè nce regna gra Baggianaria.
 E ccomparso co bele assaie sforgiose ,
 No VASCIELLO chiammato l' ARBA-
 (SCIA ,
 Che pe l'uommene, e ffemmene gran cose
 Porta ; ma non se sa de dove sia ;
 Songo, Signora, a buie tutte sdegnose,
 Ca fatte so pe la Baggianaria ;
 De raso giallo a ppoppa è na bannerà,
 Co lo mutta *Mo nc'è, prima no nc'era*.
 Io pe fa nzò che m'obbreco de fare ,
 Comme convene a mme de ve servire,
 Lo voze vedè tutto scarrecare ,
 Pe la rrobba , che nc' era referire ,
 Quanno la vidde n' appe a speretare ,
 È fuie tocca , e non tocca pe ffuire ;
 Perzò la causa, che mme nce trattenne,
 Fu pe nne fa nventario solenne.
 Perchè mostrato avenno la Patente,
 Fece tutta caccià la robba fore ,
 La Guardarobba quanno chesto sente ,

Motare la vediste de colore ,
 Se chiavaie da se stessa no scennente,
 Ca sta nova le dette gran terrore ,
 Po se votaie decenno a le compagne ,
 Mare nuie, so scoperte le mmagagne.

Mo sì ca nuie starrimmo a le rretaglie,
 De tanta lengue, e non servono scuse,
 Starrimmo nvocca de mille zantraglie,
 Mare nuie non nec fossemo maie schiuse;
 Ogn'una farrà fuorfece , e ttenaglie ,
 E po starrimmo nvocca nfi a le Mmuse,
 Quale songo secrete arrasso sia ,
 Comm' a ttrommetta de la Vecaria.

M'hanno voluto dà lo sottamano ,
 Che non decesse niente , e stesse zitto,
 M'hanno pregato , e strapregato nvano,
 Ch'a buie, Signora, niente avesse ditto,
 Ma io , che da nteresse stò llontano ,
 E boglio sempe fare lo dderitto ,
 Vedè n'aggio voluto lo costrutto ,
 Pe ve fa consapevole de tutto ,

La primma cosa ddonca , che bedette ,
 O che non mme nce fosse maie trovato,
 Furno ottociento trentaseie cascette
 Zeppe , zeppe de fino solemato ,
 Appriesso a cchesto subbeto scoprette,
 Tant' aute cascettelle d' argentato ,
 Co cchiù de mmille sacche de Maruzze,
 E na gran quantetà de Porcelluzze.

Cacciaieno fora po tanta lancelle ,
 Che dde latte de crapa erano chiene ,
 Qual' erno grosse, e cquale peccerelle ,
 Ma stevano appellate muto bene ;
 Cchiù de mille pegnata, e ppegnatelle,
 Ncoperchiate, e na scritta ogn'una tene,
 Ceraso , foglia d'oro , e ttremmentina ,
 La meglio, che se trova, e la cchiù ffinna.

Argiento vivo , tarco , oro pomiento ,
 Pecciune janche , e ccanfora verace ,
 Ciert' aute cchelle, chellete d'agniento ,
 Co cchiù de mille sacche de storace ,
 E de sciure d' acito , cchiù de ciento ,
 Fiascune appellate da vamnace ,
 Rise, fele de vacca, e gran lammicche,
 Sciure de mille sciorte, vierde, e ssicche.

Se nne vuoie , pigliatenne scotelluccie ,
 Carte de russo , e ttanta pastetelle ,
 Che se nne carrecaino mille Ciuccie ,
 E dde non saccio che tant' arvarelle ;
 Non creo tanta nce so ffoglia cappuccie
 A le ppadule , o nucc a le Cquatrelle,
 Quanta de cheste nchiotole ha portate ,
 Pe dà colore a ccierte nzolarcate.

Serveno , non perrò ste cose tutte ,
 Pe ghiancheià le spalle, faccie, e ppiette ,
 E pe ffare parè belle le brutte ,
 E ccoprire co ccheeste li defiette ;

Ora vedete a cche ssimmo arreddutte,
 Sant' ONESTA' vedere, che cchiù a-
 (spiette,

Ma chella co gran fremma stà a ssentire,
 Nnarça schitto le cciglia, e se nne rire.

Otra de chesto ne' è porzì llà ncoppa,
 Gran quantetà de trezze, e ccapellere,
 Ed a bascio a le ccammere de poppa,
 Nce sò gran sacche chine de chiommere,
 E pe chi ll'ave janche comm'a stoppa,
 E le bò fare jonne, o nere nere,
 Tani' aute chelle chellete ha portato,
 E ffanno a chi ne vole buon mercato.

E pe ffare a la femmene vestite,
 Nuove drappe nce sò, nuòve colure,
 Co ttant' usanze, e ffoggie non audite,
 Fatte co mmille sciorte de lavure,
 E ccicrt' aute ttelette assaie polite,
 Che le ssento chiammare mille sciure,
 E balle de scarlata, e scarlatina,
 Pe fa parè Signora ogni mmappina.

Vennero appriesso a ccheste a mmano, a
 (mmano

Cient'e mill'autre drappe de crapiccio,
 Co mmille pezze de velluto chiano,
 De chiù ccolure, e gran velluto riccio,
 A ll'uso raso nc'è Nnapolitano,
 Pe fa velate, e mmanèche apposticcio,

E llamme, e llamme a schiecco, e mme-
(ze lamme

Pe lavannare, pettole, e mmaddamme.
Nc'è de cchiù, ca n'ancora aggio scom-
(puto,

Gran quantetà de drappe de mmorcato,
E no drappo a Benezia ntessuto,
Che lo parmo v'è cchiù de no docato;
Lo quale ncomparere s'è bennuto,
Ed acciò ssaccie, se l'hanno accattato
Mogliè de casedduoglie, e de Chianchiere,
De pover' Artesciane, e Ppastecciere.

Uh, che ffacette tanno arrasso sia,
Quanno chesto ntennette l' Onestate,
Ca parette na Furia, e n' Arpia,
Che tormentano ll'aneme dannate:
Ora pe sta sfacciata guittaria,
(Disse) siano pe ccraie banne jettate,
Che ssulo a gran Signore sia conciesso
De sto drappo vestì: sequet' appriesso.

Nce so gran quantità de sereniche,
E ffatte apposta fasce de gonnelle,
Mante non porta troppo, ma manticche,
Abbete puro co le mmanecelle,
Cole groppere, e ccierte triech'emmicche,
Parte codute, e pparte co l' ascelle,
Non nce sò beramente guardanfante,
Ma gonnelle spaccate tutte nnante.

D'oro, e d'argiento, e de pezzille venne,
 Na quantetà, che non se po ccontare,
 E rrezziglie cchiù belle, ecchiù solenne,
 Ch' a chi le bede fanno spantecare ;
 Galane, se nne vuoie, tu pigliatenne,
 E ccreo ca nce nne sò sette solare,
 Sottanielle nce so puro stampate,
 Comme fossero justo arragamate.

Scioccaglie d'oro fauzo tanto belle,
 Part'a nnavetta, e pparte a ccampanare,
 Ciert'a ccaneste, e ciertè a econocchielle,
 E cierte fatte a mmuodo d'aurenare.
 Cannacche, tunne, e ttanta bagattelle,
 Na quantetà, che non se pò ccontare,
 Quale cose non vanno no lopino,
 E s'accattano a ppriezzo d'oro fino.

Nce so ciento cascette chiene chiene
 De cierte bacchettelle assottegliate,
 Comm' a ddicere d'ossa de Vallène,
 E stanno co bell' ordine ammazzate ;
 Co le quale s'agghiustano le schene,
 E ppiette de le femmene sgarbate,
 Nce so gran spengolelle, e spongolune,
 E de vrito porzì ciente pallune.

De scarpe co li puonte, è a ttallonette,
 Parte spontute, e co le ccorna puro,
 Ciert'a zuoccolo so co li legnette,
 Ma dire quanta sò, non m'assecuro,

E de lamma porzì co le ffaccette ,
 Ca se non mme credite , ve nne juro ,
 Ma pe na medecina , no chianiello
 No nc'è , ca non nne porta sto Vasciello.

De sciecche nce nne so no meleione ,
 Fatte co belledissema mastria ,
 A ddove ponno a ggusto le pperzone
 Fare pomposa cchiù la guittaria ;
 Ed io co ttutto ch'era lo Spione
 Uno non ebbe (chî lo ccredarria)
 Ma perzona non nc'è misera , e scura,
 Che de nn'avè cchiù d'uno non procura.

Gran cornice nce so puro ntagliate ,
 Co ttanta belle fatte capezzere ,
 E pò-co le colonne ntorcegliate ,
 Co belle ntaglie de ciento manere ;
 So ccheste cierte sfoggie mò mmentate,
 E nc'è pperzona , quale , pe l'avere,
 Jetta l'oro massiccio , e non se sdegna
 De dare oro a mmartiello p'oro a llegala.

Pe l'uominene nce so forme , e mmodielle ,
 P'accaccià nova foggia , e nuova osanza ,
 Pe fa cauzune comine a ssottanielle ,
 All'uso de Boemia , e de Franza ;
 E pe chi vole stà senza cappiello ,
 Per ncoperchiare la mala cianza ,
 Gran chianette nce songo a sto Vasciello,
 De velluto , de raso , e terzaniello.

Pe ffa parè Segnure li covielle ,

Drappe pure nce sò de cchiù mmanere,
 Comme a dicere mo de terzanielle ,
 De boratto , e dde raso le ffelere ,
 E pe mettere attuorno a li cappielle ,
 De tagliarelle nce nne sò le schere ,
 E dde cchiù mille balle de sevoglie ,
 Pe bestì mille trippe, e mmille nnoglie.

Ventaglie co li sciecche , e ttabacchere ,
 De ciento muode, e ttanta mantechiglie,
 Mappole , manecune , e mostaccere ,
 Con nfi a mmille cascette de pastiglie,
 E ffuscelle de paglia , ma sò nnere ,
 Che ppe Cappielle serveno, ed auniglie,
 Nfi a mò nne so sbarcate ottanta guzze,
 E ccreo, ch'ancora nce nne so li puzze.

Porta porzì gran quantetà d' acchiare ,
 Ma so de corta vista , e sò appannate,
 Che se be sò lluciente, belle, e cchiare,
 Non sò pe bista longa appropriate ,
 Balle de dale , e ccarte da jocare ,
 Che stanno puro cca mmentariate ,
 Nce so gran mmanechitte, e assai mol-
 (lette ,

Pe ccierte zanne , e ccaea-pozonette.

Radche de tabacco , e d' acqua forte

Porta, e de cchiù gran piettene de chium-
 (mo ,

Galle sane, e ppesate de cchiù sciorte ,
 E na porva chiammata nigrofummo ;
 Jettero p' annasconnere l' accorte
 Gente de lo Vasciello , ed ecco io al-
 (lummo,

Argiento de coppella, acciario, e ttanno
 Me dicano a cche sserve, le commanno.

Quanno mme responnette na Masai da ,
 Ch'avea na catenazza d'oro ncanna ,
 E'cchesta na materia ben gagliarda ,
 Che serve a ccierte vecchie de Sosanna ;
 Ca se be la chiommera hanno leiarda ,
 Manco vonno operà la Meza-canna ,
 Li quale pe pparere fegliulille ,
 Co cchesto fanno nigre li capille.

Legna pe fà Galesse , e Ccarrozzine
 Nce nne sò le mmigliara, e mmigliarate,
 Otra ca nne sò cchiene le ssentine ,
 Nfi a mmille canne già nne so sbarcate ;
 Nce sò gran sarvanguardie pozine ,
 E ttutte co le sfirmme , e ssegellate ,
 E de quatierne janche li sportune ,
 Pe fà decrete , e graduaziune.

Nce so seie vote mille, e cchiù brachiere,
 Che l'aggio vist' io propio contare ,
 Che se be so de fierro , so lleggier ,
 E se vennirno primma de sbarcare ;
 Io che bedde accattarne a Ccavaliere,

A Mmiedece, a Ddotture e a gente rare ,
 E pperchè cosa bona mme penzaje ,
 Puro n'auto pe mme, mme n'accattaje.
 De cierte cchelle na gran quantetate ,
 De cchiù fforme nce songo , e de cchiù
 (sciorte ,
 Quale so ssane , e cquale so sseccate ,
 Parte nne so deritte , e pparte storte,
 Cierte so nnere , e ccerte so nnaurate,
 Cierte so llonghe longhe, e ccerte corte;
 Le cquale tutte serveno pe ffare
 Maneche de cortielle , e ccalamare.
 De cchiù mm'è stato ditto c'ha tre mmise,
 Che se va ntuorno coste mmercanzie,
 Pe tterre , pe ccetate , e pe ppaise ,
 Pe le smautire , e ffare cortèsie ,
 Ma non ne' è chi nce spenna tre ttornisc,
 Ca non ne vonno de ste guittarie ;
 Hanno ccà dato funno , perchè ssanno,
 Ca nfra no juorno, o duie lesmautarranno.
 Perchè sti luoche cca songo abetate
 Da gente troppo vane , e ccuriose ,
 Ch'ammice sulo so de vanetate ,
 E ca sò (verbo razia) sfarzose ,
 Perchè se vive co gran lebertate ,
 E mun' ha ditto de cchiù tant' aule cose,
 Ma perchè saccio ca ve dò ddesgusto;
 Stò zitto , ma gran cose sa sto fusto.

Nò cchià ca rutto mm' aie lo cellevriello,
 A lo Spione disse ll' Onestate ;
 Te cride fuorze stare a lo Vordiello ,
 Che mme parle co ttanta lebertate ;
 Dimme , che gente porta sto Vasciello,
 De che connezione , e cqualetate ;
 Chillo llà pe gran scuorno app'a mmorire,
 Po pigliaie sciato , e rretornatte a ddire.
 Femmene nce so schiave janche, e nnere,
 E olevastre , e dd' ogni cqualetate ;
 Schiave de le mmedeseme manere
 Mascole , d' ogni forma , e d' ogn'etate;
 Chi so de bone , e cchi de brutte cere,
 Venute pe fa razze sconzertate ,
 Ngnora non nce mancava autajenimma,
 Che sta razza de Turche, e dde canimma.
 De dicere porzì mme sia conciesso ,
 Ca porta nfenetà de Passaggiere ,
 Ma no perrò de ll' uno, e ll' auto siesso,
 Tutte de luocche strane, e fforastiere:
 Io non sappenno, che min'era socciesso,
 Demmanaie curiuso de sapere ,
 Chi so st' agente ? vonno cca sbarcare?
 Vorria sapè , che sso benute a ffare ?
 Quanto mme ntese dare a battaglione ,
 Da mille vuce na risposta sola ,
 E sse fauza non è la penione.,
 Mme parze nfrocecat' ogni pparola ;

Ma mme disse a ll'aurecchie no vespone,
 Ca chiste so benute a mmette scola,
 L'uommene no perrò de mbroglie, e zelle,
 Le flemmene pe ffa nuove vordielle.

E ccopierle de pelle de Liune,
 Nc'è na gran quantetate d'anemale,
 Ciuccie, scigne, e pporzì gatte-maimune,
 Che Vuommene pareano natorale.
 Asce pure, cocule, e sportegliune,
 Co belle penne, ma non natorale,
 A li quale accostatome vicino,
 Chi ntese parlà tosko, e cchi latino.

Femmene tutte sò li marenare,
 E n' ommo sulo porta lo temmone,
 Quale se fa da chelle commannare,
 È sta comm' a no-piezzo de macchione,
 A ddove vonno lo fanno votare,
 E stace co na gran soggezzione,
 Perchè, se penza de se freccecare,
 L'accommenzano tutte a ngioriare.

Io de sapere chisto gnefecato,
 N' avea no desederio nfenito,
 E da chi mme l'avesse dechiarato,
 Tagliare m' avverria fatto no dito;
 Una de chelle, e comme si sciaurato,
 Mme disse, te liv' io mo st'appetito,
 Si ccappa nera, e non saie strollocare
 Chello, che bole chesto gnefecare.

Chill' ommo llà , che pporta lo temmone,
 E cche se fa da tutte commannare ,
 Era capo de nuie , mo ne' è guarzone,
 Perch' è no guitto, e non se fa stemare:
 Chisto vo guefecà chelle pperzone ,
 Che le mmogliere non sanno addomare,
 E sse fanno portare pe li nase ,
 Da ste trafane femmene marvase.

Voze de cchiù sapere la Patrona ;
 Quale, dov'era, e comme se chiammava,
 Essa respose, e dissem' aie raggione ,
 Ditto te l' averria , se nce penzava ;
 Vi chella llà becino a lo temmone ,
 Che stace a mmano a mmano co na

(schiava ,

La cchiù masarda , che ccà ddinto sia,
 Va spallata , e sse chiamma Guittaria.

La Capetania po de lo Vasciello ,
 Mme mostaie, che ppareva na sprovera,
 E ghiea vestuta co no sottaniello ,
 Dove na coda longa longa ne' era ,
 Parev' essere nat' a lo vordielo ,
 Tanta squase faceva la trammera ,
 Chesta pe cquanto ntenno da ch'è nnata,
 Se le mettette nomme la Sfacciata.

Chella , che ppare Galera sparmata ,
 Che non ave na stizza de vregogna ,
 Vi ca và tutta quanta spettorata ,

E le zizze vessiche so de nzogna :
 Chesta se fa chiammare la Ntosciata,
 Perchè nesciuno ne' è , che la ncotogna,
 Chesta ccà de la vusciol' ho pensiero ;
 Degna de stare mmiezo a li quartiere.
E cchella llà che pporta le ttrezzelle ,
 Videla comme v'è tutta sforgiosa ,
 E pporta la gonnella co l' ascelle ,
 Non ha troppo capille , ch' è zellosa ;
 Chesta se po chiammare una de chelle,
 Dicere lo borria , ma non è ccosa ;
 Chesta de lo Vasciello è Pommardera,
 E dda tutt' è cchiammata la Trammera.
Chell' auta, che ha tutta riccie, e mimiccie,
 E stà tutta de ceraso nchiaccata ,
 E li capille puro so a pposticcie,
 E la faccie , che ppare nzolarcata ;
 Ha pe ttrezze a lo cuollo doie sauciccie,
 E' na scalarcia , e ddice , ch' è na Fata,
 Chesta de lo Vasciello è Ddespenzera,
 E pe nnomm' è chiammata Vordellera.
Votate , vide llà chella Vecchione ,
 Che porta li sciocaglie a ccampanare,
 Non se trova a ccagnà manco a ssapone,
 E là trovano de se mmaretare ?
 Nfi mò cinco marite a lo pascone.
 N'av'abbiate , e cchiù nne vò provare;
 Chesta ccà de le bele auza la corda ,
 Ed è lo nome suo Donna Baiorda.

Chella che stà seduta , chella grassa ,
 Che de magra lo labro tene tinto ,
 Pare fegliola , e ssette cruce scassa,
 E d' essere se crede Cuccopinto ;
 Porta de cchiù lo manto a la' smargiassa,
 Justo comme se fosse panno cinto ,
 Chest' ha pensiero de la Vettovaglia ;
 E sse chiamma pe nomme l'Antecaglia.
 Tanto po mme mostaie vecchie arrappate,
 Ch'avev'ogn'una no presiento nmano ,
 Chi pezzille , chi orletta, e chi velatè,
 Chi quarche canna de velluto chiano,
 Chi maneche d' argento arragamate ,
 Che ffanno na gran bista da lontano ;
 Cheste ccà co ste ccose fanno pesca
 De gruosse tunne, e ddonano ventresca.
 Se voleva sapè quarch' auta cosa ,
 Mme s' offerette pronta , e ppreparata,
 Femmena non vedd' io tant' amorosa ,
 Nè com' a cchesta tanto accreanzata ,
 Quanno parlava steva temmorosa ,
 Ch' abbesuogno, che ssia bon' allevata;
 Po mme decette se non aie , che ffare,
 Siente de me se vuoie strasecolare.
 Ca pe te fa restà mmaravegliato ,
 De me te voglio dicere quarcosa
 De la connezione , e dde lo stato
 A cche m' ha puosto Fortuna moccosa;

Non saccio a ddì se fosse stella, o Fato,
 Che sta chianeta mme tenea nnascosa,
 Ca quanno mme credea d'esse Regina,
 So ddeventata mozza de Cocina.

Da che mme mmaretaie ponteca sciorte,
 Appe, perchè pegliaie no mascanzone
 Che bolea, che ffacesse fusa storte,
 Pe sforgiare, e ngorfire, lo guittone;
 Po la fatica le sapev' a fforte,
 Mme vast'a ddì, ch' era no mbrèiacone;
 De cchiù mme tormentava, e n'avea
 (scuorno,
 Ca voleva da me tanto lo juorno.

Io, che non era nata a ttale sciorte,
 Otra ca so de buono parentato,
 Cchiù priesto n' averria fatto dà morte,
 Che commettere simmele peccato,
 No juorno gredaie tanto forte forte,
 Che tutto nce corrie lo vccenato,
 E mment' isso facea lo cuollo stuorto,
 Mme ddecevano tutte, aie tuorto, aie
 (tuorto.

Figlia n' essere tanto mpertendente,
 Obedisce a mmariteto, stà zitto,
 Ca buon' cie l'ammico, e lo parente,
 Ma meglio è lò marito, se bè è guitto;
 Singhele a cquanto vole obbediente,
 Ch' ad ogni libro lo ttovarrai scritto,

Ca chella llà chiammare se pò Casta,
Che nnesciuno la tenta , nè l'attasta.

Maritet'è no povero compagno ,
La casa è llopa , e no scompesce maje,
Facenne non nce sò, non n'è guadagno,
E d'ogne tiempo crescono li guaje ;
Tu manco si dde chiummo, nè de stagno,
Ma ca tu strille , e tt' accide, che ffaje,
Co la Vacca , lo Voie perzò stà unito,
Che la mogliere aiuta lo marito.

Io pe no stare a ttanta compromisse ,
Ecco ccheste competere, e cco cchelle,
E pe llevare sti dicome , e ddisse ,
Co sse dessonorate femmenelle ,
Perch'erno sti taluorne troppo spisse,
Che sbotà mme faceano le bodelle ,
E ppe chiarire a cchillo tradetore ,
Me n' alleppaie de nott' a le cinc' ore.

Tie ghiuorne sane , ed auta tante notte,
So ghiuta sperta pe buosche, e mmonta-

(gne ,

Senza magnà vevanne , crude , o cotte,
Pascennome de nuce , e dde castagne ,
Dormenno pe le ttane , e pe le grotte,
Sola , perchè non voze maie compagne,
Po quanto a la mprovisa na matina
Me troyaie bello nnante a na marina.

Dove a ttiempo passanno sto Vasciello ,
 Lo quale da lontano mm' abbestaje ,
 Nterra priesto mannaie lo sgheffetiello,
 Ed a mme , che stea sola, nne zampaje,
 Mo comme vide stongo a sto greciello,
 Aimmè , che non nce fosse nata maje,
 Ca n' anno vorria stà nmano de More,
 Che co sta mala razza pe ddoie ore.

Concruse , e ddisse famme a lo retuorno
 Piacere , porta priesto sta mmasciata
 All' Onestà , che benga nnante juorno
 Graie , ca se no , nne moro desperata;
 Ca stò co na vregogna, e cco no scuorno,
 Che mme contentarria n' essere nata ,
 E ddapò , se sta prattec' assaie dura ,
 Me porria fa mutà fuorze natura.

È cchesta de presenzia , e ffacce bella ,
 E mme pare ch' assaie v' arresemeglia,
 Janca comme la neve ha la gonnella;
 E sse parla , non auza maie le cciglia;
 Vecchia non è, nè mmanco è giovenella,
 Nne ssaccio se v' è ssore, o se v'è ffiglia,
 E da che so a lo Munno pare soje ,
 Autro no n' aggio viste de vuie doje.

De verde aruta stace ngiorlannata,
 E mpietto ha na collana d' oro fino,
 La faccie comm' a buie tene velata.
 E no fascio de lauro tene nzino ,

Da tutte Castetà vene chiammata ,
 E le stà rente no bello Armellino.
 Dove nc' è no cartiello a lettere chiare:
 Voglio primma morì, che mm'allordare.
 Sentenno tanno chesto ll' Onestate ,
 Se mese mano nfaccie , e a li capille,
 E pe ddloglia coll' uocchie strevellate ,
 Deze pe nli a lo Cielo ciento strille ;
 Comme soleno fa le speretate ,
 Cossì chesta facea justo pe mmille ,
 Po co ffacce arraggiata , e brutta cera,
 A spaporà sbottaie de sta maniera.
 Douca la Castetà , la sore mia ,
 A cchiste guaie se trova, a sti nfrangiente,
 Ch' è ffatta Schiava de la Guittaria ,
 Nè lo Munno de zzò se cura niente ,
 Potta chest' è na gran forfantaria ,
 Disse co rraggia stregnenno li diente ;
 Chesto zoffrire non porraggio maie ,
 Leberà la vogl' io da tanta guaje.
 Io saccio , ch' è na ffemmena nnorata ,
 E pò stà nmiezo a no campo Franzese ,
 Non perrò ca sta gente sbregognata ,
 Non voglio , che nce stia manco no mese,
 Perchè morì nne porrria desperata ,
 E mmassema se sbarca a sto paiese ,
 Mette l' ascelle , e schitto co no vuole ;
 Nne n'attemo arreveaie ncoppa a lo muolo.

Da llà se sbauza ncoppa lo Vasciello,
 E cco na Maestà nmiezo se sede ;
 La Capetania a pprimma vista, auciello
 Grefone , che bolato sia se crede ;
 Ma chella, o gente degna de vordicello,
 Le disse , che ssia mpiso chi ve crede ,
 A buie chi data v'ha sta potestate ,
 Comme schiava tenè la Castetate ?
 Vuie non sapite buono , ca mm'è ssore ,
 E ll' una senza ll' auta non pò stare ,
 Addov'è ppriesto , venga mò cca fflore ,
 Se non ca tutte ve faccio frustare ;
 Chella llà co bregogna , e co rrossore ,
 Ch'abbascio stea , la fecero chiammare ,
 Nsaglire l' Onestà la sore vede ,
 Ch'è essa , e ca n'è essa penza , e ccrede.
 Ma po , che cciente vote l'ha squatrata ,
 E llevato lo velo ch'avea nfaccia ,
 Se be ca stea no poco maltrattata ,
 La conoscette , e ccorrenno l'abbraccia ;
 Sora mia cara , quanto l'amat'amata ,
 Comme de te sta gente fa venaccia ,
 E sse dezero nziemme cchiù de mille
 Abbracciamiente , e base a pezzechille.
 Comme quanno na mamma poverella ,
 Che pperduto ha lo figlio peccerillo ,
 E mmaie non ha potuto avè novella ,
 Ma dapò no gran tiempo vede chillo ,

De contentezza s'enchie le bodella ,
 E p' allegrezza sauta comm' a grillo ,
 Simmel'è ffuorze fuorze cchiù de chesta ,
 Nfra lloro doie facettero gran festa.

Va , la forza t' appicca , sciauratone ,
 Disse a lo temmoniero , che stea zitto ,
 Piezzo de catapiezzo , mammarone ,
 Abbesogna , che ssinghe no gran guitto ;
 Lassa priesto te dico sso temmone ,
 E ppo sta vota ntanto te sia ditto ,
 Ca chi vo fa st' afficio , hesogna ,
 Che ommo sia , non quarche piscia nzogna.

Po se votaie comme cana fegliata ,
 Nmierzò la capetania , e la patrona ,
 Decenno , o gente mala addottrenata ,
 E be st' ausanza a buie ve pare bona ?
 E mmente le facea na ngiuriata ,
 Responnettero chelle , sona , sona ,
 Attennitev' a ffa li fatte vuoste ,
 Ch' accossì bonno li marite nuoste.

Scazzà! chesto de cchiù? nuie simmo fritte ,
 Disse tanno la pover' Onestate ,
 E bè, s'è cchesto simmo jute a mmitte ,
 Se votaie nfacce de la Castetate ;
 Addonca li marite sò li guitte ,
 Quale le danno canzo , e llebertate ,
 S'è cossì non servimmo pe na tacca ,
 Mente lo toro fa che bo la vacca.

Cchiù guitte le chammaie, cchiù ffetenzose,
Cchiù ciantelle , chiù tracchie , chiù

(sciaurate ,

Cchiù muostre de natura schefenzose,
Arpie , taluorne , e ffaccie nzolarcate;

E tant' aute parole ngioriose ,

Ch'a ddirle è na vregogna nzancate ,

Ma steano chelle ffurie de nfierno ,

Co na faccie cchiù ttosta de pepierno.

E sequetaie , femmene senza nnore ,

No sperate vederece cchiù mmaje ,

Che ve pozza pigliare vantecore

A buie , e a ccheste ffaccie vierdegaje ,

E pe la mano piglianno la Sore ,

Ncielo co cchella llà se nne volaje ;

Donca perzò no ve maravegliate ,

Se non nc'è Ccastetà , manco Onestate .

Ora tanno vediste nzancate

No concurzo de femmene nfenite ,

D' ogni connessione , e cqualetate ;

Zompanno allegramente pronte , e ardite ;

Vedole , zite , ma cchiù mmaretate ,

Ncompagnia de li proprie marite ,

E ttanto fuie lo puopolo , che nc'era ,

Che non parze mercato , ma na fera .

Comme fosse comparzo n' Alifante ,

O quarche Boie marino co le scelle ,

Tal'era lo concurzo , e tal' e ttante

Erno li strillette , e li grecielle ;
 Lloco vediste a mmucchio li contante
 Sborzà da gente bone , e gentarelle ,
 Che ppe cquanto canoscere potette ,
 Tutte quante a mmesura erno sogette.

Ogn' Artesciano porta la moglie
 Co li zecchine pe le ccontentare ,
 E cco cheste venettero le schere
 De Casedduoglie , e dde Cetrangolare;
 Mogliere de Chianchiere , e Ppasteccere,
 E mmogliere porzì de Tavernare ,
 De sbirre , Gabbellote , e dde Speiune,
 T'affatture decotte abbuonneccchiune.

Llà bediste mogliere de Dotture ,
 De Speciale , Miedece , e Nnotare ,
 De Cappenere , e de Proculature ,
 Cchiù, che non nce so ppisce dinto Mare;
 E gra mmogliere de mieze segnure ,
 Che spisso spisso n'hanno chemmagnare,
 E de Screvane , e scotolavorzille ,
 Cchiù che non songo a le ccampagne grille.

Ne'erano cchiù de mmille ncarrozzate ,
 E cchiù seie vote dinto le segette ,
 Ma stevano cossì bon' attappate ,
 Che bedere chi erno non potette ,
 Femmene parze a mme de gravetate ,
 E pe quanto potie sulo scorgette ,
 Che ssenza ascì nfi llà l'era portato
 Drappe d'ogne maniera , ed argentato.

Se ve voglio cantare a ppart'a pparte
 Le ffemmene chi erno, e de che sciorte,
 Non bastarriano balle sei de carte,
 E pò sarriano le ghiornate corte,
 Ogne mmestierenzomina nc'era, ogn'arte,
 Chi corre á la marina, e chi a le pporte,
 E mmogliere de chisse de li banche
 Cchiù che non nce so mosche pe le
 (cchianche.

Io puro ire co la Damma mia
 Forzato fuie per l'accattà quarcosa,
 Ca sempre mme facea la percopia,
 Co ttutto ca n'è troppo regnolosa,
 Sempe decenno: e che so cquarche arpia,
 O quarche madammella pettolosa?
 Vann' all' uso mogliere de pezziente,
 Ed io sempre mme spizzolo li diente.

Vecco ca so mmogliere de screvano,
 Veccolo lo marito cappanera,
 Meglio pegliato avesse n' Artesciano,
 Ca sarria ntesa schitto co na cera;
 A la fina non sì quarche bellano,
 Io nce vogli' ire proprio sta sera,
 Jettemo, e nzomuna pe la contentare,
 L'accattaie quatto fusa, e ttre cocchiare.

Lo lotano che ffece pe la via,
 Lasso consederare a buie nzorate,
 Che cch.ù peo l'averrite de la mia,

E nzò che bonno fare sopportate ;
 Oie lo juorno mme fa la notomia ,
 Sempre a la casa so spate arrancate ,
 E ddice ca so friddo , e ca so ppigro ,
 Nzomma cacato nc' ha lo cano nigro .
 Serva quanto s'è dditto pe nfi mmone ,
 Pe passa tiempo, e pe ntrattenemiento ,
 Pocca lo juorno d' oie cierte pperzone ,
 Vonno pallune abbottate de viento ,
 S' a no trascurzo non nc'è nmenzione ,
 Pierde co ll'uoglio lo suonno, e lo stiento ;
 Nzomma nce vonno de boscìe mmescate
 No sacco., pe no po de Veretate.

Ora venimmo a nnuie , lassammo stare
 Sti pallune , e ste ffavole da banna ,
 E ghiammo attuorno se se po trovare ,
 Se nc'è quarcuno c' ha la Mezacanna ;
 Ma sento Euterpe mia forte strellare ;
 Che ddice zitto , appilate ssa canna ,
 Piglia la penna n' autra vota, e schitto
 Sta ncellevriello, e scrive nzò ch' additto.

PARMO I.

TRASCURZO. TRA MASILLO,
E TITTA.

QUanno creò de mme fa lo fatto mio,
E dde stare no poco arreposato,
Vecco me vene a fa lo percopio
Chella, che già cchiù bote m'ha frusciato;
Chest' è la reto vota, e sse cchiù io
Nce ncappo, che pozz' essere squartato,
Ca pierzo aggio lo suonno, e mme so strutto
D' uoglio, d' angresta, e ccarta senza
(frutto.

E de cchiù vò che ccanta cierte cose,
Ch'a la giornata d' oie non songo all' uso,
Ca sò ppeccante, se bè coriose,
De muodo, che mme veò tutto confuso:
Saccio porvì ca so ffastedeiose,
Ca burla quanto vuoie co lo zelluso,
Nò le levà la coppola da capo,
Se non vuoie che le saglia lo senapo.

Ma io lo quale a Nnapole so nnato ,
 E non sò de Jogliano , nè d' Averza ,
 E po manco sò ssurdo , nè cccato ,
 Ca sò de carne, e d' ossa, e non de cerza,
 Ha no gran tiempo, che stonga al bottato,
 Ca veò le cose ire a la reverza ,
 E pperchè chino , chino stò nfin canna,
 So sforzato cantà sta Meza-canna.

Ognun' ave na scopa pe scopare ,
 E ttenere la casa bella , e nnetta ,
 E de no specchio pe se nce minerare,
 Casa non ne' è , che non se nne deletta ;
 Na Meza-canna pe se mesorare
 No la truove, puoie correre a staffetta ,
 Non se ved' auto , che baggianaria ,
 Tutta nforrata de pezzentaria.

Mas. Vorria sapere che deiasche ne' aje;
 Dimme che t'è socciesso Valentino ?
 Che co ssa lengua non abbiente maje,
 Ca pare taccariello de Molino ;
 Predica quanto vuole , cà niente faje,
 Se bè tuocche lo bivo, e ppische belhino;
 Oie lo Munno non vo correzzione ,
 Ca vò campare ognuno a battaglione.

Tit. O chià, e bì si venuto sì dde ponta ,
 Trovate chiuso, e ba pierde st' accunto,
 Siedete , di quarcosa , parla , conta ,
 Ence quarchuno che se sente punto ;

Nce la voglio a lo ruotolo stà jonta,
 Bech'avimmo da fa, nc'è quarch'assunto,
 Dessete fuorze mpaccio sto pparlare,
 O si benuto cca pe ccontrastare?

Mas. Titta mio, dice buono quanto dice,
 Ma de na cosa sùlo mme despiace,
 Ca te faie no megliaro de nnemmice,
 Donca chi te nce mette, statte mpace,
 Tu non saie chillo mutto, quale dice:
 Lassa lo Munno comme truove, e ttace,
 Ca chi oie dire vo la veretate,
 Se penza de fa buono, e dà stoccate.
 De cchiù pe te la dì, pare che ttaccie
 De la Patria stessa lo defietto,
 Perrò che nne vuoie fare de sti mpaccie,
 Fuorze truove paiese; che ssia nietto:
 O quanta peode ccà, Titta, acciò saccie
 Campano a battaglia, a guffo, a ghietto.
 Donca, che nne vuoie fa de ste ccontese,
 Mentre tutto lo Munno è no paiese.

Tit. Masillo, o no mme ntiene, o non vuoie
 Eppure sittenuto da Patrizio, (ntennere,
 Ca devarrisce ad astemo comprennere,
 Pocca si biechio, e chino de jodizio;
 Chesto non è tacciare, ma reprènnere
 Le gente, azzò che lassano lo vizio,
 Ed azzò viva ognuno arregolato,
 Comm'a le fforze c' ha, comm'a lo stato,

Nè p: Nnapoletane parlo schitto ,
 Ca parlo ngennerale a cchi mme ntenne,
 E sto poemma mio stampato, o scritto ,
 Saccio ca pe la Talia se stenne ;
 Masillo , o vavattanne , o statte zitto,
 Ca sto pparlare mio nesciuno assenne,
 Ogn' uno se la piglia comme vole ,
 Nirutto , che sso stoccate le pparole?
 Manco Napole è cchiù chillo qual' era ,
 No tiempo tutto de Napolitano ,
 Perchè mo diventat' è na galera ,
 Addove songo cchiù llenguaggie strane;
 Mo Napole stà chino de manera
 De gente forastere , e dde paesane ,
 Le quale rrazze a guisa de coniglie
 Nce hanno fatte le rradeche , e li figlie.
 E pe te dì , mme pare de vedere ,
 Che l' Arca de Noè sia diventata ,
 Addove a mmucchio, a mmeagliate , a
 (schiere ,
 Gran quantetà de bestie nc' è ntrata ;
 Se chesto vuoie negà si no sommiere,
 Tu vaie cercanno avè na stepolata ,
 Ca m' aie trovato proprio de vena ,
 St' a bedè, ca farrimmo quarche scena.
 Cca nce sò Tturchie , More , ed Arbanise
 Cca Gricce, cca Todisce, e Otramontane,
 Cca tanta pesciavine de Franzise ,

Cca nce songo porzi tanta Romane ,
 Cca nce songo de cchiù gran Toscanise ,
 Cca megliarate de Ceceliane ,
 Doveso cchiù llenguaggie, ecchiù ffavelle,
 Che non c'erno a la Torra de Babelle.

Sempe li tale , e cquale azzettovate ,
 Quale cca stanno pe ffa cose bone ?
 Nè co li triste maie vanno mmescate,
 Ca non sò tutte soccie le pperzone ,
 Perchè de buone n'aggio prattecate ,
 De tutte quante cheste nnazione ;
 Ma lassammo da banna sto taluorno
 Ca de chiste parlammo n'auto juorno.

Mas. E po se la menesta esce vrodosa ,
 Nce perdarraie ló tiempo co la spesa ,
 Affè se la nnevine è na gran cosa ,
 M'perròntienneme amme, lassa sta mpresa ;
 La Meza-canna a tutte è stommacosa ,
 Perchè non è da tutte bona ntesa ,
 Libero nasce ognuno , ed è ppatrone
 De fare nzò che bò la penione.

Tit. O sia vrodosa , o nzipeta , o salata ,
 O sia cotta , o sia cruda , o troppo sfatta ,
 O sia mollecchia , o comm'a dì scaudata ,
 Mme la magn'io , ment'io mel'aggio fatta ;
 Io pe mme ssulo l'aggio cocenata ,
 E a cchi no le piace , che se schiatta ;
 Nne pe Poeta penzo de passare ,
 Ma spapuro accossì pe non crepare.

Mas. Parla mmàcaro quàrche po' d' Am-
(more ,

Dì de Copillo , e Bennere quarcosa ,
O de Narciso diventato sciore ,
Ch'aquestarraie na famma groliosa ;
O a mmacaro lauda no Signore ,
Ca fuorze n' aie faore , o n' aie quarcosa ;
Ca co ssa chella de la Meza-canna ,
Affè non truove chi te sputa ncanna.

Tit. Io non saccio che dice, mm'aie frusciato,
Chi te tocca , che bruociole Masillo ,
Pe te dire lo vero , m'aie mmuinato ,
Co Nnarciso , co Bennere , e Ccopillo ,
Ora mo sì , mo sì ca so arrevato ,
Levamette da nante , se no strillo ,
Io non aggio abbesuogno de Totore ,
S' altro non aie che ffare , sticchia fore.
Che Ccopillo , che Bennere , che Ammore ,
Ne sso Narciso canoscette maje ,
Che famma groliosa , che Ssegnore ,
Vorria sapè Masillo viene , o vaje ,
Io non aggio abbesuogno de favore ,
Ca non stongo mpresone , o passo guaje ,
E sse campasse cientomilia anne ,
Sempe so pe parlà de Meze-canne ,
Mas. Io saccio c'aie leggiuto , e pprattecato
Gran tiempo pe lo munno , e ddimme aie
(letto ,

O visto, o ntiso, e nguaggio no docato ,
 Poeta , che s' è puosto ntale apprietto;
 Che maie mpaccio de nullo s' ha pegliato,
 Nè de scoprire a nullo lo defietto ,
 Ma d' Ammore, de Guerre, e de Pazzie ,
 De Favole , Pallune , e Ffantasie.

Tit. Donca dicere favole , e ppallune ,
 Te mmagene , che siano cose bone ,
 Ed abbottà de viento le pperzune ,
 Te pare che sia cosa de ragione ;
 Pe mme non fanno l'adolaziune
 Se mme facisse diventà Barone ,
 Nè manco saccio fa lo Cortesciano ,
 Che ttaglio faccie , e po vaso le mmano.

Caglia , stà zitto , non parlare a ghietto ,
 Be se canosce ca n' aie stodiato ,
 Tanto aviss' uocchie, tu; quant' aie maie

(lietto ,

Chiù de lo Sedecino , o lo Donato ;
 Che te se spezza ll' arco de lo pietto ,
 Quale scola ; chi masto t' ha mparato?
 Che li fatte non saie , non saie le ccose
 Scritte da perzune vertulose.

Aggio leggiuto a storie Rommane
 Auto che non dic' io de cchiù terrore ,
 Ch' a chi le ssente pararranno vane ,
 Ca so de maraviglia , e de stopore ;
 Che licet' era a ccettatine , e strane

A lo Triunfo de no Mperatore ,
 Dicere a cchillo llà da pietto a ppietto,
 Lo costume , ch' aveva , e lo defietto.

Accossì puro quanno se faceva

No Cuonzolo Rommano , o Dettatore ,
 Lo quale 'n degnetate se metteva
 Pe bertute , pe scienza , o pe balore,
 Quann' a lo Carro Treioniale jeva ,
 Le jeano rente cierte brutte More ,
 Che nsi a lo Campeduglio , e pe le bie
 Ngiurie le deceano , e guittarie.

Liegge no poco , e bide che so ditto

A Ppompeo da Lellio Formiano ,
 Che nè a no portarobba, nè a no guitto
 Ditto se le sarria forte , nè cchiano ;
 A Balerio liegge , e ttruove scritto,
 Che se decette a lo Seracosano ,
 Senza paura , e con gran lebertate
 Tanno se potea dì la veretate ?

Donca tann'era liceto parlare

Co ffranchezza ad ognuno, e llebertate,
 E po chello ch'è ppeco , mpartecolare,
 E ffare a ccampoapierto le c h'azzate ;
 Nesciuno tanno se potea chesciare ,
 Tanno se potea dì la veretate ,
 Io mo che pparlo pe ccorrezzione ,
 Ca dico la verdà , che hao mpresone.

Io so cca pe pparlare chiatto , e ttunno,
 Pocca là Musa mia così commanna ,

E se be stesse dintò a no perfunno ,
 Sempe so pe ccantà la Meza-cauna ;
 E' cchesta necessaria be a lo Munno ,
 Chiavase chi non vò no chiappo ncanna ,
 Perchè secunno l' uso de ragione .
 Deve ognuno campà , no a battagliaione .
 Libero m' ha creato la Natura ,
 Se be vassallo de na Monarchia ,
 Che non te fa de nullo avè paura ,
 Quanno nnemico sì de la boscia ,
 De chi dice lo vero ha sempre cura ,
 Chest' è la vera Protettrice mia ,
 Viva la Veretate , e viva DDIO ,
 Viva CARLO Secunno lo Rrè mmio .
 Meglio è mmorire , e ddì la veretate ,
 Che campare tacenno , e stare muto ,
 E pparlare con ogne lebertate ,
 A cchi dice lo vero , è cconceduto ;
 Donca l' uommene d' oie sarranno nate
 Pe inmagnare , e pe berevere assoluto ?
 O santa Veretà poco stemmata ,
 Malevista , no ntesa , e ddesprezzata .
Mas. Ora co ttico voglio contrastare ;
 Ch' aie la capo cchiù ttosta de na preta ,
 Veramente n' avev' auto , che ffare ,
 Parla pe nfi che schiatte , chi te veta ,
 Io so benuto cca pe t' avesare ,
 Che non faccie na chelleta , che ffeta ,

O no nee mmesca' femmene allommanco,
 Ca cantariaie cchiù libero, e cchiù franco
 Tu mine cinusce, e ssaie ca so Dottore,
 E ppozso dà consurta a no Spetale,
 Ed ammico te so de vero core,
 Chello che ddico non l' avere a male,
 Perchè cchiù d'una fatà gran rommore,
 Massema chi è no poco senzovale,
 E po' mme vaie parlanno d' Onestate,
 E cchelle, ammicche so de lebertate.

E po' se li marite leggiarranno
 A le mmogliere lloro ste ffacenne,
 Mmagenatte tu chello, che ffarranno,
 Ca n'è cchiù de na femmena, che ptenne:
 O gran scondasse, che soccedarranno,
 Quanno se sentarranno ste llegendenne,
 Massema dall' oneste, e accostomate,
 Quale non vanno ngeneraletate.

T. La ntenzione mia pura, e rrciale,
 Auta non è, che ddicere lo vero,
 E de parlare sempe ngennerale,
 Co ccore schetto, libero, e ssencero;
 Levammone perzò le ttale, e cquale
 Che non ne faccio nummero, ma zero,
 E levammone puro le cqualesse,
 Se bè non saccio ancora chi so cchesse.

M. Subeto t' ammoine, e che ccos' aje?
 E cca parle cchiù ddoce, che te costa,

Tu già si ommo , che trascurre, e ssaje
 Scusate, e di' ca no l' aie fatto apposta ;
 Co la docezza non se perde maje ,
 'O di comme dicette ll' Ariosta ;

» Passi chi vuol tre carte, o quattro senza

» Leggere, o legga, e non cè dia credenza,

T. Pe te la di' , mme pare de vedere
 Ca sì no bello ciuccio , e sì Dottore ,
 Auto non creo , che porraie sapere ,
 Cà se fa notte a le bintequatt' ore :
 Fusse tu fuorze chillo Temmoniere
 De sto Vasciello venuto da fore ?

O fuorze moglier' aie tanto vezzarra ,
 Che se parle , te piglia co na varra ?

M. Io non appe a lo munno maie mogliera,
 Nnante m' avarria fatto strangolare ,
 Io pe mme maie non appe sta chimmiera
 (Comi' a dicere mò) de mme nzorare ;
 Meglio accordato mme sarria ngalera,
 Pe mmente campo no rimmo a bocare,
 Ma pe ppiatate , e pe ccompassione
 Defenno de le femmene le bone.

T. Le bone , se nce sò , lasso da banna,
 Dell' uommene porzì dico lo stisso :
 Potta! mme chiavarria na foca ncanna,
 Semp' aggìo da parlà co lo promisso ,
 No nnomineno Vecienzo, nè Giovanna,
 Parlo contra moglier' ma, e mme stisso,

La Mez. Tom. I.

Accorrete nient' auto? che te pare?

Ence null' auta festa da guardare?

Mas. No nne sia cchiù, no chiù, non sia pe
(dditto ,

Scumpela, no cchiù mo, c'aggio abburlato,

Non te peglià cchiù collera, stà zitto,

Che d'è, che d'aie, che t'aggio mozzecato?

Ca se puro parlasse co no guitto ,

Parlarrisse, mme creò, cchiù ben creato,

Canusce buono, e guarda le pperzone,

Ca non sò cquarche zanno, o coppolone.

T. Vorria sapere chi te nc'ha chiammato,

Che sì benuto a fa sto percopio ;

Mo sì ca veramente mm'aie frusciato ,

Se non te nne vaie tu, me nne vao io ;

Nfi a mmò t'aggio sopierchio rispettato

E se non si pe ghire a biento mio ,

Otra ca quanto parle, parle nvano ,

Venarrimmo, chi sa, fuorze a le mmano.

M. Non te sò contr' affè, Ddio mme nne

(guarda

So ccà pe tte, pe nne piglià le spate,

Io te voglio aiutare a la gagliarda ,

E se non pozzo cchiù, mengò a ppretate;

Acciso sia de botta de pommarda .

Chi vole contradì la veretate ,

Se te so contra cchiù sò no paputo ,

Sequeta, dì che buoie, perch' io t'aiuto.

E ttanto cchiù ca parle d' Onestate ,
 De Mezecanne , e ccose de profitto ,
 E non pe ccierto ca te l' aie sonnate,
 Ca quanto dice , stà pe llege scritto,
 Ca le ccose vonn' esse ammodarate ,
 Nzomma Jostineiano isso l' ha ditto ,
 Perchè nfra chille antiche tre precette,
 Lo primmo (*Honeste vivere*) nce mette.

T. E quann'è cchesto, singhe benvenuto,
 Ca pare che mme faccie compagnia ,
 E mme puoie porzì dare quarche ajuto,
 Ca spassammo la mala fantasia ;
 Saccio ca sì Ddottore , e ssi ssaputo ,
 E te deliette assaie de Poesia ,
 E mment' io parlo , e ddico veretate ,
 Tu le cconferma co l' autoretate.

M. Ccheste sò , Titta , le bertute toje ,
 E mme faie mille grazie, pe ccierto
 Ogn' uno face l' azzione soje ,
 Comm' a tte, che mme laude senza mierto;
 Veramente a lo stato , che ssimm' oje,
 Pe te la dire bello a llibro apierto ,
 Ll' ONESTA' da le femmen' è squagliata,
 La MISURA dall' uommen' è screajata.

T. Donca se nuie trascorrere volimmo,
 Lo capo de lo gliuommero pegliammo,
 Ca de sto muodo no nce consonnimmo,
 E lo tiempo senz' ozejo passammo ,

Nuie bello nquatto parme destenguimmo
Sta MEZACANNA , azzò no nce mbro-
(gliammo.

Ma stà sodo , stà forte , e stà co mmico,
E no mme contradi, se mme si ammico.
Facimmo che lo primmo parmo sia
De ste bezzarre femmene sparmate,
Che co ttanta sfacciata guittaria,
Hanno dato lo sfratto all' ONESTATE:
Lo Secunno de NNORE , arrasso sia,
Lo Tierzo qual' è hera NOBERTATE.
Lo Quarto se la musa nc' assecura ,
De chi fa cchiù, che pò, senza MESURA.
Perchè ncoppa ste quatto cose schitto ,
Mme pare che lo Munno assaie se nganna,
Nè scerne da lo stuorto lo dderitto ,
Comme l' onesto vivere commanna ;
Se sì de preta , manco può stà zitto ,
Donca perzò nce vò la Mezacanna ,
Servasenne chi vò , ccà no nc' è fforza,
E biva , chi vò vivere a la storza.
M. Ora via ncommenzammo allegramente,
Viva sempe a lo Munno la Verdate ,
Perchè d'ogn' autà cosa è cchiù ppotente,
E cchiarisce le cose ammascarate ,
Io de t' essere ammico sò ccontente ,
Te voglio pe ccompare , figlio, e ffrate,

E pe te fa vedè ca sò cco ttico ,
 Accommenz' io de primmo , e accossì
 (ddico.

Ll' ONESTA' da l' Antiche se pegneva
 Na femmena de muta gravetate ,
 Vestuta nobelmente , e cche teneva
 Ll' uocchie co bella grazia calate ;
 Li quale co la faccie le copreva
 No velo , che le dea gran Majestate .
 Qual' asempio piglianno anticamente ,
 Tant' usava ogne femmena prudente.
 T. Mo non se sa che ccos'è l' ONESTATE,
 No ne' è cchiù , non se trova, è ghiu-
 (ta'n Cielo;
 Non se trova nfra zite , e mmaretate,
 N' hanno perzo le bedole lo zelo ,
 Non vide auto , che ffemmene spallate,
 E ghiuto a la colata chillo velo ,
 E che ddica accossì nfrutto abbesogna,
 Ca teneno pe Nnore la vregogna.
 Te mostano lo cuollo nfi a li rine ,
 Tanto vanno scoperte co le spalle ,
 E pportano le trezze fatte a cerine ,
 A mmuodo comme vanno li cavalle;
 E mpietto co no paro de coscine ,
 (Comme sò brutte , ciammuorio dàlle)
 Che bedennole sulo è na vregogna ,
 Ca doie vessiche pareno de nzogna.

Lo tteneno pe sfarzo , e pe ggrannezza,
 A la nnuda portà chelle spallazze ,
 E ssenteno gran gusto , e gran preiezza,
 De le ghire mostanno ppe le cchiazze;
 Ora se mò vedesse sta sciocchezza ,
 Ll' Onestà cierto le chiammarria pazze,
 E' mmano a Masto Giorgio le ddarria,
 Che passà le facesse ogne ppazzia.

Ed è puro lo vero , e n'è boscia ,
 Che se se và na femmena frostanno ,
 E ttenuuto pe gran bregognaria ,
 Perchè le spalle nnude và mostanno ;
 E po de sta sfacciata guittaria
 De le femmene noste , tanno , quanno
 Te mostano le spalle pe le strate ,
 Non è ppeo che se fossero frostate ?

M. Nè sent' auto , che cchesto predecare
 Da li predecature , arrasso sia ,
 E p'ogne ppizzo sento mmormorare ,
 Ca ste spalle scoperte è na resia ;
 Perrò comme lo ppozza comportare
 Lo marito non trase nmente mia ;
 Crèdere pozzo , che lo sfortonato
 O c'aggia le bottelle , o sia cccato.

T. Io no stopisco d'altro veramente ,
 E sò pe ccierto cose troppo crude ,
 Ch' a commeglià le mmano stanno at-
 (tente ,

Cogguante, e mmanechitte a ccientocude
 De lo riesto se v'è scopertamente
 Co ffaccie, pietto, cuollo, e spalle nude,
 Co ttanta lebertà senza paura,
 Dov'Onestà non n'è, non n'è mmesura.

M. Ma chello, che mme fa strasecolare,
 E bedere spallate certe becchie,
 Ch'è na cosa da ridere, e ccrepare,
 Ca nfaccie tutte sò rappe, e bessecchie,
 Comme a le giovenelle vonno fare,
 E te vonno mostà chelle ppellecchie,
 Co ttanta delegenzia ntonacate,
 Che bedè no le pponno li cecate.

T. Chi te mosta no mierco, e chi na
 (mpolla,
 E chi n'è ha quarche pizzeco d'auciello,
 Cierte luceno justo comm'a ccolla,
 Ed a chi scuopre tanto no scartiello.
 Corre ogn'uno a bedere, e nce fa folla,
 E cquanto vide fare no rotiello,
 E ddice ll'uno all'auto tienemente,
 Pareno-justo spalle de vattente.

Chi dice, tiente spalle de vaiassa,
 Chi dice, chella llà te mosta l'ossa,
 Chi dice, cheli'è magra, e chell'è grassa,
 Chi ch'è nnegra de carne, e chi ch'è rossa,
 Nzomma chi n'ha che fa, cossì se spassa;
 Ciert'uommene, che ccampano a la grossa;

Però sia che se sia, danno a pparlare
 Pe nfi a li portarrobba, e mmonnezzare.
 Chest' è brenna , mperò erideme cierto ,
 Ch' assaie cchiù ppeo dicere aggio ntiso,
 Chi siente parlà nzifra, e chi scopierto,
 Cose, che te farrieno essere mpiso ;
 Perrò venimmoncenne a lo sconzierto
 De chelle faccie ntonacate , attiso ,
 Da cierte senza termene, e mmesura
 Fanno scuorno, e bregogna a la natura.
 Perch' avvennole fatte la natura

Co la faccie, e lo viso natorale ,
 Esse co mmille sciorte de sozzura ,
 Pigliano quase forma d' anemale ,
 Non pareno cchiù faccie , ma pettura ;
 Ma che dico pettura , tenta tale ,
 Che se no sghizzo d'acqua nc'è ghiettata,
 Scolare vedarrisse l' argentata.

Nsomma se fanno tanta strellecate ,
 Che se bè te sò ammicce, e ccanosciente ,
 Se pe ccaso le ncuntre pe le strate ,
 No le porraie canoscere pe nniente ;
 De manera le bide trasformate ,
 Co cchelle faccie, ed uocchi estrallociente,
 Che se te comparessero de notte ,
 Vedarrisse Asmodeo , ed Astarotte.

M. Io compatisco cierte poverelle ,
 E ccride a mme, ca nce nne sò nfenite,

Che ffanno chesto pe pparè cchiù belle,
 Ed allegrà li cuore a li marite ,
 S' autro non hanno pe le ccellevrelle ,
 Non sò st' abbellemiente proiebite ,
 Massema chi ha marito alliccacennera,
 Se sforza la mogliere parè Vennera.

7. Masillo mò mme pare , che te guaste,
 No scire da li tiermene , st' assiesto ;
 Cheste sò ttutte scuse, e ttutte nghiaste,
 E ssò freddure, nce puoie fa no tiesto ;
 A cquale libro dì lo studiaste ,
 A che legge, a che ttitolo, a che ttiesto,
 Sta ragione non serve, eh'è ncomposta,
 Perchè ne' è ppronta pronta la risposta.

Una cosa da te vorria sapere ,
 Dechiaramella , e mme te dò pe vinto,
 Quann'è , che lo marito ha da vedere
 La mogliere a la' casa , fore , o dinto ;
 La femmena , che bella vò parere ,
 A lo marito co lo viso tinto ,
 Lo ffaccia pe la casa, e no a la strata,
 Dove da tutte l'uommen' è squatrata.

Vaa donc' aparata pe la casa ,
 Llà se faccia vedè bella e ppomposa ,
 Ca lo marito llà l'abbraccia , e basa,
 E llà le pò jettà quarche bentosa ;
 Parere bella nchiazza , chest' è rrasa ,
 Chest' è , Masillo , schiavina pelosa ,

A cchesto stiano attiente li marite,
Perchè non vanno juste li partite.

M. Mo, Titta, aie no cantaro de ragione,
Si è pe mmo non te pozzo reprecare,
Aiemillo quanno vuoie no secozzone,
Ca mm' aie comminto co argomiente
(chiare;

Sta vota ntanto aie ditto cose bone,
Frate lo vero non se pò nnegare,
Ca pe la casa vanno da vaiasse,
E ppe le cchiazze fanno le smargiasse.

T. E quanno a lo bestire s' apparecchiano,
S' alliffano, se nghiaccano, e sanneiano,
Se nzorfano, se ngenzano, se specchiano,
S' abbasciano, se torceno, e se chieiano,
Se radono, se spennano, e spellecchiano,
S' arrappano, se scergano, e benteiano,
Se grattano, spedocchiano, e se strezzano,
Se tegneno, s' allisciano, e se ntrezzano.
S' appontano, se spontano, se cegneno,
Se stirano, s' allentano, s' allazzano,
Se secano, se schiattano, se stregneno,
Se coseno, s' attillano, e scafazzano,
S' arricciano, s' aparano, se pegneno,
Se mbrogliano, se sbrogliano, e mma-
(razzano,

Se votano, se girano, e n' abbastano,
Regnolciano, e mmaie non se contentano.

Sosase nzomma quanto vo matino

La festa quarsevoglia Maddainmessa ,
 Se bè vace a na ghiesia vecino ,
 Manco arriv' a ssentì la reto messa ;
 Io mme confedarria de ì pe nfino
 A Nnola appede , e po da Nola a Ssessa
 Cchiù nnante, che na femmena de cheste,
 S'apara, se sanneia, s' alliscia, e beste.

Na galera o na nava dintò maro ,
 De tanta chiove maie sarrà guarnuta ,
 Quanta spingole ntuorno a lo collaro
 Na femmen' averrà quann'è bestuta ,
 Nce nne vò fuorze fuorze no megliaro,
 E nce vò na perzona , che l aiuta ,
 E quanno nò , lo povero marito ,
 Se pegliarrà st' assunto , e sto partito.

Conzidera tu mò , ch' aempio pigliano
 Le zzetelle, e le ffiglie , che zzò bedeno,
 Perchè l' una coll' aute se conzigliano,
 E a la Patrona, o Mamma niente cedeno,
 Li vizie pe cchesto sempe sguigliano ,
 Pe cchesto tutte a no scanniello sedeno,
 Comme face la mamma , fa la figlia,
 Le zzetelle , e le ggente de famiglia.

M. Nchesto cierto gran corpa hanno le
 (mamme ,

Perchè lloro le mparono provecete ,
 E le mmetteno mprieleco de sdamme

Nne che sò de cinc' anne, e ssò solleccete;
 Gran castico vorriano ste maddamme,
 Che imparano a le figlie cose llecete,
 E po chello, ch'è ppeo, sto brutto abuso,
 Maie cchiù se pò levà, ca deveni' uso.

T. Nzomma l' onesto vivere è pperduto,
 Perchè dove sò ttant' abbellemiente,
 Pe rreparare nce vò gran' aiuto,
 Attiso so ssaiette assaie pagniente;
 Aggia ll' uocchie, e sia l' ommo surdo, e
 (minuto,
 Ca nche le bede, o nche le ttencamente,
 Pecca s' autro non pote, e n'è boscia,
 A lo mmanco de mala fantasia.

M. Trase pel' uocchie Ammore, e ba a lo core,
 E da lo core corre a le mmedolla,
 E da llà co grann' impet' esce fore,
 E dove tocca nchiaja, o fa na mpolla,
 Sta mpolla po diventa dessionore,
 Che ffete assaie cchiù d'aglio, o de cepolla,
 Ed è ttanto lo fieto nzanetate,
 Cheddura (uh mamma'mia!) na ternetate.

T. Punto, e birgola coà, passammo nante,
 Lassammo stà ste storie, ecchiste cunte,
 Lo Cielo l' allecorda tutte quante,
 Ca non fanno pe nnuie sti contrapunte;
 Trascorrimmo no poco de li mante,
 Miettece affietto, e bì quanno l'affrunte,

Quann' è la festa che ssarrà pescraje ,
 Ca se non aie maie riso , ridarraje .

A la potta de diece , ed a la guappa ,
 Ogne flemmena mò portà li mante ,
 Comm'a n'ommo smargiasso, che la cappa
 Dereto jetta , e l' arravoglià nante ;
 Chi se lo mette à mmuodo de gualdrappa ,
 Chi comm' à panno cinto, e lo restante
 Vanno co li manticche, e li mantuccie,
 Che non saie se so scigne, esò mmartuccie.

Ca nne so sciute tanta quantetate ,
 Che le bide portà nfi a le Cciantelle ,
 O' che bedole siano , o mmaretate ,
 Ca de parè se credano cchiù belle ,
 Io non saccio pe mme, chi l'ha nventate
 Tanta tricche-varlacche ; e bagattelle ;
 La lebertà l' ha fatte tutte franche,
 Che pparcno mogliè de Sagliemmanche.

Sò cquase desperate li mercante ,
 Pe sti manticche , che se sò accacciate,
 Ca poco sò , che pportano li mante ,
 Ca vonn' i cchiù scoperte, e cchiù sciam-

(prate ;

Credeno comparere cchiù galante
 Le ppoverelle ; e rrestano ngannate ,
 Io pe mme sò fforzato, e ddire ardisco,
 Ca chesto è no vestire vajassisco.

La Mez. Tom. I. 7

Addoie sciorte de gente è cconceduto
 Stò bestire a la guappa, e sconcertato ,
 A mmogliere zoè de no paputo ,
 C' ha nomme de minarito, ed è ccreato ,
 E de ciert' aute, uh comme so storduto,
 Lo bolea dire, e mme nne sò scordato ,
 Lo cellevricello veramente rota ,
 Fuorze mme l' allecordo n' auta vota.

Ideste de chi vive a llebertate ,
 Che no stimano niente li marite ,
 Chelle che hanno dove sò chiamate ,
 C' hanno comm' a Mercante li partite ;
 Azzoè , chelle femmene sfrenate ,
 Che stanno ncoppa l' ammorese vite ,
 Chelle che ffanno nò, che bonno lloro ,
 E lo marito serve pe ddecoro.

E se pure maie nc' è quarche pperzona,
 Azzoè quarche ffemmena, che ll' usa,
 Sarà ffemmena fuorze tanto bona ,
 Che non vò ì co le smargiasse ncrusa;
 O puro a lo marito no le sona ,
 Che comm' a ll' aute stia nvocca a la Musa,
 Ca pure nce sò gente arregolate ,
 Ch' ammano quarche poco l' Onestate.

M. Lo non portà le ffemmene li mante,
 D'ogne manera, è contra l'ONESTATE;
 Erno, vorria sapè , tanto pesante ?
 O le spiaceva de stà commogliate ?

Còmm' a le mmano portano li guante,
 E le spalle, e la faccie scommegliate,
 Cierito de ll' Onestà poco se cura,
 Chi non ha Mezacanna, e no ha Mesura.
 Li manté l' accacciaieno li Romane,
 Quale d' ogni berlù stettero chine,
 E pe st' ausanza l' aute Taliane
 L' hanno contenuata nfi a la fine;
 E mò (potta de me) certe baggiane,
 Pe parè tutte quante Mattacine,
 L' hanno tanto nzavorio arrasso sia,
 Signo che d' Onestà non ce n' è ecia.
 Lo manto è bero signo d' Onestate,
 De modestia vera, e Ssanto Amore,
 Lo manto porta nsè la gravetate,
 Lo manto auto non è, che guarda-Nnore,
 Lo manto è de gran pompa, e Mmaiestate,
 Lo manto è de la femmena sbrannore,
 Sia la femmena nfrutto brutta, o bella,
 Senza manto è ghiommenta senza sella.
 Lo manto, pe cconcrudere, e no muro,
 Che d' ogn' offesa lo Nnore repara.
 E lo mantene janco, nictto, e ppuro
 Da quarche sguardatura fuorze amara,
 Co lo manto ogni Ffemmena sicuro,
 Pò jocà, senza fare ncuntro, o zara,
 Mperrò che copra la faccie besogna,
 D'auto muodo non serve, ch'è bregogna.

- T. Chi non sà ca li tiempe antepassate,
 Non poteano le flemmene trasire
 Nchiesia co le faccie scommegliate,
 Perchè non era cosa de zoffrire;
 Da Gentile s' amava ll' Onestate,
 Oh cosa veramente da stordire!
 E le flemmene d' oie, potta de Juda,
 Jarriano, se potessero, a la nnuda.
- E Ppoppea moglie de Nerone,
 Se bè ch' era na femmena ssonesta,
 Se sforzava parè nfra l' aute bone,
 Co la faccia coperta tutt' onesta;
 Schefà volea la mala pensione,
 Oh quanto gran jodizio ch' avea chesta,
 Pocca co tutto, ch' era senzoale,
 'Nchiazza pareva na vergene Vestale.
- E de Cajo Sorpizio la moglie,
 P' ascì na vota nchiazza senza manto,
 Strezzata pe mmostà la capellera,
 Fu da chillo pegliata nn' odjo tanto,
 Che maie nò la volette cchiù bedere,
 Se bè cercaie perduono, co gran chianto;
 Ed oie chi po mostare cchiù, che mmosta,
 Vetuperio, e bregogna all' età pnošta.
- P' ognè capo la femmin' è fforzata
 De se coprì la facce co lo manto,
 Azzò s' è bella, che non sia tentata,
 E de zzò se peccasse, e ddesse vanto,

S'è brutta, azzò non fosse delleggiata,
 O fatta quarche smorfia da canto,
 Cossì bò lo deritto, e la ragione,
 Pe llevà ll'una, e ll'aut' accasione.

M. Addov' è soletario conceo,
 Zoè campagna fora la cetate,
 E se va a spasso, tanno no lo nneo,
 Se le po da sto po de lebertate;
 Ma che sia d'onestà cierto non creco,
 Ire cossì nzenziglio pe le strate,
 Ca ota è portatura de bagiane,
 Po co na mazza pareno vammanc.

T. Ora venimmoncenne a lo bestire,
 Ca so ccose da scrivere, e nnotare,
 Damme no po d'aurecchie, st'assentire,
 S'aic voglia, sio Masillo, de gostare,
 So ccose veramente da stordire,
 E nc'aje gran materia de parlare:
 Perchè non sulo è ccontra ll'onestate,
 Ma mme pare che ssia n'asenetate.

Ca non nc'è ffemminella, nè mmaddamma,
 O che siano de terze, o quarte sfere,
 Che bestire non vogliano de lamma,
 O d'autè drappe de mille maniere:
 Pensano de segnora acquestà famma,
 E credeno a la granne comparere,
 Ogn'una vole nzomma fa la scigna,
 E chi auto, non pò se venne, e mpigna.

Se vaie dinto na Ghiesia , o pe la via ,
 Grideme cierto ca nne rieste ammisso ,
 E te s' anneglia ll' uocchie, arrasso sia,
 Se tu nce tienemente troppo spisso ,
 Scernere non porraie la signoria
 Da la ceveletate , e rrieste ammisso ,
 Scernere non porraie previta mia ,
 Chi è puppolo, chi è prebbe, e chi se sia.
 Te crederraie mogliere de signore ,
 De quarche Prezedente, o Conzegliere,
 O de quarche Avvocato de valore ,
 E le faie lleverenzia volentiere ;
 O te penzarraie fuorze de fa nnore
 A na mogliè de quarche Ccavaliere ,
 E te truove levato lo cappiello
 A cchi fuorze dà scola a lo vordiello.
 Non saie qual' è mmogliere d' Artesciano,
 Quale de potecaro , o de chianchiere,
 Quale de Mastro-d'-atte , o de screvano,
 Quale sia de Ministro , o Cavaliere ;
 Otra de lo bestì, mpietto, e a le mmano
 Nce sò tutte l' arifece , e l' armiere ,
 E bide comparè da tetolate,
 Gent' atta a le ccocine , e a le ccolate.
 Chi vide comparè con le belate ,
 E chi de mille sciure và bestuta ,
 Chi co mmanecche d' oro arragamate ,
 Oie na foggia s' accaccia, e ccraie se muta,

Pareno justo galere sparniate ,
 O MEZACANNA mia dove sì ghiuta?
 E po lo bonno fa cierte pperzone ,
 Ch' appena pagà ponno lo pesone.
 Ciert' aute, che ffuorz' hanno cinco figlie ,
 Vonn' ì vestute comm' a le nnennelle.
 Chi porta co la coda le ffaudiglie ,
 E chi dareto co le mmanecelle ,
 Se tu le bide te ne mmaraviglie .
 Ca pe ccierto sò ccose troppo belle ,
 E se lo cammenà vide , che fanno ,
 Non camminano nò, vann' abballanno.
 Vedarraie n' Antecaglia , no Vecchione ,
 Che cchiù anne averrà de la Sebilla ,
 E mmettere se vole nguarnascione ,
 E se scerga, s'arrappa, ntoscia, e attilla:
 D' essere crederrà la Dea Gionone ,
 Ma nfatto è beramente n' auta Scilla ,
 E po siente quann' esce pe le strate ,
 Li delliege , le smorsie , e le rresate.
 Massema s' ha marito gioveniello ,
 O che fuorz' ha manc' anne , che n' ha
 (chella ;
 E fforzato sarrà lo poveriello ,
 De irla accompagnanno a barda, ca ssella
 E minassema se và co l' abetiello
 De lamma , o de morcato la gonnella,

Massema s'è mmogliere d'artesciano ,
De notaro , o de povero scrivevano.

M. Ne pe cchesto già nneo, che ssiano state
Sempe a lo munno pompe , sfuorgie ,
(e sfarze ,

Ma crano le cose ammoderate ,
E mmanco comm'a mò l'ì tieppe scarze ;
Tanno meglio correvano le ntrate ,
E le gente non stevano tant'arze ,
E mmò co ttutto ca no nc'è ddenare,
Veò ch'ogn'una a la nobele compare.

T. Quanto vedeno fare a le ssegnore ,
Se b'è songo de sieggio , o tetolate ,
Che quarch'osanza portano da fore ,
Oquarchennove foggie hanno accacciate,
Tanto fa na mogliè de Servetore ,
O de ciert' Artesciane sconquassate,
Tanto de Pennarulo , o de Screvano ,
E hà scorrenno po da mano a mmano.

Che perzò so arredotte le Ssegnore ,
P'essere da lo munno canosciute ,
Non portare vestite de valore ,
Nè ddrappe d'oro , co sseta ntessute ;
Nè hanno cchiù bestute de colore ,
E cchi fuorze l'avea , se l'ha bennute ;
Ma cieite drappe, e ffoggie spagnolesche,
Dove spenneno poco , e hanno fresche.
Manco troppo cannacche, e ccannacchelle,
Manco catene d'oro , nè ccollane ,

Nè mmanco scioccagliune, e tant'anelle,
 Perchè so ttutte cose de baggiane;
 Portano pe scioccaglie ammenuelle,
 E non ce vedarraje auto a le mmane,
 Ch'anelle d' acciavaccio, o puro d'osse,
 O de cierte vretille, e ppassa vosse.

M. Chello che lizet' eje a le Ssegnure,
 Non è lizet' all' autre, e ssia chi sia,
 Ca nzò che ffanno chelle llà l' è Nnore,
 A le mmost' è bregogna, e gguittaria,
 Nfina fatta chi campa de sodore
 No le convene tanta vezzaria,
 Po non è mmaraveglia se spapura
 Quarcuno, e ddice, ca non nc' è Mmesura;

T. E se ccà nce venesse la Regina,
 Quale ncapo portasse la corona,
 Fuorze non vedarrisse ogne guaguina
 Ire a pparaggio, comm' a la Patrona;
 Vò diventà mesale ogne mappina,
 Perzò la MEZACANNA sarria bona,
 Ma perchè non se trova, ogn' uno penza,
 Ch' a ffare nzò che bò nce sia despenza.

Se bè ca nc' hanno corpa li marite,
 Che danno tanto canzo a le mmogliere,
 De le fa, comme vonno, li vestite,
 E de dare ogne gusto a sse ttrammere;
 Perzò pigliano canzo, e sò attrevite,
 Perzò tanto verrute, ed aucellere,

Pe cchesto nne soccede che sacc' io ,
Lengua dinto , non parlo, lo ssà Ddio.

M. Tutto prevene da la lebertate ,
Ecchesto è cchello, che mmetene affritto,
E mnic sento le bene mpostomate ,
Pe na nepote vana ch' aggio schitto ;
E cchesta tutta sfuorgie , e banctate ,
E tratta lo marito da no guitto ,
Ca lo scurisso vede , sente , e ttace ,
E cchello , che commann' essa, se face.
Ca nne che ssa ch'è asciuta quarche nnova
Osanza de vestire , o de sforgiare ,
Priesto lo muodo , e la manera trova ,
Che comm'a cchella se l'aggia da fare ;
Ca non vò lo marito , niente jova ,
Lo fele ncuorpo te le fa ccrepare ,
E ttanto lo mpapocchia, nfosca, e cceca,
Che de vestite ha ncasa na Jodcca.

T. Io puro no Compare aggio , lo quale
Ha la moglie tanto mperiosa ,
Che bol' essa cauzare li stevale ,
Vol' essa nfrutto vincere ogne ccosa ;
Ma lo marito , piezzo d'anemale ,
Pe ppaura chi sà de quarche ntosa ,
Nzo che ppallone chella dice , crede ,
E cquanto le piace , le concede ,
Essa d'ogne ffestino , e pperdonanza ,
Sempe vedè nne vò la quintassenza ,

Non pe ddevozione , ma p' osanza ,
 E de dà l'uocchie a ll'aut'ave avertenza,
 Se nova foggia nc'è , se nova osanza,
 Sempre ccà ncoppa studia , e ccà penza,
 Nchesto stà begelante , e stace attiento,
 Che no le face avè n' ora d' abbiento.

E ppuro mancomale se n' avesse
 Debbete a mmucchio, e ffiglie peccerille,
 O ch' avesse speranza , azzò potesse
 Co lo tiempo chi sa , lebaresille ,
 Ed ogn' anno nne pagà lo nteresse,
 E zetato è da chiste, e mmo da chille,
 E mmò sta quasamente desperato ,
 Ca chella vò la veste de mbroccato.

Nfina fatta li povere marite
 Hanno da le mmogliere le slanghette,
 Pecchè vanno attaccanno sempe lite ,
 Ch' all' Onestà non vonno stà soggette ;
 Torcetora , e borpine addove site ,
 Già che le Mezecanne sò ntradette;
 Mà che buoie fà se l'hanno mpapocchiate,
 E dda marite fatte sò ccreiate.

M. S' è ppe cchesso non dice la boscia ,
 Poccamme n'addonaie fuorze l'autriere,
 Perchè passanno pe la Vecaria ,
 M' affiette a pparlà co no varviere ;
 Vidde n' Artescianessa pe la via ,
 Che mmogliere pareva de Cavaliere ,

Ma lo marito che l' accompagniava ,
 Piezzo de ferrajuolo non portava.
 E ccomme ch' era festa , vedde fare
 No roticello de gente nquantetate ,
 E sentette cchiù d' uno mormorare ,
 Che ttutte rente a mmes' erno accostate;
 Parca , che se sentessero crepare ,
 Cchiù de mmidia creò , che de piatate,
 Ma comme jea vestuta , damme fede ,
 Attiso io la squatraie da capo a ppede.
 Le scarpe co le ssole de soatto ,
 E de sela ncarnata le ccauzette ,
 Lo sottaniello a llamma a schiocco fatto ,
 Che ntiempo mio maie simmele vedette;
 Fosse de terzaniello , o de boratto ,
 Lo guardapede ; vedè non potette ;
 Ma non perrò pe cchello ppocorillo ,
 Che pparca , ne' era d' oro lo pezzillo.
 Ntuorno a lo sottaniello siente , e ggosta;
 Ne' erano , se non sgarro , pe ffelera
 Sette rezziglie d' oro fatte apposta ,
 Che mmaie vist' aggio de chella maniera;
 Facevano no spanfio , e na mosta ,
 Che pparea na sciorùta primmavera ,
 Ma chesto è brenna , mperrò siente ap-
 (priesso ,
 Ca rieste canin' apierto , e mmuore ciesso :

All'uso de Scioerenza na velata
 Portava, e ppuro d'oro era guarnuta,
 De taffetà gialluoteco nforrata,
 Ed era, cride a mme, de gran valuta:
 Co na mancca d'oro arragamata,
 E mme creo che n'ancor'era fornuta;
 E po lo manto co no pezzellacco,
 Ch'era chiù de no parmo, e no varacco.
 Che ghiettato tenea reto la schena,
 Perchè ncapo portava lo manticcio,
 E na mano porzi d'anella chiena,
 E dde perne alle cchiocche no palicco;
 Portava ad arma-cuollo na catena,
 E mpietto no bellissimo Santicco,
 Na cannacca, e no pare de scioccaglie,
 Cchiù grosse, che non sò ddoie capo
 (d'aglie.
 No collare ntessuto de coralle,
 Co ccierte belledissemme pezzille,
 E cciento nocche, e ttocche rosse, e
 (gialle,
 Poste mmiezzo a le ttrezze, e li capille;
 Mostava nfi a duie parme e cchiù de
 (spalle,
 Ch'a tenemente nc'erno cchiù de mille,
 E cchi torcea lo musso, e cchi nnarcava
 Le cciglia, e cchi a sto muodo mor-
 (morava.

Potta , ed io puro non songo Artesciano,
 E mme crepo lo fele notte , e ghiuorno,
 Tenitemente , e bedite ste mmano
 Chiene de calle , e non mme piglio
 (scuorno ,
 So nnato ccà ; so pprevete paesano ,
 Ed aggio quarch'accunto a lo contuorno,
 E non pozzo arrevà , potta d'aguanno,
 A bestire moglierema de panno.
 E ssequetaie decenno , che guadagno
 Porià fa lo marito maie de chesta ,
 Co ttutto ca se desse a lo sparagno ,
 Tre ccarrine lo juorno , che le resta ;
 A la fin' è no povero compagno ,
 E nc' è nfra la settimana quarche ffešta,
 Nce so li figlie , corre lo pesone ,
 Frate , se parlo cchiù , sò no cestone.
 Io mm' allecordero , e non ha tiempo assaje,
 Perchè le ccose no mme sò scordate ,
 Ca quanno chesta ccà se mmaretaje ,
 Steamo vecine de case , e dde strate :
 Co ffavure , co stiente , e mmiezze assaje,
 Se l' abosca'no creò ciento docate ,
 Co cquale lo marito poveriello ,
 Se fece casa , e aprie no potechiello.
 E mmo non saccio a ddì comme de botta
 E' sciuto sto sforgià cossì de fatto ,
 Io mme sento schiattà , mannaggia potta,

Vorria sulo sapè comm' hanno fatto ;
 Ah Fortuna bagascia , dalle , votta ,
 Fa che ssempe sul' io vaa de chiatto ,
 Votate a mme , non essere vellana ,
 Quanto vesto moglierema de lana.

Me parze de senti lo tavernaro ,
 Quanno face lo cunto a cchi ha magnato ,
 Accossì bello, chiatto, tunno, e cchiaro,
 Che rrestare te fa quase ncantato ;
 Pe nfi a no treccavalle se nc' è sparo,
 Nce mette , tanto va bello appontato,
 E io lassato averria de contare
 Doppie pe sto ddoce ngorgottare.

Era chillo pe ddicere cchiù assaje ,
 E non scompire cchiù la felastocca ;
 Ma n' ommo buono , che se nce trovaje
 De botta le mettìe la mano nvocca ,
 Decenno , che te mportano sti guaje ,
 Che ncapo te sia data na sagliocca ,
 Non saie le cose comme vanno , e ppàre
 Che buoglie a lo sproposeto parlare.

Te cride fuorze tu , ca lo marito
 Co lo guadagno veste la mogliere ,
 Sia chi se sia d' ogn' artè cchiù squesito,
 Faccia che bò , le manca lo potere ;
 Se s' arrostonesse nfelato a no spito ,
 O jesse saccheianno pe sse ffere ,
 Se bè de Vecaria fosse Screvano ,
 S' arriva chesto a ffa , perda na mano.

Desognante, che fosse ommo da bene,
 Ca pareva na perzona assaie descrita,
 De bona lengua justo comm' a ttenne,
 E rreprecaie, che flosse la commeta
 Chella? che nne sentite tanta pene?
 A le mmogliere voste chi le beta?
 No stiano mpotroneute all' ora bona,
 Che co lo stiento sforgia ogue pperzona.
 Ognuno comme vole parla, e ddieta,
 La femmena semp' e mmartoriata,
 Cchiù de nò Voie la femmena fatica,
 Cchiù dell'ommo la femmena è stentata;
 L'ommo, vorria sapere a cche se ntrica,
 Lava li panne, o fa quarche ccolata,
 L'omm'auto non sa fa, che ghire attuorno,
 La femmena la notte la fa ghiuorno.
 Chi co lo fuso, e cchi co lo fusillo
 La femmena se schiatta, e crepa l'arma,
 A ttagliare, a ccosire, a ffa pezzille,
 Port'assaie cchiù dell'uommene la sarma,
 Chesta n'è una, ca sò cchiù de mille,
 Che de fatica portano la parma,
 E de sto stiento po fattò a mmortorò,
 Se nne fanno li sfuorgie a ggustò lloro.
 A cchesto responnette de quartiere
 No cierto, ch'era o sbirro, o caporale,
 E ddisse a chillo, tu si no sommiere,
 A equant' aie ditto nce può mette sale,

E bello veramente lo penziere
 E mmiercte sciacquare a n' aurenale ,
 Ntra nuie non serve, che nc' annascon-
 (nimmo ,
 Perchè ll' uno co ll' auto nce sapimmo.
 Appila , ch' esce feccia , non parlare
 Si n' aseno , e mme faie de lo poeta ;
 Donca co ffa la seta , e co ffelare ,
 La femmena s' abbusca la moneta ,
 Tu parle a lo sproposito , mme pare,
 Che ppezille, che ccosere, che sseta,
 Credale , chi le bo , ste ppaparocchie,
 Ca io pe mme no gliotto ste ppastocchie.
 Non va tanto lo lietto , e non va tanto
 Lo mobcle ch' ha ncasa na ciantella ,
 Non va tanto, quant'ave appunto quanto
 Va n'abbeto, che pporta, o na gonnella,
 Tanto va lo pezzillo de lo manto ,
 Che ncuollo portarà na maddammella,
 Quanto porria abbuscare se felasse ,
 Pe cquatt'anne, e ntra tanto non mangiasse.
 Moglierema porzi , manco stà a spasso ,
 Ca se crepa lo core notte , e ghiuorno,
 E ffa co lo fusillo no fracasso ,
 Ch'aggio semp'a l'aurecchie no taluorno,
 Ed io cocino , e ffaccio lo vaiasso ,
 E ppo ch'abbusca? abbuscarrà no cuorno,

Ca ntrenta juorne, nne farrà doie livre;
 Pigliate sso guadagno, nota, e scrive,
 Figliema, no varviere responnette;

E de decennov'anne mo scompute;
 E ttaglia, e ccose, e sfla, e ffa cauzette,
 E ppezille, che ssò cose scosute;
 Sarcisce, fa bottune, fa l'acchiette,
 Sa fare ogn'arte, e cchiena è dde vertute,
 Ed ha n'anno, e non pò la poverella
 Farese a la nterlice na gonnella.

Previta vostà non passamino nante,
 Ca se sfilo, no scompo pe ddicc'anne,
 Pozzan'essere accise tutte quante,
 Ca non hannò Onestà, nè Mezecanne.
 Io nòn so' de ponente, o de levante,
 Saccio tutte le trappole, e li nganne;
 Tremogliereaggio avuto, essaccio buono
 Ca lo lampo non è senza lo truono.

A sto rotiello nc' era no Screvano,
 E puro nce spotaie la parolella:
 Potta, decenno, io co na penna nmano,
 Me crepo l'arma, faccio quarche zella,
 Che sacc'ì, mancoso quarche ppacch'ano,
 Ed aggio puro quarche ntratecella;
 E sse bè faccio zappe, e hao de renza,
 Semp'uoglio, pane, e ssarcene ncredenza.

Fa che buò, nce vo sempe quarche ajuto,
 Masseamente dove non so ntrate,
 Ca sinche quanto vuoie dotto, e ssapufo,

Cride , prèvita mia , ca so baiate ,
 E cchi dice autramente , è no paputo ,
 Ca se non te soccorre quarche Ffrate
 Conzoprino , no zio , o no compare ,
 Co ll' arte face assaie chi pò campare .

Ma se non era ca se facea tardo ,
 E s' accostava ll' ora de magniare ,
 E tutt' ire volevano de cardo ,
 Non se scompeva cchiù lo ttatanare ,
 Ca sto Screvano stea prunto , e gagliardo ;
 Comme volesse tanno accommenzare ,
 Ma se lecenziaieno a ddio , a ddio ,
 Io me nne venne pe lo fatto mio .

T. O quanto volea dicere ss' ammico ,
 Ca creò ch'avesse neuorpo gran matasse ,
 E ddeveva sapè cchiù de no ntrico
 De ste mmasarde femmene smargiasse ,
 Quann'io parlo , è lo vero nò che ddico ,
 E bolive de cchiù , che non parlasse ,
 Siente ccà , no Spagnuolo , che mmi'ha

(ditto ,
 Chi n' ha crapa , magnà non po crapitto .

Ora venimmoncenne a le scarpette .

All' uso de Boemmeja , e dde Franza ,
 Chi co li puonte , e cchi co li legnette ,
 Che ddice sio Masillo , è bon' osanza ,
 E dde cchiù nc' hanno agghionte le

(ccauzette

De seta , co equarch' auta cercostanza,
 E stanno attiente attiente a cchi le bede,
 Pe le mostà la gamma co lo pede.
 E po chello ch'è ppeo , vide venire
 Ncasa li coseture , e li scarpare ,
 Chille llà co la scusa de vestire ,
 Chist' aute co la scusa de cauzare ,
 Songo tutte de casa , ed hanno ardire
 De ire , e dde venì quanno le pare ,
 E dde mūdo se fanno confediente ,
 Assaie cchiù che se fossero pariente.

M. Comme li coseture , e li scarpare
 Hanno lo juorno d'oie st'autoretate
 De ire pe le ccase , e sguanciare
 Le flemmene co ttanta lebertate ;
 Chesta cosa non è da sopportare ,
 Masseme aibò , se chille so sbarvate ,
 Addonca li marite so sommiere ,
 Titta, mio, mo mme scappa lo vrachiere.

T. Cierto è, ca nc' hanno corpa li marite,
 Che ddanno tanto canzo a le mmogliere,
 Lloro le f fanno presentose , e ardite ,
 Vane , gestose , trafane , e ttrammere ,
 Presontose , soperbe , ed attrevite ,
 Lloro tanto verrute , ed aucellere ,
 Che mperrò nne soccede, che ssacc'io,
 Lengua dinto , non parlo, lo ssa Ddio.

Se vè respōnnarà na maddammella ,
 E derrà tu sì n' aseno , e non ssaje
 Ca , o che ssiano scarpe, o sia gonnella,
 Senza lo masto non va bona maje ;
 Ed io respōnno a mmaddamma Covella,
 E ddico; che ssi cionca, o che ccos' aje,
 E quanno fusse cionca, o addebboluta,
 Chiammate na vecina , che t'ajuta.

Comme pe te fa radere lo fronte ,
 Pe te fa fa le ttrezze , e li penniente,
 Pe t' allescicare le spalle sedonte ,
 De femmene pe tte nce nne so cciente,
 Donca pe cchist' affare nce so ppronte;
 Pe bestire , e ccauzare so mpotiente ,
 Non dico niente cchiù la lengua è ecorta,
 O che sia mpiso chi ve la sopporta.

Moglierema porzì s' era ntosciata ;
 No juorno ca volea la pisciavina ,
 E pe cchesto co mmico stea sbotata ,
 Ca nce lo mmeziaie quarche beeina ;
 Io mprimmo le facie na represata ,
 Appriesso po na bona vertolina ,
 Nzomma pe sta coieto sto Natale ,
 Nce l' accattaie , ma parzero stevale.

M. Rengrazio lo Cielo , e so ccontente ,
 Ca no mm' aggio voluto maie nzorare,
 Pe non pegliare quarche mpertenente,
 Ch' affe l' avarria avut' a ntossecare ,

Povere li marite veramente,
 Che co ste mmale razze hanno, che ffare,
 Perch' hanno da soffrire a ccrepa-core,
 Cose contr' Oueslà, contra lo Nnore.

T. Appunto de sto Nnore parlarrimmo
 Craie ch'è ffesta cchiù libere, esciamprate
 E ffore a le Ppadule n'e vedimmo,
 Dove da nullo simmo sconeccate,
 E zitto, e mmutto llà spaporarrimmo
 De lo Nnore, e dell'uommene Nnorate,
 E cquale sia lo vero Nnore nfrutto,
 Vedere nne volimmo lo ccostrutto.

M. Titta, sto parmo è stato luongo assaje,
 Perzò de dover' è che ccà scompimmo,
 Ca dove aie ditto noe vedimmo craje,
 E llà n'auto locigno allummarrimmo;
 D' auta manera no scompimmo maje,
 Ch' a le ffe mmene donca conerodimmo
 Le convene lo manto, e lo chianiello,
 A ll'uommene le scarpe, e lo cappiello.

SCOMPETURA DE LO PRIMMO PARMO.

PARMO II.

TRASCURZO TRA TITTA , E
MASILLO.

Quatt' or' è , che t' aspetto, sio Masillo,
E ccierto mme credea, che non venisse,
T' avea fuorze abbenciuto lo sonnillo ,
O t' iere puosto a ccontemprà l'aggisse;
Io t' aspettava n' auto ppocorillo ,
Ca m' avea puosto ncapo se sapisse
De te venì a ttrovà , se stive a cchiaja ,
Pe ffa co ttico po na bella baja.

M. Lassato ch'appe a tte dapò magnare,
A lleggere mine pose de buon core ,
E botaie mille libre , pe ttrovare
Quarchemodierno, o puro antico Autore,
Se fuorze nc' era nullo cche pparlare
Potuto avesse sopra de lo Nnore ,
Perrò leggenno storie assaie vere ,
Trovo, che lo Nnor'è de cchiù mmanere,

E po mme so no piezzo ntrattenuto ,
 Mente veneva pe na cierta strata ,
 E na cosa de gusto aggio sentuto ,
 Pe sto Secunno Parmo appropriata ;
 Crideme ca de riso so scosuto ,
 Oicche ccòsa pe ccierto nzoccarata ;
 Ma chello ch' aggio lietto mo te dico ;
 Appriesso po te conto st' auto ntrico.
 De cchiù sciort' è lo Nnore. Uno lo quale
 S' acquista co la propia vertute ,
 E cchesto , e cchillo pe ppo fa mmortale
 L'uommene, che de chella so guarnute ;
 L' altro è no cierto Nnore senza sale ,
 Ma so ppenziere , e pparole perdute ,
 E se lo buoie sapè destentamente ,
 Apre l'aurecchie, e ffa chestiano attente.
 Lo primmo Nnore, è Nnore a la nterlice ,
 Ed è cchisto dell' uommene mzorate ,
 Quale se trova comm' a le Fenice ,
 Che de rado so biste , o so ttrovate ;
 Sto Nnore lo gnorante Vurgo dice ,
 (Ma è na già boscia , na fauzetate)
 Ca stace appeccicato a la gonnella
 De na Maddamma , de na Femmenella.
 Mperrò de chisto Nnore trascorrimmo ,
 Ca de chill' auto llà n' hanno parlato
 Ciento gran valent' uommene de primmo ,
 E cchiù de no lebrone n' è stampato ;

Ca pe te dì lo vero, cierto stimmo,
 Che sto Nnore, sia Nnore mmagenato;
 E che non ce sia stàto maie Pettore,
 Che l'aggia pinto, o saccia lo colore.
 Perchè nne ch' aie che dì co na perzona,
 Pe cquarche ccosa, o quarche defferenzia,
 Fedato ch' avarrà moglie bona,
 Priesto vene de Nnore a ccompetenzia,
 E cca de Nnore è schiecco, ed è ccorona,
 Senza dicere maie co lleverenzia,
 Comme lo Nnore fosse rognà, o zucca,
 Che se la pò mmesca chi se nce nzecca.

T. Io puro aggio sentuto contrastare
 Cchiù bote cierte gente a na barruffa,
 E nche schitto ncommenzano a pparlare,
 Ognuno nnore pe la vocca sbruffa;
 Non sient'auto che nnore ventolare,
 De nnore siente fummo, fiato, e mmuffa,
 E po da cierte tale, arrasso sia,
 Che sò la mamma de la guittaria.

Non parlo de li Rucche, e dde li Manze,
 Che pe lo munno nce n'è cquantetate,
 Ca non sò pe ttrasire n hest' addanze,
 Nè ddicere perchè se sò nzorate;
 Non de chi pe s' anghì bone le ppanze,
 E ppe sforgia le danno lebertate,
 E se vonno servì de le mmogliere
 Justo comm' a ccavalle d' alloghiere.

M. L' uommene buone , e dde gran sen-
(temiento ,

Comm'a li Rrì, li Mperature antiche,
Sto nnore lo stemattero no viento ,
Pe no stà sottopuoste a ttanta ntriche,
Amavano lo nnore de lo stiento ,
E de nnure aromatech' erno amiche ,
Ma sto nnore de femmene mogliere
Lo tennero pe ffavole , e cchimmere.

Ca Cesare lo primmo Mperatore ,
Ommo tanto magnanemo , e ppotente,
Che pe beitate , grolia , e balore ,
Ad ogne pizzo nnommenà se sente ,
Maie cunto non facette de sto nnore ,
De lo qual' oie squarcejano le gente ,
Ma schefannolo affatto , schitto attese
A cchiù nnorate , e groliose mprese.

E cchillo Gran Signore , e gran compagno,
Ch' er' usato a ddonà regne, e ttresore,
Chillo gran ommo d'Alisandro Magno,
Chillo, che pe gran famma maie non more,
De la mogliere maie fece sparagno ,
E mmaie voze fa cunto de sto nnore ,
Ma d' ogn' arte sapè voze li funne ,
E ttrovà nuove mperie, e nnuove munne.

Chill' auto gentelommo mecenate ,
De chi lo nomme dura ternamente ,
Chillo tanto cortese a lletterate ,

De li quale oie so pperze le ssemmente ,
 Non precedie co lleberaletate ,
 Non se ne contentaie, non fuie conzente,
 Che co l' ammico Attavio la mogliera
 Terenzia , jocasse a ccovalera.

E Ccatone costante a n' auto ammico ,
 No le conzegnaie puro Marziella ,
 Azzò co cchella llà cogliesse fico,
 Non perchè le facesse na gonnella ,
 Non me fa parlà cchiù, potta de nnico,
 Ca tu mme faie sbotà le ccellevrella ,
 Ca sto cunto è proibeto a ppoete ,
 E cquanto cchiù lo vientole, cchiù ffete.

T. Nè ccreo , che senza causa , e gran
 (ragione

Se mostrassero chiste leberale ,
 E ffacettero trippa , e ccorazzone ,
 E stemaino sto nnore manco sale ,
 Sapeano de ste sciorte de perzone
 La qualetà , lo stinto naturale ,
 E che boglia , o non voglia lo marito,
 Bè se sanno levare ogn' appetito.

Donca perzò meglio è non nne parlare
 De sto Nnore de femmene, c mmogliere,
 Non se nne deve vanagloriare
 Maie nullo de ste ffinimene trammere,
 E perzò chiste le llassaino fare
 Quanno , e ccomme volcano le ccorzere;

E ppo le parze cosa besteiale
 N' omino stare soggetto a n' anemale.
 Na femmena pò ffare mancamento
 A lo marito , puro s' è mmonarca ,
 E ssia puro geluso , e stiace attiento ,
 Ca tanto cchiù la coppola le carca ,
 S'avesse l'uocchie d'argo, che so cciento,
 Comme disse lo Tasso , e lo Petrarca ,
 Ca senza studià legge , o pannetta ,
 Quanno te la vo fa , te la fa nnetta.
 Parlo de chelle ffe mmene de tanno ,
 Perrò de cierte , e non de tutte quante ,
 Ca non voglio abboscà quarche mal'anno ,
 O quarche mala pasca de contante :
 Chille d' oie pe lo munno già se sanno ,
 Ca portano corone , grolie , e bante ,
 E se pure nce nn' è fuorze quarcuna
 Comin' a cchelle , sarrà punto de luna.
 Ora st' uommene brave , e dde valore
 Co ttutto ca sapevano l' assunto ,
 Perch'erno de gran'armo , e de gran core ,
 Maie de ste guittarie fecero cunto ,
 Stemaino nfina fatta chisto nnore.
 Fosse justo no suonno , o fosse cunto ,
 Vasta che l'azziune lloro chiare
 Fossero state , e non de ste ssanzare.
 M. Già stevano nformate de lo fatto ,
 Sapevano , o fegnevano sapere ;

Magnaino sempe nziemo a no piatto,
 E bolevaro bene a ste mmogliere,
 L'amaino, non le dezero lo sfratto,
 E mo chi no lo ssape, ha da temere
 Pe la moglie n'essere nnorato,
 Quanno d'ogne bertù sarà mpastato.

T. De st' uommene de tanta qualtate,
 Qual'attessero schitto a le bertute,
 Che lassanno sti nnure affiemmenate,
 Erno schitto de grolie cannarute.
 De st' uommene de bona volontate,
 Oie nce sò le ssemmente, o so pperdute?
 Pe cchello che m'aie visto, e pprattecato,
 Dimmello, e tte so schiavo ncatenato.

M. Tante frugole avisse, o triche tracche,
 Ca porrisse fa festa pe ddice' anne,
 O pure avisse tanta puorec, o vacche,
 Ca sarrisse chiammato sio Giovanne;
 O tant' avisse doppie, e ppatacche,
 Ca te sollevarriano d'ogn' affianne,
 Quant' oie nce so mmagnaneme de core,
 Che na pagliuca stimano sto nnore.

T. E mo vide lo munno a cch'è rreddutto,
 Che nfi a n'ommo relasso, no guittone,
 No secuta-pegmate, no frabutto,
 De nnore vo tenè concrosione,
 Fuorze perchè bestuto va de lutto,
 O de raso, o velluto va mpastone,

È mparlamiento po tutto ntosciato,
 Derrà, si cierto, affè d'ommo unoiato.
 Io mò che beo, canosco, saccio, e ssento
 Cchiù d'uno a lo sproposito parlare,
 Nè ppassa de lo juorno ora, e mmomento,
 Che non senta de Nnore squarciare,
 Vorria a cchiù d'uno dicere *memento*.
 Mperò non pozzo, e me sento crepare,
 Sienteme douca, e llevame d'angoscia,
 Ca scennere me sento la paposcia.
 Perchè dato, e conciesso che sto Nnore
 De le femmene sia vero, e rreiale,
 Famme, se me vuoie bene no faore,
 Dammene la ragione assenziale,
 Respunne assicsto, e pparla da dottore,
 Mo veo s'a ssa cocozza aie niente sale,
 E se ste sciorte d'uommene nzorate,
 C'hanno moglieie caste, sò Nnorate?
M. Parla, e dommanna nzò che ti piace,
 Ca co ffranchezza mprunto te respònno,
 E tte voglio attestà punte verace,
 Ed Auture massiccie, ca n' abbonno;
 Ma di co Ppresciano nce staie mpace;
 Ca se parle latino te confonno,
 Attiso li Screvane de chist'anno,
 (Pocca Screvano sì) poco nne sanno.
T. O che ttanto sapesse de Toscano,
 Quanto saccio de Grieco, e dde Latino,

Ca non sarria passato pe pacchiano ,
 E Balente sarria , non Valentino ;
 Ma già se sà ca sò Nnapoletano ,
 E nnato a la Dochessa , o llà becino :
 Ma lassammo sti guaie , facimmo priesto ,
 Stamme a ssentire , e po respunne a
 (ssiesto .

Dimme chi fa cauzare li cauzune

Co tanta lebertate a le mmogliere ,
 Che da chelle trattà comm'a guarzune
 Se fanno , o comm'a schiave de galere ,
 Se vonno chiammà uommene , e sso
 (anchiune ,

E cchelle so ppatrone dinte , e fflore ,
 Dimme , che te ne pare de sto Nnore ?

M. Frate mme faie votà lo cellevriello ,
 Non pozzo reprecà chello ch'aie ditto ,
 Tu non l'aie dechiarato a lo vasciello ,
 E l'aie dato no titolo de guitto ,
 Perzò non parlo , e mme , remetto a cchello ,
 E sse pò contentà de chesto schitto ,
 E sse parlà volimmo cchiù borgale ,
 Decimmo cà no è ommo , m' Anemale .

T. Dimme , se pò chiammar'ommo nnorato
 Chi va pe la Cetà tutto lo juorno
 Contanno le ffeneste spantecato ,
 E la vota , e rrevota attuorno , attuorno ,
 E p' avere chi sà fuorze levato
 Lo Nore a quarche ccasa , e ffatto scuorno ,

E ccossì co lo Nore c' ha levato

All' aute isso lo Nore ave acquistato.

M. Se ponno chiste tale ccà chiammare,
A lo parere mio, se no mme nganno,
(Comm' a ddire) cavalle caucetare,
Chellevano cchiù ccauce, che nne danno,
Previta toia, non me fa parlare,
Ca canosco buou' io cch'ù de no' zanno
De chiste, che non hanno auto che ffare,
Ma piglianno affelà, danno a ffilare.

T. Lassare la moglie a l' abbannona,
E stare d'ogne ttiempo nnammecato,
Che te nne pare, dimm' è ccosa bona?
Posse chisto chiammare ommo Nnorato?
S' a cchisto la moglie lo ncorona,
Respunneme, se ll' ave mmerelato?
Ponne scire null' ommo da sto patto,
Che rriso no le sia, comm' isso ha fatto?

M. *Hoc de jure Divino statuitur,*
- Et de Jure Civili confirmatur,
Nam continuo semper hoc auditur,
Che comme l'ommo tratta, *ita tractatur:*
Ad hoc infallibiliter venit,
Namque quis, ut mensurat mensuratur,
Et qui aliis praebeant vituperium,
Pro ipsis stat paratum improprium.

T. Respunnem' a sto fatto desastruso,
Aprè l' aurecchie, sio Masillo, e ssiente,

Sarrà Nnorato n'ommo ncestouso ,
 Che rrespecto non ha co li pariente ;
 Agge pacienza , se sò ccoriuso ,
 Ca sapere vorria li sentemiente
 De le legge; dimmello tunno,e chiatto,
 Che nne dicenò ncoppa de sto fatto ?

M. Apre la vocca , nvocate sto pruno,
 Frate , de ss'addeманne veramente ,
 Cierò nne vorria essere dejuno ,
 Ca sò pe te la dī troppo fetente;
 Ma perch'è ssoletario , e mnesciuno
 A sto luoco mme pare che nce sente;
 E pe te fa vedè ch'aggio leggiuto,
 Responno , se bè stò mjezo storduto.

Non se pò dī peccato bestiale ,
 Nè se le pò dà nomme d'adolterio
 Attiso l'uno , e l'auto non è ttale ,
 Ca non sulo è ppeccato, ma streverio ,
 Abborruto porzì da l'anemale ,
 Comme se pò badere da Boerio ,
 A ttanta belle soie deciseiune ,
 Che chi le bò vedè , sò li patrune.

Mperrò nfra l'autre mme peiace chella
Treciento , e ddecedotto creò , che ssia,
Dove na coriosa storiella
Conta , parlanno de sta guittaria :
Ch' uno ave na jommenta muto bella,
A no vellaggio de la Vannalia ,

Vì le ddeciseiune de Boerio ,
 De Bossio , Baiardo , e Mmoscati llo ,
 Che trattano de ncesto, e d'adolterio,
 E ppuro nné descorreno a mmodiello
 Covarruvia , Bartolo , e la Grosa ,
 Materia cierto bella , e ccoriosa.

T. E chille c' hanno vizie , li quale
 Da lu ffuoco se soleno ponire ,
 Quale non l' hanno manco l' animale,
 Già tu mme ntienne , e ssaie , che
 (boglio dire ,
 E bè che te nne pare de sti tale ,
 Che hanno pelo Munno, ed hanno ardire,
 Quanno pe cchesto a ddito so mmostate
 Dicere ca song' uommene nnorate?

M. *Hoc est peccatum nimis detestabile,*
Omni tempore omnibus terribile ;
Gentilibusque quoque impracticabile ,
Dictuque tandem Daemonisque horri-
 (bile ,
Habemus plures textus, sed notabile,
In capitulo clerici (legibile
Est illud) che dov'è sta nfammaria,
 E ssempe guerra , pesta , e Ccarestia.

T. Farese possedere da lo vino ,
 L' essere comm' a ddì no mltreiacone;
 Che se nfi all'uocchie non se vede chino,
 Non crede maie d' avere sfazione ;

Da ommo diventare baboïno ,
 Perdenno affatto ll'uso de ragione.
 Che pe no miglio le fete lo sciato ,
 Chisto se pò chiammar' ommo nnorato?

*M. Esse radicem omnium malorum ,
 In capitulo A crapula l' Abbate
 De vita , etc. honestate clericorum ;
 Dice parlanno in puncto de ebrietate ;
 Clementina de statu Monachorum ,
 Dice mut' aute cose appropriate ,
 Nzomma co lo mbriaco de tutt' ore
 Nc' è semp' ira , lussuria , e fforore.*

*T. Lo mprestare denare co l'ausura ,
 Co lo ciento pe cciento è ccosa bona,
 Che oie cchiù de na casa nne stà scura,
 E nne stà affritta cchiù de na perzona,
 Nne chiagneno de chesto nfi a lle mura,
 E cca nce vorria cchiù de na canzona,
 Pocca se fa co ttroppo lebertate ,
 E po che d'è ? simm' uommene nnorate.*

*M. De sta mmardetta ausura, ed Ausoraro,
 Dice n' Autore in paragrafo usurae ,
 E mme creio che sia Giulio Claro ,
 Ca vene proibito ex omni Jure ;
 E Baiardo nne parla muto chiaro ,
 Co bell' autoretà massiccie , e ppure ,
 Et ego dico , bona facta usura
 Parvo tempore fore duratura.*

T. E cchi spoglia nò povero Popillo ,
 Na Vedola , o perzona meserabele ,
 O chi leva la rrobba a cchisto , e a
 (cchillo ,

E lo priva de Mobele , e dde Stabele ,
 Spennacchiannole a guisa de froncillo
 Sta cosa mme fa ghire all' Incorabbele ,
 Donca chi tanta case ha sconquassate ,
 Puro se chiamman' uommene nnorate?

M. *Legge prima , seunda cum sequenti ,*
Digestis Rem pupilli salvam fore ,
Videatur in textu ibi loquenti ,
 Che pparla de Tutore , e Curatore ,
Et in Ecclesiastico dicenti ,
 (Cosa previtamia de gran terrore) ,
 Ca de Vedole , e ppovere Popille
 Se senteno da Ddio 'n Cielo li strille.

T. E chi non sa far'auto ch' arrobbarè ,
 Mperrò sotta cappotto , e nno mpalese ,
 Quale cierte lo chiammano abboscare ,
 Nzò ch' a llozo è cchiù prunto e cchiù
 (mmanese ;

Se de stò fatto se nne pò parlare ,
 Singhe comm' a lo ssoleto cortese ,
 Pe quanto mme vuoie bene , e puort'am-
 (more ,

Dimme , chiste parlà ponno de Nnore?

M. S'è pe sta vota, Titta, frate fiete,
 Atta dove t'è ghiuto lo cerviello,
 No cchiù parole, stammoce coiete,
 Vi ca chiste sò ppunte de doviello;
 St'abbusche mo so ccose consuete,
 E chi non sa buscare, è n' aseniello,
 Ca nullo porria fare tanta schiasse,
 Se non ghiesse de grancio, e n' abbu-
 (scasse.

T. Già ch' avimmo sto po de lebertate
 De spaporà te preo damin' aurecchia,
 Se puozze avere bene, e ssanetate,
 Respunneme, e po st' arma mme spel-
 (lecchia,
 E chi fuorze le rrennete, e le ntrate
 De le ppovere Ghiesie spetecchia,
 Magnannoselle tutte cotte, e crude,
 La legge de sto Nnore che concrude?

M. *Quicumque res Ecclesiæ furatur,*
Est iste peior Juda reputatus,
Et crimen peculatus appellatur,
Digest, ad legem Juliam peculatus,
Inibi in lege prima ita probatur,
Ac Sacrilegus extat infamatus,
 E co cchiste porzì vanno mmescate
 Chi arroccchia de lo pprubeco le ntrate.
Nce n'è uno pe bevere de chisse,
 Che ffanno mpeccicare le mmatasse,

E ccreò pe ccierto ca se lo sapisse
 Farrisse certamente gran fracasse ;
 O Titta mio , se tu le ccanoscisse ,
 Te pararriano affè tanta gradasse ,
 Ca fanno cchiù ccàmmينو co na penna,
 Che nòn fa no vasciello co la ntenna.

T. Siente ches' auta cca , ch' è ccoriosa
 Cchiù de quanta demmanne fatte t'aggio,
 Ca mme pare che sia sostanziosa ,
 E non è ccosa de nne fa passaggio ,
 E chi se schiaffa dinto la Santosa ,
 Quando da me pigliato s' ha quant'aggio
 Che pparicchie a sti guaie nec sò ncap-
 (pate ,

Comme jammo co st' uommene nnorate?

M. Titta , lo cellevriello l' aie perduto ,
 Frate , pe te la dì , mm' aie scervellato
 O che mmaie non t' avesse canosciuto ,
 Scumpela mò , che ssinghe scortecato,
 Chisto, acciò saccie , è ddubio appontuto,
 Davero vuoie , che fosse processato ,
 Ma se lo buoie sapere , e boglia nn' aie ,
 Va l' addomann' a lloro , ca lo ssaje ,

T. Fuorze nò Jocatore de sastruso ,
 Che sconquassa mogliere , figlie , e ccasa
 Pe lo juoco mmarditto , e beziuso ,
 Che non abbenta maie se non se scasa ;
 E pe far' a bedè , ch' e baloruso ,

Se joca nfi a la cennera, e la vrasa,
E nfrutto d'arrobba sarrà forzato,
Chisto porzi se chiamma ommo nnorato?

M. La manco cosa a ccierte, è l'arrobbarè,
Ma cchiù d' uno jocato s' è ngalera ,
E quarcun' auto puro pe ghiocare ,
Lo Nnore vennut' ha de la mogliera ;
Quanta case aggio viste derropare
Pe tterzià no goffo , o na premera,
E mmaie hanno lassato sta vertute
Mfi che non se sò biste mpezcentute.

Perzò nc' è nò famuso , e bello testo
De Bartolo , a la legge *inficiando* ,
In paragrafo *infans* , lo Degesto
De fustis , che lo juoco lemmetanno
Stabelisce, e commanna, azzò sia onesto,
P' avetà sto desordene , e sto danno,
che ogni giocatore dessoluto ,
Non se pozza jocà cchiù de no scuto.

T. Chille, che non sò niente scropoluse,
E fanno mille fauze joramente
A mmuodo bello a mmucchio all' uoc-
(chie chiuse,
A screttute, preammole, a stromiente ;
E cchille quale teneno nascuse,
Preammole, prociesse, e testamiente,
Che pperzò tanta case sò scasate,
Chiste pure song' uommene nnorate.

M. Frate , pe te la dì , mò resto ammisso,
 Non te far'a ssentì, parla cchiù cchiano,
 Tu mò viene a ddì mmale de te stisso,
 Pocca non sì Mmercante, sì Screvano :
 Dimme t'è socceduto fuorze spisso
 Co ddestrezza adoprà juoche de mano,
 E ttanto cchiù ca te veo poco vote
 Ire a lo Trebonale, e pe le Rrote.

T. Da chesto stò lontano mille miglie,
 Ca non tengo zetelle, e mmanco schiave,
 Nè mmanco quarche quatto, o cinco figlie
 Nè mmanco aggio da fa case co ttrave,
 Nè mmogliere che bò manto, e ffaudiglie,
 E mme contento magnà pane, e ffave,
 E se non saglio spisso ntrebonale,
 E ca so no gnorante, e n'anemale.

Nè manco de vestire mme delecto
 De velluto, de raso, o de boratto;
 Ma de no cierto drappo schetto schetto
 De friso, o de scottino accossì ffatto:
 Addonca non avenn'io nullo apprietto
 No nc'è chi maie piglià mme pozz'a
 (ppatto,

E pperrò sse facenne groleiose

Le fa chi ha d'appelare cchiù ppertose.

T. Arreducere a nniente le mmonete,
 Agrammezzè na fuorfece tagliente,
 Comme de pasta fossero, o de crete,

O iarele de ramma stralociente ;
 Sorzetate Orature , e huie Poiete ,
 E parlate de st' uommene valiente ,
 Via pegliate le ppenne , e mmortalate
 L' azzuone de st' uommene nnorate.

*M. Isti barbitonsores appellantur ,
 Et paena Capitali puniuntur ,
 Atque comburi digni existimantur ,
 Comm' a la legge primma inveniuntur ;
 A lo codece vide , ubi notantur
 Titolo eodem ibi colliguntur ,
 E llà ponn' i a hedere tutte quante
 Comme stiano nconcietto sti Mercante.*

*T. E cchille che co ttanta delegenzia ,
 Co destrezza de penne leste, e sfranche,
 E co na resoluta confedenzia ,
 Se pigliano l' aruta da li banche ,
 Che te nne pare , fa la conzequenzia,
 Se maie puozze patì doglia de scianche,
 Chille che fanno cheste ffauzetate ,
 Se ponno chiammare uommene nnorate?*

*M. Respondeo sed cum distinctione ,
 Vel agitur de parva quantitate ,
 E banno co la museca d' attone :
 O puro so mmegliara , e mmegliarate,
 E lo munno lo chiamma sbareione,
 Mperrò s' a primma furia ncappate
 Non songo , e ssanno fa lo pilo nvierzo,
 S' agghiustano co spennere lo tierzo.*

T. Vivere da dessutolo , e ccampare
 Co fare sempe mbroglie, zappe, e zelle,
 O pe la dì , ntoscano co arrobbare ,
 E ffare mille mbroglie, e mbroglietelle,
 Che dice , sio Masillo , che te pare ,
 Non te saglieno ncanna le bodelle ,
 Chi de sso muodo campa spensarato ,
 Che te pare, se chiamm'ommo nnorato?

M. Io non saccio pe mme comme se pozza
 Maie nesciuno dessutelo chiammare ,
 Affè mme farraie scennere la vozza ,
 O pe li late mme farraie crepare ;
 Chiste sò ccierte dubbie de Scatozza ,
 Chi senza mbroglie, e zappe pocampare,
 E oie chi nò sa ffare mbroglie, e zappe,
 E ddigno de galere , rote , e chiappe.

T. Nnorate ; comm'a ddì fuorze sarranno
 Chi co ddoie ganghe, è ssoleto magnare,
 Che l' arte sanno fa de Turcomanno ,
 Che te danno papocchie pe ddenare ,
 Chille li quale mpoco cchiù de n'anno,
 Se le ffacenne le veneno mpare ,
 Le bedarraie de botta sollevate ,
 Co binte , o trenta milia docate.

M. Se non parle cchiù chiaro, Titta, frate,
 Non posso penetrà la ntenzione ,
 Ca co cchesse pparole nfrocecate
 Me farraie addeventare no cestone :

Fossero chiste ccà li nnamorate ?

Si mme vuole bene, non parlà cervone;

Che bò segnesecà sto Turcomannò?

Ca pe nc' annevenà, non vasta n' anno.

T. E ssì ppuro Dottore, e non saie chesto,

E sì nvecchiato pe ssi tribunale.

Sto nomme a ttutte quante è mmane-

(festo ,

Nfi a chi venne tonnina e ccaviaie ;

Ma io perchè boglio essere modesto ,

Non te voglio sprecà chi so sti tale ,

Non te lo voglio dì , vance penzanuo,

Ca trovarraie qual è lo Turcomanno.

M. Potta d'aguanno, e ccome sò storduto,

Non saccio auto , e mme n' era smente-

(cato ;

Brate , quann' uno è bieccio , e nzal-

(lanuto ,

(Comm' io) deverria essere nforato;

Co ttutto chesto a mmente mm'è benuto,

Bè saccio che buoie dì , aggio pescato,

Suntque isti Latrunculis peiores ,

Et appellantur fumi venditores.

Ed azzò saccie fu no Mperatore ,

Che tenev' a la casa no frabutto

De chiste , che faceva lo bello umore,

E sto fummo vennea sicco , ed asciutto,

Ma po de fummo chisto buon Signore,

Chillo fece morì , ma co sto mutto ,
 » Azzò nessuno faccia ste ffacenne ,
 » Mora de fummo, chi lo fummo venne.

Et lege Item apud Labeonem ,

Lo paragrafo *item ait* , connanna
 Tutte sti tale *ad frustigationem* ,
 Dove la causa nc' è che lo ccommanna;
Et ne incurramus in tentationem ,
 Se te pare , mettimmole da banna ,
 E addemmanna se vuoie quarc' auta
 (cosa ,

Ca chest' è na materia schefosa.

T. E chi fa la valanza travoccare ,
 Nè ddà lo piso justo pe ddevere ,
 Parlo de ssi chianchiere , e ppotecare ,
 Ca mm'è benuto frisco sto penziere ,
 Fannoche bonno, e nonne puoie parlare ,
 Nè ppe llore nce sò furche , o galere ,
 Ma chiste cchiù de tutte a ttutte ll'ore
 Parlano , e squarcioneiano de Nnore.

M. Oh se chella , che stace co la spata ,
 E ttene la valanza co no dito ,
 Chella che d' ogni ttiempo è nnomme-
 (nata ,

Responnere potesse a sto quesito ,
 Mprimmo te chiavarria na cortellata ,
 E po te deciarria , aie tu attrevito
 De me pparlare , e nnommenà sto fusto
 Io non sò nterra , e buoie lo piso justo?

T. Sarranno fuorze li Sanguinacciare ,
 Ch' accidenno pe nniente le pperzune ,
 Ne rispettanno ammice , nè ccompore ,
 Che l'è ppasto lo ffa l' accesiune ,
 Tanto cchiù se lo ffanno pe ddenare ,
 O pe nnomm' acquestà de Marcangiune ,
 E lo ttradire teneno a balore ,
 Chiste comme parlà ponno de Nnore?

M. Esodo vinteduie , commanno Ddio ,
 Non se commetta simmele peccato ,
 E d' ogni muodo vò che l' ommo rio ,
 Che lo commette nne sia castecato ;
 Ed a lo stisso luoco lietto agg' io ,
 Ca commanna de cchiù che sia scacciato
 De la Ghiesia soia l' accedetaro ,
 Nè che pozz' accostà rente all' Autaro.

T. N' ommo che sta ncampagna , no sban-
 (nito ,
 Che sarrà cchiù sfammato , ch' affamato ,
 No forfante de chiste , n' attrevito ,
 Che cchiù de no percaccio ha sbaresciato:
 Chillo , che nnuie chiammammo fora-
 (scito ,

Chisto porzì se chiama ommo Nnorato ,
 E bè , si è chesto , levame d' affanno ,
 ' E Dimme li sbregognate chi sarranno?
 O chi proteggiarrà sti malantrine ,
 E le darranno canzo de fa male ,

Contra le llege d' uommene, e Ddevine,
 Anze contra le lligge natorale,
 Ccà nce vorriano vierze assaie cchiù ffine,
 Ma non se pò, ca n'aggio vena tale,
 Pocc' auto non se senté n' ches' etate:
 Che nne dice de st' uommene nnorate?

M. Da la legge penultima, et finali.

*Isti tales vocantur Grassatores,
 Et puniuntur pœna capitali,
 Atque ipsorum itidem fautores,
 Non utitur quandoque poena tali,
 Propter eorum aliquos labores,*
 Che pperzò pe sta causa quarche bota
 Scappano da la forza, e dda la rota.

T. Ll' essere da la Corte connannato

A quarche brutta pena pe ddelitto,
 Uno che fuorz' è mpiso, e pò squartato,
 O de' quarch' auta pena fosse affritto,
 Chisto se pò chiammar' ommo Nnorato?
 E nc'è nesciun' Autore che n'ha scritto?
 Vide, saime sto punto dechiarare,
 Songo nnorate, o nò, che té nne pare?

M. Pe quanto che m' additta lo jodizio,

Non s'ha mmira a lo muodo de la morte,
 Ma a la causa bensì de lo sopplizio,
 E ssiasse puro de qualonca sciorte:
 Verbo razia mpiso sarrà Ttizio,
 Non però connannato da la Corte,

Se lo delitto è brutto, ed è sfammato,
Co la vita lo Nnore è scaienzato.

Ma se pe lo Rrè ssuio, se pe lo Nore,
Se fuorze pe la Patria, o pe la Fede,
Co n' armo franco, e generuso core,
La morte abbraccia, e lo temore cede,
No mporta se squartato, o mpiso more,
Ca be lo Munno lo ccanosce, e hede,
E nnorata la morte, e nnorat' isso,
E nn' è llaudato, e nnommenato spisso.

T. Sarrà fuorze nnorato no spione,
O chi sa machenare cose aterne,
Sarrà fuorze nnorato no boffone,
Qual oie stimate sò da li moderne,
O puro chi la carne de montone
Magna, e che ccos'è nnore non discerne,
O chi fuorze de vennere, e d' ammore
Se deletta de fa l' Ammasciatore.

M. Viato chi sa fare lo Spione,
O sa co ssecretezza machenare,
Viato chi sa fare lo Beffone,
Viato chi sa dicere, e ssa fare,
Viato chi la carne de lo Montone
Senza lo lemmonciello pò magnare,
Ca ponno votà franca ogne premmera,
Franche de frusta, e forza, e dde galera.

T. Lo ffare co la lengua la trommetta,
Probecanno de ll' aute li defiette,

Co na lengua pestifera , e mmardetta,
 O co lettre cecate , o co ssoniette ,
 Sia pe spasso, pe gusto, o pe bennetta,
 O pe ddare desgusto, o ppe ddespiette,
 O chi a le pporte fa le mmacreiate,
 Chiste dimme song' uommene nnorate?

M. Chesta se chiamma mo detrazione,
 Quale sta sempe nvocca a gente vile,
 Che strudeno la bona penione ,
 Hanno sempe a la vocca esca, e ffocile,
 L' arte lloro è ccelà ll' opere bone ,
 E de sforfchiare hanno pe stile ,
 Mperrò ste gente de sta qualetate ,
 Sò da le lligge nfame dechiarate.

T. L'essere de doie faccie, e de duie core,
 Portar' odio , e ffignere d' amore ,
 Avere sdignò dinto , e ffore amare ,
 Mostare affezzione , e po gabbare ,
 Essere comm' a dì n' adolatore ,
 Avere mele nvocca , e ntragne amare,
 Paren' Ape , e sso ssierpe nvenenate ,
 Comme jammo co sl' uommene nnorate?

M. L' adolare è no vizio assaie brutto ,
 Comm' a chi le piace pò vedere ,
 A lo Digesto de *servo corrupto* ,
 Lege prima , paragro *persuadere* ,
 St' arvolo adolatore fa no frutto ,
 Ch' apporta sempe danno, e ddespiacere,

E' na sciorta de gente nzomma chesta,
Che se deve fù cchiù de la Pesta.

T. Sarrà nnorato chi se vatte mpietto ,
E stace nfaccie co lo viso smuorto ,
Che credenno acquestà famma, e ccon-
(cietto ,

Parla co boce chiana, e cuollo stuorto,
Quale po non ha schitto no defietto ,
Ma cchiù che non ce sò ppoteche a
(Ppuorto ,

Nzomm' accossì co ffare lo pacchiano,
Quanto pò, te la ficca chiano chiano.

M. Ddio nne libera ogn'uno, arrasso sia,
Da chiste fauze , e finte santarielle ,
Che le bide a la Ghiesia , e pe la via
Manze, e descrete justo comm' agnielle;
E co lo manto de la Pocresia ,
Nchiovano tutte a botta de martielle,
Ca na boscia de chiste nzanetate
Pò mannare a zeffunno na Cetate.

T. Portà parlà de Nnore chi n'ha ffede,
Che pe bera virtù tene la fraude ,
E ccampanno accossì fuorze se crede ,
E penza d'acquistare aterna laude ,
Chillo ch' a llo nteresse schitto vede ,
E co li nganne suoie massiccie e ssaude;
La Fedeltà d'ogne bertù Regina ,
La tenarrà pe ppezza , e pe mimappina,

M. Frate, tu m'addommanne cierte cose,
 Che non vonno resposte, ma stoccate;
 Che songo addommanne precolose
 Nè pe nnuie manco fanno sti trattate:
 A le ssiepe se trovano le rrose,
 E sì tu vaie cercanno fedeltate,
 Co n' uosso schitto, o co no po de pane,
 Trovare la porraie schitto tra cane.

T. L' essere mancatore de parole,
 Comm' a no cierto tale ammico mio,
 Che mme nchieva lo C. . . . de viole,
 E ssempe mme facea lo percopio;
 Simmele a cchisto sotta de lo Sole
 Nce sia stato a lo Munno, non cred'io,
 Quale p' avè lo ntiento suio mme deva
 Sempe papocchie, e io mme le credeva.

E ppe te dì lo fatto brevemente,
 No cierto mme doveva ciert' annate,
 E ffece la procura a no parente,
 Ch' a Nnapole mme fossero pagate,
 Quale mme s' offerette prontamente,
 E se mostaie co mmico cchiù che ffrate,
 Ma quanno mme crelea d'avè l'attiento,
 Sto buon Ammico m'abbottaie de viento.

La storia è ttroppo longa, ma la lasso,
 Pe non dare a ccagnoscere chi è cchisso,
 Vasta ne' appe a benire no sconquasso,
 Che, se lo dico, restarrisse ammisso;

Mperrò m' arregolaie co lo compasso ,
 Pe non fare d' avvero quarche aggrisso ,
 E nzomma pe non farne correvare ,
 Mme resorvette bello de chaitare.

Nfina fatta comparze Nvecaria ,
 Co lo Procoratore , l' Avvocato ,
 E mme voze sganà la fantasia ,
 Perchè sta cosa mme tenea inmuinato:
 Ma canosciuta la jostizia mia ,
 Ebbe già sfazione , e ffuie pagato :
 Donca chi è dde parola mancatore ;
 Che te pare , parlà porrà de nore ?

M. Vide ca vene manco no stromiento ,
 N' arbarano , e na polesa bancale ,
 Dove nc' è ntervenuto joramento ,
 E po se nc' arravoglià caviale ;
 E buoie , che na parola ch'è no viento ,
 Aggia cchiù fforza , o sia sostanziale ,
 Va parla d' auto, e lasso sta sto ntrico ,
 O stipate ssa vocca pe le ffico.

T. Non pagare maie nullo credetore ,
 Facennoie pe fforza letecare ,
 Farcle crepà li' anema , e lo core ,
 A ggusto suio volerlo straziare ,
 E bè ch' sto non è punto de Nnore ,
 Chi no lo crede , nce pozza ncappare ,
 Ca l' ommo nnante more , ch'è ppagato ,
 Chi fa chesto , se chiamm' ommo nnorato ?

M. Millemilia libre , e squarciafuoglie
 Nce songo contra de chi deve dare ;
 Ma l' Auture modierne mille scuoglie
 Hanno trovate , pe non fa pagare :
 Bartolo , e Baldo pe li casedduoglie
 Mò servono pe llardo arravogliare ,
 Mperrò chiaita, che buoie, ca niente faie,
 Chi oie non vò pagà, non paga maie.

T. Negare verbo grazio no parente ,
 O n' ammico , che sta nvascia fortuna,
 Perchè face arte vile, o ch'è ppezente,
 Ca fuorz'è nnato a mmancanza de Luna,
 Nè le fa bene , nè lo vede , o sente ,
 Nè lo soccorre manco de na funa ,
 Perchè se tenarrà pe sbregognato ,
 Chisto se pò chiamar' ommo nnorato?

M. Non c'è dubio nesciuno ch'è gran caso,
 Ed è contra la logge naturale,
 Ca se bè lo parente è no vastaso ,
 Non se deve pe cchesto avere a mmale;
 Ma siente chesto, e non te parlo a ccaso,
 Ca ne' è chi nega lo frate carnale ,
 E nce sò le ccatervie , e le squatre
 De chi nega la mamma, e chi lo padre.
 Mperrò chille , che fanno cheste ccose ,
 Sarranno tutte gente resagliute ,
 Che bonno senza spine parè rose ,
 Nfrutto essere non vonno canosciute ;

Le sciattime tenè vonno nnascose ,
 Comme da Semmedie fossero asciute ,
 Ma che sserve a pegliarse tanta angoscie ,
 Mente sempre uno ne' è che le ccanosce .

De Calicola creo ch'aggio leggiuto ,
 Qual essenno a lo mperio sautato ,
 Avea desgusto d'esse canosciuto ,
 Perchè fu n' omino vile , e mmaie nato ;
 Diceno' cierte ch'avarria voluto ,
 (Azzò l'essere suio fosse scordato)
 No cuollo avesse avuto lo Senato ,
 Che co no cuorpo l'avesse tagliato ,

T. Volere con ogn' uno stare appietto ,
 E mmettere lo pede a ttutte nnante ,
 Termene non avere , ne rrespetto ,
 Essere no sopeibo , n' arrogante ,
 Avere adduosso cchiù de no defetto ,
 Lo manco manco è l'essere ngnorante ,
 Justo comme song' io , che te nne pare ,
 De Nnore chiste ccà ponno parlare ?

M. Bonanotte , bon' anno , e ba reposa ,
 M' allegro ca si ttanto vertoluso ,
 Io no la pozzo credere sta cosa ,
 Da vero fusse Orlando foriuso ,
 Dove tenive sta virtù nnascosa ,
 Potta , e che ssento , Titta min'aie confuso ,
 Ma pò esse nnorato no ngnorante ,
 Quanno n'ha chello llà c'aie ditto nnante ?

T. Sarrà fuorze nnorato n' Avarone ,
 Ch' auto non fa , ch' accommolà denare ,
 No Seneca rraggiato , no frappone ,
 Ch' ad auto non attenne , ch' a stepare ,
 Ch' anzeiuso de fa no melione ,
 S' astenarrà de veverè , e mmagnare ,
 Ed aggio ntiso di , che nne sacc' io ,
 Ca li denare adorano pe Ddio.

M. Pe cquanto pozzo scernere l' Avare
 Songo dell' Antecristo Toseriere ,
 Massemà , se non hanno a cchi lassare ,
 Ca n' avarranno figlie , nè mmogliere ;
 Io pe mme ntanto , le borria frostare ,
 O le borria mmannà nvita ngalere ,
 O comm' a Mmida le vorria squagliare
 L' argiento, e ll'oro, eddarecel' a mma-
 (gnare.

Da na banna so ddigne de piatate.,
 Perchè de niente se vedeno bene ,
 E po campano sempe sconzolate ,
 E le rricchizze le sò spine , e ppene ;
 Sempe le bide sta nnecessitate ,
 Se d' oro l' utre nn' avessero chiene ;
 Ma po permette Ddio , che ssi denare
 No tierzo se le pozza sbaragliare.

T. N' altro deciarrà fuorze ca lo Nnore
 Conziste quanno chillo è ddesfedato ,
 Se co la spada mosta lo valore ,

Che se pozza chiammar' ommo nnorato ,
 E s' ave na stoccata , e po nne more ,
 Diceno cierte ca s'è mmortalato:

Ora , che te nne pare de sti tale ,
 Che quanno songo accise sò mmortale?

M. Li Dovielle so , Titta , reprobate ,
 Da lle lligge Devine , e lligge omane,
 E chi dice autramente , sò ddannate,
 Ca songo peo de Turche, e Lloterane;
 Comme ponn' esser' uommene nnorate ,
 Se po perdono ll' arma comm' a ccane,
 Voglialo chisto Nnore chi se sia ,
 Ma stia lontano da la casa mia.

T. Autre derranno , e sso no melione
 De chiste , ma se trovano ngannate ,
 Che ddiceno (perrò senza ragione ,
 A na van' apparenzeza appoiate)
 Ca perchè stanno nbona penione ,
 Lloro porzì sian' uommene nnorate;
 St' apeniune se sò bone , o triste ,
 Dimme previta toja , nche cconziste ?

M. Pe sprecare sto passo , Salamone ,
 Manco nc' abbastarria , crideme cierto ,
 E chillo c' ha sta mmagenazione ,
 Eie , pe te la dì , pazzo scopierto ;
 E chesta tutta dimostrazione ,
 Ch' a n' ommo se farrà , che non ha mmi-
 (crto ,

Nè cerco, ca penzarià, perch'è gnorante,
Quale la mente sia dell' onorante?

Nè basta, che se metta nguarnascione
La perzona, e sse picca de nnorata,
Perchè stia fuorze 'n bona penione,
E perzò da le gente sia stemmata;
Se campasse cient' anne, è no coglione,
Ncè vol' auto ch' acito a la nzalata,
Non serve a nullo fa lo bell' omore,
Quanno non è da se digno de Nnore.
Mperrò quale sia fauza, e quale bona,
Quale sia fenta, e cquale sia verace,
No cierto lebrecciulo nne raggiona,
Che leggere lo pò chi le piace;
Ver' è ca no lo ntenne ogne pperzona,
De ll' uommine sacciente, sarva pace,
Lo nomme de l' Autore perrò creò,
Che sia lo Conte Annibale Romeo.

T. Penzarranno fuorz' essere nnorate
Chille c' hanno a bezzeffia salute,
O fuorze a mmano ritta sò pportate,
Quanno non è pe ccausa de vertute:
De chiste io mme nne faccio le rresate,
Massemma se da me so ccanosciute;
Dimme tu mò, che de sapere abbunne,
Sopra sto fatto comme nce respunne?

M. Voglio, che mme ne faccie no stromiento,
Ca chisto non è Nnore, ma nnoranza,

E se bè fosse Nnore, è Nnore a liento,
 Ntrodutto da n' antica, e becchia osanza;
 Quanno perrò non fosse adolamiento,
 E ccà conziste tutta la mportanza,
 Ca sto Nnore se face quarche bota
 A chi fuorze sarrà d'igno de rota.

E quanno maie non fosse pe ccreanza,
 Perchè ne' è chi lo bole de potenzia,
 Pe ttantillo tantì de maioranza,
 E se le fa pe fforza lleverenzia,
 Perchè portarà tuba, auniglia, e ppanza,
 E ssarrà no frabutto nquintassenzia;
 E bè chi de ste muode sò ttrattate,
 Che te pare, song' uommine nnorate?

A cchesto ntanto *nego consequentiam,*
Probo majorem, nam est de substantia,
Quoniam quis quis sit propter poten-
 (*tiam,*

Sic honorari stat cum vigilantia,
At si illam non habet, violentiam
Quandoque facit vel cum arrogantia,
Sed non per hec dicuntur honorati,
Qui sunt turpidibus vitiis gravati.

E po tu non saie buono, e non aie visto
 Nzo che bedimmo spisso prattecato,
 Che quanto cchiù sia n' ommo nfam-
 (mo, e ttristo

Tanto cchiù co pprontezza eie onorato,

Perchè paura ogn' uno n' ha de chisto,
 Massema si è protietto, o s' è stemato
 Da quarcuno chi sà, tu lo ssaie puro,
 Perzò de te lo dì poco mme curo.

Cossì a no port' e adduce, a no taccagno,
 A chi fuorze ha no frate, o no parente,
 Che bo passà pe gguappo, o pe ccom-
 (pagno

De Lupo-viecchio, o de lo Mpertemente;
 O chi puosto sarrà nforma de Ragno,
 Che ssalutato non te tenemente,
 E cquanno non le faie le sbarrettate,
 Ncurre a no *crimen laesa Majestate*.

T. Fuorze chi pe ddenare, o pe ffaore,
 O p' auta via s' è ppuosto mprelatura,
 Non pe forza de scienza, o de valore,
 Ca non n' appero maie na leccatura,
 Chiste ccà nche carata so de Nnoie?
 Respunne priesto, non avè paura:

Ched' è, tu capozzie, nnarche le cceglia?

Ched' è, ched' aie, te faie tu maraveglia?

M. Titta, pe quanto veo, tu si storduto,
 Tu vaie cercanno, ch' io sia processato,
 Bè saccio che buoie dì, t' aggio caputo,
 Senza, che pparle cchiù, t' aggio pescato;
 Ccà nce vorria n' Aracolo saputo,
 Ca dubio non è sproposetato,
 Saccie mperrò ca maie vasciello corre,

Se non ha viciò mpoppa , e n' ha sa-
(vorre.

T. Fossemo (verbo razeja) nnorate ,
Nuie duie , che de sto Nnore trascor-
(rinmo ,
E co belle ragioni appropriate ,
Qual è lo vero Nnore destinguimmo ?
O puro nuie pòrzì jammo mmescate
Co ste sciorte de gente che ddecimmo ;
Dimme la veretate , e s' annevìne ,
Te dò de paraguanto tre ccarrine.

M. Menammoce la mano pe lo stommaco
Prinma de tutte l' aute , se te pare ,
Pocca mme creò ca stammo contrastom-
(maco
L' ammicce, de pariente, e dde compare,
Non parlà cchiù de Nnore, cà mò vom-
(maco ,
Ca. pe nnuie nc' è che ddicere , e cche
(ffare,
Simm' accossì Nnorate, acciò che ssaccie,
Che potimm' ire co na manta nfaccie.
Ca nce sarranno li male contiente ,
Li nvediuse puro , e li gnorante ,
Li quale nce vorriano co li diente
Spellecchiarece a mmuorze tutte quante ;
Ma dicano , che bonno , perchè nniente
Nce fanno mpaccio li passavolante ,

Chi è de nuie cchiù nnorato , che lo
 (mmosta ,
 Ca po tanno darrimmo la risposta.

T. Masillo quant'aie ditto, aie ditto buono,
 Ed aie cierto respuosto co pprodenzia,
 Ma pe nfi mo non m'aie respuosto a ttuono
 Perchè fatta non aie la conseguenza ;
 Se l' abballo non è com'm'a lo suono,
 Mo mme nne vao senza cercà lecienzia,
 Perchè co ssi descurze , e pparlamente,
 Aie ditto assaie, ma n'aie concruso nien-
 (te.

Pocca de quanta nn'aggio nnommenate,
 E dittetelle tutte ad uno ad uno ,
 Perchè de guittarie sanuo mpastate ,
 Nfi mò Nnorato non ce nn'è nesciuno:
 Addonca chi sarranno li Nnorate ,
 Perchè nce n'ha da essere quarcuno ,
 Quale de Nnore pozza squarciare ,
 Chisto 'n che muodo s'ha d'arregolare.

Dì donca , che bertute deve avere
 Chi pe Nnorato se vò fa stemare ,
 Qual è lo muodo ch'ave da tenere
 Chi de Nnore vò franco letecare ?
 Io pe mme ntanto songo de parere ,
 Che nullo se nce pozza maie chiammare:
 Ora se veramente si Ddottore ,
 Mo dimme chi parlà pozza de Nnore?

M. Frate , che buoie , che te lo metta
(nscritto ,

E si è cossì , tu mme vuoie colliare ,
Donca n'abbasta quanto t'aggio ditto ,
Ca tu no ntienne , io che nce pozzo fare ;
Non pe chesto lassà te voglio affritto ,
Sta saudo , ca te voglio conzolare ,
Nquatto parole , mo se te piace
Sentire , e spero de te fa capace .

Lo Nnore , Titta , azzò che ssaccio buono ,
Nascere pò da le bertù mmorale ,
Justo comme se ngeneta no truono ,
Che nn' hanno scritto assaie li Natorale ,
Sò baie , non se l'acquista chi sta ntuono ,
Ca chist'è Nnore sopraffeciale ;
E buono avere bona penione ,
Mperrò nce vonno l'azziune bone .

E perchè n'aggia tuosseco pe mmanna ,
E non se pasca de st'apenione ,
Nullo se pò piglià la Mezacanna ,
Ogn' uno e mmesurare l' azione ;
Tanno l' ommo se stisso se connanna ,
E bedde s'è Nnorato co rragione ,
Ca tanno porrà fa la conseguenza ,
S'è Nnorato da vero . o d'apparenza .

'N duie punte , *hoc unum , alterum non*
(*laedere* ,

S' a ssentì , dove tutta la mportanzia ,

L'aut'è *jus suum unicuique redere* ,
 Tutte doie cose cierto de sostanza ;
 Chi ha cheste doie virtù , cierto puoie
 (credere

Che de Nnore ha comprita cercostanzia,
 Mperrò chi non ha chesto (stia sicuro)
 Se pò ire a ccorcà bello a lo scuro.

T. Nfi mò jammo de sisco , e dde mesesca
 Ma pe ffare comprito lo prociesso ;
 Dì mò , che la memmoria te sta fresca,
 Chello , che pe la strata t'è socciesso,
 Pe cquanto te sò schia vo, non te ncresca,
 Pocca sto ppo de tiempone'è cconciesso;
 Sequeta , sio Masillo , via , datt'armo,
 E dammo fine a sto Secunno Parmo.

M. Aie fatto buono a llecordaremello ,
 E ppoco nce volea, mme sceca da mente;
 Perchè da vero lo penziere è bello,
 Sientelo buono , e ttienetillo a mmente;
 Ma non vorria mmescà chesto co chello,
 Perrò dire lo boglio brevemente ,
 E pperchè l'aggio ntiso , e lo penziere
 Non è lo mio , lo dico volentiere.

Mente veneva mò pe te trovare ,
 Comm' appontato avevamo da iere ,
 Pe fforza fuie costritto de passare
 Pe lo vico (non saie) de Panettiere ,
 A buonneccchiù sentiette contrastare

Co ccierte ppottanelle no varviere ,
 Io (comm'saie, ch'a Nnapole ne'e st'uso)
 M' accosto pe ssentire coriuso.

E pe cquanto potiette penetrare ,
 Lo varviere avea cchelle mmedecato
 Li solete d' ammore frutte amare ,
 Ma po non potev' essere pagato ;
 Aveva a fforte farse correvare ,
 E pe cchesto facea comm' a ddannato ,
 Po pe pparte de premio , le zellose ,
 Le deceano parole ngioriose.

Quanno chillo se ntese pezzecare ,
 E toccare lo punto de lo nnore ,
 O bene mio , vedistelo nzorfare ,
 Che pparea commattesse co li tore ;
 No lo poteva nullo raffrenare ,
 E nvederlo te deva grà spantore ,
 De muodo che se dea lemmane a mmuorze
 A ssigno, che gran puopolo nce corze.

Se nce trovaie nfra ll' aute na vecchione ,
 Che pe cquanto mme parze era vam-
 (mana ,

E disse a lo varviere , o gnorantone ,
 Sienteme buono , ca non so bagiana :
 Che nnore , lo nnor' è a lo Torrione ,
 Che stace fora Porta Capuana ,
 Ma ch' iesce a mmano manca, e b' de fore
 Scritto a na preta marmora , *lo Nore.*

Casa non nc' è , che n' aggia na latrina,
 No pegnato , n' arcuolo , o n'aurenaro,
 Casa non nc' è , che n' aggia na cocina,
 Casa non nc' è , che non ha focolaro;
 Vecco ca la settenzeja è strafina,
 Veccote l' argomento è ttroppo chiaro,
 Perchè dov' è llatrina , e ccmmenera,
 Fieto, e ffummo sarrà d'ogne mmanera.
 Ma co na defferenzeja , la quale

Te la voglio sprecare ccà ppresente,
 Ca fieto ncc sarrà de muorbo tale ,
 Che se farrà sentire nfi a pponente ;
 N' auto farrà no fieto de pedale ,
 Che pe na strata o doie schitto se sente,
 E ffummo che s' astuta co lo viento ,
 E n' auto, che nce vò fatica, e stiento.

T. O se lo stile mio fosse toscano ,
 E ssapesse parlare nfroccato ,
 E chi mme sente non fosse pacchiano,
 Te vorria fa vedè , chi è lo nnorato :
 Le vorria fa toccare co le mmano ,
 Ch'è no paputo , e n' aseno nvardato
 Chi nne parla , e de cchiù ch'è no
 (vozzacchio ,
 Ca cemmiero non nc' è che n' ha ppen-
 (nacchio.

M. G' à Febo co lo carro a briglia sciota
 Se n'è ghiuto a ddormì nfunno a lo mare
 Pe ttornà crammatina n' auta vota
 Co li suolete raie sbrenniente, e cchiare;
 E la luna rotonna comin' a rrota ,
 Se fa da mille stelle accompagnare ,
 E nnuie co sti trascurze (addobbiate)
 Non nce nne simmo abbiste, nè addonate.

T. Cchiù de quantos'è dditto, non potimmo
 Dire ncoppa sto Parmo , ca sarria
 Cchiù llungo certamente de lo primmo
 E pò chi legge nce sennecarria ;
 E mmente già sta bella Luna avimmo,
 Penzammo pe cqua strata, e pe cqua via
 Secure potimm' ire , azzò la cappa
 Levata non ce sia da quarche ttappa.

M. Jammo da chisto vico se te pare,
 E sse te resta commoto venire ,
 Perrò t' aspetto craie dapò magnare ,
 Ca de la Nobertà nc'è assaic che ddire:
 Io t' aspetto a la casa , non trecare,
 Ca volimmo sto punto desfenire,
 Ca ncoppa a cchesto ha lietto assaie sto
 (fusto ,
 Vasta volimmo di cose de gusto.

SCOMPETURA DE LO SECUNNO PARMO.

PARMO III.

TRASCURZO TRA TITTA, E
MASILLO.

-
- T.** **S**Io Masillo bonvespera, che ffaje?
 Comme sò ppontoale, che te pare?
 Nè dde li pare mieie nce nne sò assaie,
 E mme nne pozzo vanagroliare;
 Chello, ch'òie pozzo fa, n'áspetto ciaie,
 E non penzo a ddormire, nè a mmagnare,
 Massema quanno dongo na parola,
 Lo cuorpo non abbenta, e ll' arma vola.
M.N comm'a ttiempo a ttiempo si arrevato,
 Singhè Tittillo mio lo bemmenuto,
 Non ha n'avemmaria, ch'aggio magnato,
 E mò de te vedere stea speruto:
 Circa de lo negozio già appontato,
 Sta notte belle cose aggio leggiuto,
 Zoè de sta pomposa Nobertate,
 D' Auture suocce, masiccie, e ppesate.

Mper rò no e farrisse no piacere ,
 (Se commoto te resta, e sse te pare)
 Sto Tierzo Parmo sarria de parere
 Potessemo ntoscano sequetare ,
 Ca vorriamo a lo munno fa a bedere,
 Ca sapimmo linguaggie commotare ,
 E che quantunque siam Napoletani ,
 Tenimmo sotta coscia li Toscani.

T. Masillo mio , cchiù bote ll' aggio ditto
 Ca sò Nnapolitano , biva Ddio ,
 Co la penna, e la lengua'n voce, e scritto,
 E non trasformo lo linguaggio mio ,
 E chi nne vò di male è no gran guitto,
 Ed a pprovarencello sò pprunt'io ,
 Ca de quanta linguaggie sò a lo Munno
 Non ncè sa sprecà cchiù chiatto, e ttunno.

E ppazzo chi parlare vò Ntoscano
 Quanno chillo Ntoscana non è nnato ,
 Chi Grieco vò parlare è no pacchiano,
 Quanno non s' è de Grieco mbreiacato;
 Saie perchè lo pparlà Napoletano
 Da cierte porchiaccune n' è stemmato,
 Ca nce lo boglio dicere cantanno ,
 Eie perchè ca leggere non ssanno.

M. Ora via sequetammo lo tenore ,
 Ca spero co l' aiuto de la Musa ,
 Apollo mme farrà tanto favore ,
 De reschiarà sta mente mia confusa ;

Sta Titta ntanto liesto, e fflate nnore,
 Perchè la Nobertà va sempe ncrusa
 Co lo nnore, e tra l'uommene nnorate
 Se pò trovà perfetta Nobertate.

Che pperzò sequenn' io l'apenione
 Dell' uommene sacciente, e lletterate,
 Che pparlano fonnato, e co rragione,
 E ssò de quarche stima, e autoretate,
 Comme fu verbo-razia Pratone,
 Seneca, ed aute gente addottrenate,
 Feluosefe de stimma, e dde gran punto,
 Che mmaie de Nobertà fecero cunto.

Nè ppare a mmè, che ssenza gran preposeto
 St' uommene buone avessero fonnato
 Lo ntennemento lloro, ed a pproposeto,
 E co rragione avessero parlato,
 Se bè ch' a pprimmo pararrà sproposeto
 A cchi non ha leggiuto, e stodiato,
 Attiso che la lloro ntenzione
 Stà fonnata a mmartiello, e co rragione.

Diceno donca, ca la Nobertate
 Non è ppunto destiata da vertute,
 Pocca tutte d' Addamo songo nate
 Ll' uommene, ch'a lo Munno sò benute,
 Perchè tutte li quale sò arredate
 A buono puosto, e se sò annobelute,
 Non furno tale pe li nascemiente,
 Ma schitto pe bertù de li pariente.

T. Donca nascere nobele è freddura ,
 E nullo se nne deve gloriare ,
 Ca maie appe penziere la Natura
 A nzò chi nasce nobelezza dare ;
 De farlo ragionevole appe cura
 Schitto, a ll'ommo da se se nce pò ffare
 Nobele , se be è figlio a no chiasco ,
 Ca la virtù fa l'ommo Semmedeo.

Che pperrò retorcenno l'argomento ,
 Dico mò io , se chillo qual è nnato
 Nobele pe l'ammore de lo stiento ,
 E pe ngiegno , e bertù de ll'antenato ,
 Quann'isso tenarrà la capo a biento ,
 E co cchillo non ha contenoato ,
 Ma menanno na vita dessoluta ,
 La Nobertà mme creo, che ssia perduta.

M. Ciert' è ca pò sbanì la Nobertate ,
 P'azziune guittesche , e pp'arte vile ,
 Non sequetanno de lloro antenate
 Li portamiente , le bertù , e lo stile ;
 E cquarche bota pe nnecessetate
 Vace a tterra ogni nnasceta civile ,
 Ca lo besuogno è strata , porta , e bia
 D'ogn'azione trista , e guittaria.

Nfrutto la Nobertà se perde quanno
 Chillo quale se picca de ben nnato ,
 Sodamente non và contenuanno
 L'azziune , e bertù de ll'antenato ,

E' giusto , Titta mio, comme no panno,
 Che se no sghizzo d'uoglio ne'è ghiettato,
 Scergalo, e ffance quanto nce puoie fare,
 Sempe la macchia mille miglia pare.

Quanno , comme , e perchè la Nobertate
 Se perda , nn' ave scritto Tiraquello,
 Co cciento suoie bellissime trattate ,
 A no lebb braccio nfuoglio muto bello ;
 Llà stanno tutte quante regestate ,
 Che perrò mme remetto io puro a cchello,
 Che st'Autore massiccio scrive, e ddice,
 E co cchisto Cepolla , e Ssanfelice.

T. Ed uno c' ha denare abbotta-fascio ,
 Quale da nobelezza non è nnato ,
 E ssarrà no ngnorante , sarrà n' Ascio,
 Po essere pe nnobele stemmato ?
 Parchè mme creio che n'ommo nato vascio
 Pe rrecchezze se sia nobeletato ,
 Pocca uno ch' è nnobele, e n' è ricco,
 Vco ca non è stemmato no palieco.

M. Ora chist'è no dubio veramente ,
 Ch'a chi n'ha stodiato, e n'ha llegalto
 E siase puro quanto vò sacciente ,
 Crideme , ca diventa no paputo ;
 Io mò che ssaccio nzò , che ttengo a
 (mmente
 E pperchè la memoria stace fresca ,
 Sienteme , e dde sentire non te ncresca.

Siase quanto se voglia ll' ommo ricco ,
 Cchiù de grasso , e de mida , e ttan-
 (ta , e ttante ,

E ppazzo si trasi vò nchisto cricco ,
 Quanno non ha bertute, ed è gnorante:
 Lo chiuppo, non saie tu , ca se fa sicco
 Quanno non ha la vita soprastante ;
 Perrò sti ricche le ssento chiammare
 Asene carrecate de denare.

Ma conciesso , che nnobele sia nato ,
 Sia Rre (vuoi cchiù) quanno non
 (ha bertute

E' ghiusto no sommiere ncoronato ,
 Comme dicenò l' uommene sapute ;
 Le rrecchizze , e le gioie sò mprestate,
 E nne che sò acquestate , sò pperdute;
 La vertù schitto, azzò nullo se nganna,
 È cchella , che ccoverna, e che ccom-
 (manna.

T. Dimme (se puozze fa bona vecchieza ,)
 E' de besuogno , è de necessitate ,
 Avere uno , ch' è nnobele , recchezza,
 Pe cconservare la nobeletate ?
 Ca veò , ca spisso spisso se desprezza,
 Quanno non ce sò nnumme nquantetate,
 Respunne , sio Masillo , che te pare ,
 Nce songo de besuogno li denare ?

M. E ttu meglio de me creò ca lo ssaje,
 Cachi ha Nnobeletate, e n' ha ddenare,

Massema s'avarrà diebbete assaje,
 Le vene nerescemento 'de campare;
 Li Nobe le sò ttanta Coccovaj',
 Quanno chello no n'è, che ffa cantare
 Li cecate; e pperzò cchiù de le bote,
 Non se chiammano Nobe le, ma note.

Comme senza lo ssale consarvare

La carne non se pò, ca priesto fete,
 Cossì la Nobertà puro mme pare
 Conservà non se pò senza monete;
 Li Nobe'c, che n'hanno li denare,
 So ghiusto justo comm'a li Poe te,
 Quale se n'hanno aruta, n'hanno agresta,
 Schitto la nnoimmenata nne le resta.

Ma sopi' ogn' altra cosa la Vertute

E' de la Nobertà lo vero sale,
 E ssulamente ll'uommene sapute
 Co chella se conservano mmortale;
 Chille, che n'hanno chesta, so ttaute,
 E cco lo nomme restano de tale
 Mente sò bive, e pe ffornì la storia,
 Muorte che ssò, se perde la memmoria.

La Nobelezza è bene de Fortuna,

La qual' è dd'ogne tiempo variabele,
 Assaie cchiù, che non è la pazza Luna,
 Quale maie retrovà se pote stabele;
 S'è ssazia non saie, nè s'è ddejuna,

La Mez. Tom. I.

Ne ssaie se t' è nnemmica, o favorabile,
 Attiso nzò ché sta bagascia dace ,
 Se lo ttorn' a ppeglià quanno le piace.

T. Ma levame chest' auta fantasia ;
 Se pratteche co n' ommo, che non saje,
 Pe ccanoscere buono chi se sia ,
 Se sia Nobeles , o nò , che ccosa faje ;
 A cquale signo se canosciarria,
 'N che mmuodo scanagliare lo porraje ,
 Porta quarche nzegnale scritto'n fronte.
 Dì già che le rresposte tu ll' aie pronte?
 Se canoscesse a lo bestì polito ,
 O fuorze a no corpetto de mmorcato ,
 Ca quarche bota puro lo vestito
 Ha cchiù de n' ommo sapio gabbato ;
 Nè pò , chi no lo sà , mostare a ddito,
 E pe Nnobeles passa no sciaurato ,
 Massema se de cchiù porta l' auniglia,
 Stace n nubio ognuno, e nne squaquigl'a.

M. Vieste , Titta , de pella de Leone
 No ciuccio , o puro miettele la sella,
 Justo comm' a ccavallo nguarnascione ,
 Co le staffe , e na vriglia muto bella;
 Priesto nne puoie vedè lo paraone ,
 Ch' ognuno se canosce a la favella;
 Ll' aseno se canosce a l' arragliare ,
 E ll' ommo se canosce a lo pparlare..

T. Se pò fuorze canoscere a lo brico ,
 Comme ssoleno dire cierte tale ,
 Ca pe no le scoprire , no le ddico ,
 Che se fonnano nchesto , e sò ppedale:
 Sto nomme no mine pare troppo antico ,
 Ca lo sentiette di stò Carnevale ,
 Retrovannome a ccaso a lo Mercato ,
 Parlanno co n' annmico mio sordato.

M. Non saccio addove accaccie sti voca-
 (bole ,

Sto brico , che cos' è vorria sapere ,
 Vi ca tu mme faie ire a ll'Incorabole ,
 Da vero , Titta , mme faie stravedere ;
 Chest' eie na parola nnescrotabele ,
 Brico è ffuorze chi veve a le becchiere ,
 Previta toia , dimmello , Valentino ,
 Ca sto nomme non ne' eie a Calapino.

T. Brico vò di , zoè , na mpeltatura ,
 Na torciuta de musso , o de mostaccio ,
 Parlare co na fosca sguardatura ,
 Na maneca a l'ancella , co no vraccio ,
 Na nnarcata de ciglia , na sbravura ,
 E quarc'auto motivo , che non saccio ;
 Si sì , chesto porzi mm'era scordato ,
 Parlare toscò , e ffare lo ntosciato.

M. Titta , pe te la dicere , mme faie
 Ridere senza voglia veramente ,
 Ch' a ttiempo mio non aggio ntiso maje

Dicere sti ppapocchie da le ggente ;
 Le ccause le ssarc'io, tu no le ssaje,
 E te le boglio di destentamente
 Quale sò le rraggiune, pe le cquale
 Scernere puoie na Nobetà rejale ,

Quanno sa l'ommo raffrenare l'ira ,
 Quann'è ffacele, e pprunto a pperdonare,
 Quanno pe nnulla causa non s'adira ,
 Nè fa bennetta , mente la pò fare ,
 Quanno stà begelante, quanno ha mmira
 De potere n' affritto sollevare ;
 Chi sa fa chesto, te mprommetto, e ghiuro
 Lo puoie tene pe Nnobeale sicuro.

T. Cchiù d'uno cierto nn'aggio canosciute
 De chist' uommene buono a sta Cetate,
 Che sso state p' Oracole tenute ,
 E stanno a mmille libre regestate ;
 Nè mmanco lessemmente oie sò pperdute
 De chiste cca nfra ll'autenommenate,
 Nce n'è uno de sango muto antico ,
 O che gran Cavaliere, e buon'ammico.

M. Già , che m'aie puosto ncoriosetate,
 Voglio sapè chi è cchisto p'ogne ccunto,
 Perchè ment' ha ste bone qualetate ,
 Nce lo volimmo pegliare p' accunto ,
 Azzò , chi sà , se la necessetate
 Nce facesse no juorno quarche affi unto,
 Già , che nc' ave mercato co lo ghisso,
 Cercammo ajuto, e recorrimmo a cchisso.

T. Chillo, che mmiezo campó fa torchino,
 Miezz'auto russo, co ttre sbarre d'oro,
 Chillo, che pezzecchia de lo ddevino,
 Chillo, che de Caracciole è ddecoro;
 Se chiamma, par'a me, Ciccio Marino,
 Che de quanta sò state, songo, e fiore
 Llustre, da che lo Munno fu cerciato,
 Nne porta la corona, e lo premato.

M. Si sì, chillo azzellente Cavaliere,
 Chillo, che ssento di, ch'è n'ommo raro,
 Chillo, che de lo Regno è Cancelliere,
 Ed a le Mmuse puro è ttanto caro;
 Chillo ch' a lo ddonare volentiere
 Non saccio se nce sia simmele, o paro,
 Chillo, che ssempe dà, dona, e rrefosta,
 Nuovo Alesandro Magno a l'età nnota.

T. E di, ch'è burla affè, potta d'aguanno,
 Ca se nce avesse ammecizia io puro,
 Comme co chisto tanta, e ttanta
 (nc'hanno,

Da la necessetà starria sicuro;
 Chisto levare mme porria d'affanno,
 E mme porria fa lucere a lo scuro,
 Ma perchè sò ngnorante, e de griorante
 Chist'è nnemmico, io no mme faccio
 (nnante.

M. Va, dattence a ccanoscere, pacchiano,
 Ca se bè non si nniente vertoluso,

Se bè non saie fa lirece ntoscano ,
 S'acconcia co sta lengua, ca sà ll'uso;
 Chisto è ttutto cortese, e ttutt'omano,
 E sà ch'ogne Ppoeta è besognuso,
 Nè bregonnarte ca non bieste seta ,
 Ca compatisce , e ssa ca sì Ppoeta.

T. Lassa fare a lo Cielo , sio Masillo ,
 Mancà non pò chello, ch'è ddestenato,
 Confedammo, e lassammo ffare a cch'illo
 Che pò fare, e ddesfare, e nc'hà creiato:
 Apa maie diventare po nò grillo ,
 Tu statte, ed io mme stò comme so nnato,
 Ca co cchesto parlà mme sò scompuosto,
 Perrò tornammo a lo trascurzo nuosto.

Io mme sento crepare veramente ,
 Quanno sento quarcuno squarciare ,
 Che de rrobbe, o vertute è no pezzente;
 E bò de nobelezze despotare ;
 Fuorze perchè av'auto no parente ,
 O no patre , o no frate sengolare ,
 E bò mettere a ttutte pede nnante ,
 Quanno comm'aggio ditto, è no gnorante.

M. Li mierete , e bertù dell' Antenate ,
 Le rrecchizze non servono pe nniente.
 Non servono le ccose , che sò state;
 E po l' uommone muorte sò ffetiente;
 Sempre fresca vò stà la nobertate
 Pe ppotente avantà de li pariente ;

Se lo rreto non è comm'a lo pprimmo,
Lo stimo digno de vocà no rimmo.

E pe cchesto decette Cecerone,
Na vota competenno a lo Senato
Co isso no famuso gnorantone,
Ghe se peccava de lo parentato,
Caglia, no cchiù pparole, vervecone,
Non serve a squarcia de lo ppassato,
Ca la nobertà toia a te scompesce,
La mia da me accommenza, e a mine
(scioresce.

Voze nzomma co cchesto renfacciare
A cchillo, che ffacea de lo squarcione,
E di li muorte se volea vantare,
Ca fuorz' erano state gente bone;
Ma isso non sapea manco parlare,
E sse credea de stare a pparaone,
O comme nce lo boze, fu cchiaruto,
Ca restaie da cetrulo nzemmentuto.

De la Nobeletà de l'antenate,
È n' aseno chill' ommo, che se pasce,
E ca de Nobertà, furno mpastate
Do che nnascero nziemo cò le ffasce;
Ca la vera, e pperfetta Nobertate
N'è chella che s'acquista quanno nasce,
(E chi chesto se crede sta nn'arore)
Ch'è cchella, che s'acquista co ssodore.

Se tu sì ommo buono, e ll'antenate,
Fossero fuorze state gente vasce,

Non d'cere 'ca nobele sò state ,
 Ca rennuove de Capoa l'Orlasce ,
 Le mmemorie so ffresche, e sseparate
 Stanno a lo Munno l'Aquele da l'Asce,
 E po co sso parlàre muove a rriso
 Ognuno , ed è lo ppeo , ca non si ccriso.
 Se l'antenate fuorze furno gente ,
 Ch' anticamente s' hanno fatto nnore ,
 Perchè a le guerre furno assaie valiente,
 E ssarà stato noto lo valore ,
 O perchè (verbo razia) sacciente ,
 S'avarranno acquistato lo sbiannore ,
 Quanno tu comm'a c'hille non aie fatto,
 A ttale Nobertà dal' aie lo sfratto.
 Perchè , se tu sì ffuorze no gnorante ,
 Pjezzo de catapiezzo nzallanuto ,
 Che n' aie potuto maie passà nnenante,
 Nè ssaie far' autà parte , che lo muto;
 Se te picche de chille , e te nne vante ,
 Si da tutte pe n' aseno tenuto ,
 E pò se tu nne parle , staie sicuro
 Ca sbreguogne a tte stisso , e a c'hille
 (puro.
 Se n' arvolò de mela , o de cotogna ,
 Frutto tanto stemato , e addoruso ,
 Facesse po cocozze catalogna ,
 Chisto non sarria caro disastruso ;
 Justo accossì , quanno no piscia nzogna

Nasciarrà da no patre ventoluso ;
 Donca l' avere avuto gente bone
 Non serve se tu sì no cocozzone.

Che sserve ca da n' Aquela sì nnato ,
 Se non sì comm' a cchella (poveriello !)
 Perché tu comni' a cchella n' aie volato ;
 Che ddeventato sì no ciucciariello ;
 Ca patreto fu ddotto , e lletterato ,
 E tu sarraie no Zanne , o no Coviello ,
 Non te serve de chillo squarciare ,
 Appila , ch' esce feccia , non parlare.

Singhe figlio porzì de sbirro , o boje ,
 O puro de chianchiere , o potecaro ,
 Quanno sò bone l' azzuone toje ,
 Ad ogn' auto ch' è Nnobelesì pparo :
 Ogn' uno è ffiglio a l' azzuone soje ,
 Siase figlio porzì de tavernaro ,
 Co lo ttiempo se perde la memoria
 De chille , e rresta a tte tutta la grolia.

Tutte quante prencipio hanno avuto
 Ll' uommene da la zappa , e ssia chi sia ,
 E chi vò negà chesto , è nzallanuto ,
 E ddice na fauzissemma boscia ;
 Ma chi appe taliento , e ffu ssaputo ,
 Non voze stare a cchella , e mmutaie via ,
 E ddannose a le scienze , e le bertute ,
 Se songo comni' a ddire annobelute.

T. Ma chi è nnobelesì , nobelesì se stia ,
 E chiste ccà mettimmole da banna ,

Ca no sta ccà la ntenzione mia ,
 Nè nchesto vò la Musa, che mm' rffanna;
 Ma de chi fuorze stace nn' arbaschia ,
 Nè se misura co la Mezacanna ,
 Chè de Nobeletà non hanno scorza ,
 E bonn' essere Nobe le pe fforza.

M. A lo paiese mio de chiste tale
 Pe ccierto nce nne sò na nfenetate ,
 Ca pe nfi a le ttaverne , e li Spetale
 Ncn se parl' auto , che de Nobertate;
 Sempe sientè parlà de li natale ,
 E ddiceno ca songo , e cca sò state ,
 Senza punto pensare li papute
 Ca sò da li paiesane canosciute ,

T. Comm' addire , non sì Nnapoletano ,
 Donca de dove sì , fusse de Trocchia;
 Fiate mme vuoie passare pe ppacchiano,
 E buoie che gliotta sana sta papocchia;
 Io saccio buono ca non sì Ttoscano ,
 Fusse mo comm' a ddì de la Conocchia,
 O comme (fuorze) fanno cierte scigne,
 D'essere nato a Nnapole te sdigne?

M. Frate pe te la dì , sò dde la Marca,
 Ma venne strappatiello a sta Cctate ,
 Portato pe ffortuna da na varca ,
 E benette co mm' co n' auto frate ;
 Nuie pe stà sottapuoste a no Monarca,
 De restà cca nce simme contentate ;

Ch'è meglio esse vassallo a Rrè de Spa-

(gna ,

Che starè a llebertà dinto Coccagna.

E ppo de quanta n'aggio prattècate

Paise pe lo Munno a ttiempo mio ,

Dove se pò trovà n'auta Cetate ,

Ca lo ddiceno tutte , non sul' io ;

Cea sò ttutte le ccose appropriate ,

E cerco ch'a sto dderitto Ncielo è Ddio ,

Quale reie , e ccoverna tutte quante ,

Ma cchiù d' ogn' auta , chesta nnante

(nnante.

Napole bella d' ogne fazzione ,

Napole , de la Talia ciardino ,

Napole , che pò stare a pparaone

D' ogne ppaiese lontano , e bec'no ;

Venga pe la laudare Ceccerone ,

Lo Tasso , l' Ariosta , e lo Marino ,

Ca n'è ppe mme de na Cetà , ssì bella

Poterne maie laudare na sghezzella.

Napole , na Cetà così ffamosa ,

Pe ttutto l' Onevierzo nnommenata ,

Napole ternamente groliosa ,

Che pe ttutto lo Munno sia creiata ,

D' ogne ttiempo abbonnante , e d' ogne

(ccosa ,

Da tutte li Poete celebrata ;

E cchi fuorze vò dicere autamente ,

Pe mmille , e mmille vote se nne mente.

Napole de lo Munno grammaglietto ,
 E de l' Auropa Rosa mostarella ,
 E de la Talia luoco cchiù pperfetto ,
 Nè pe lo Munno cosa ne' è cchiù bella ;
 Napole c' h'ù d' ogn' auta sta neconcetto ,
 Tanto cchiù ch' è pprotetta da na Stella ,
 Stella ch' allustra l' Onevierzo Munno ,
 Lo Gran Monarca CARLUCCIO SECUNNO .

O quatto vote Felice , e Bejato
 Chi è stato digno avere sta Fortuna ,
 Sotta sto Gran Monarca essere nato ,
 Massema mo co la crescente Luna ,
 De la nosta Regina tanto amata ,
 Ch' appareggià non se le pò nesciuna ;
 Che l' Amorosa Mamma MARIANNA ,
 Che crescerè lo face canna canna .

T. Cò ttutto chesto puro se so ntise
 Da cierte , che sacc' io , troppo fumuse ,
 Che s' hanno ncapo na chiommera 'mise ,
 A ddespietto d' Apollo , e dde le Mmuse ,
 Ca se bè nate cca , so de paise
 Chiù llontan , cchiù antiche , e cchiù
 (faminuse ,
 E ddiceno de cchiù ciert' aute ccose
 Troppo belle a ssentire , ma schiattose .

Chi dice ca la loro descennenza
 Venuta anticamente sia de Franza ,
 Chi ca songo descise da Provenza ,

E cchi da le Mmontagne de Barbanza:
 Autre ca so benute da Scioienza,
 Quale te fanno fa tanto de panza,
 E ne'è chi dice da la Magna Grezia,
 Chi da la Nobilissema Venezia.

Chi ca descise so da Lommardia,
 Chi dice ca descenne da Melano,
 Chi da Savoia, e cchi da Schiavonia,
 E cchi de la Cetà de Montalbano;
 Ma dicano, che bonno, perchè ccria
 Nulle nne credarrà, se n'è ppacchiano,
 Nè ssento maie chi dica, e che ttrascorra,
 Che ddescenna da Sodoma, e Gcomorra.

Fossero Cavaliere, manco male,
 Chille li quale fanno sto squarcione,
 Ca se le pò da credeto a sti tale,
 Quanno lo ffonnarranno co rragione;
 Ma po che ddica chesto no pedale,
 Justo comme song'io no coppolone,
 Frate, n'è ccosa che nce puoie passare,
 Ca pe li late te siente schiattare.

E se vuoie sapè cose cchiù ppesante,
 Ca chesto ch'aggio ditto non è nniente,
 Perchè ciert' aute passano cchiù nnante,
 S' aie voglia de gostare, ora mo siente;
 Chi dice ca descenne da Morgante,
 Chillo, che commatteva co li viente;

E chi ca l'antenate sò ddescise
 Da Priamo , da Ecoba , e d' Anchise.
 Ne' è chi non se vregogna , e dà a den-
 (tennere ,

Che da Numma Pompilio Romano
 Vene la streppa soia ; chi dà le ccennere
 D' Anca lo famosissimo Trojano :
 Chi da parte de Manma , ca da Vennere
 Songo ll' aute descise a mmano a mmano
 E mmill' aute pallune , e mmille cose
 Troppo brutte a ssentire , e stommacose.
 Chilli' auto ca descenne da Gradasso ,
 Chillo , ch' è de la streppa de Roggiere,
 Chi dice da no cierto gran Torcasso,
 N' auto derià d' Orlanno Cavaliere ;
 Ora che te me pare de sto schiasso ,
 Non crepa , chi non porta lo vrachiere ;
 Io frate quannò sento sti trascurze ,
 Pe te la dì , mme veneno li curze.
 Ciert' aute po s' aparano le ssale ,
 Conforme mm' hanno ditto li Petture,
 De Viscove , Prelate , e Ccardenale ,
 De Colonnelle , Principe , e Ssegnure ;
 Perchè trasenno llà quarch' anemale ,
 E ccontempranno attuorno le ffigure ,
 Penzarranno ca chillo , che le bede ,
 Che ss'ano l' Antenate suoie le crede.
 Ma li contemprative , quale stanno
 Sempe maie coll'aurecchie a le ppetose,

E hanno d'ogne ttiempo speionanno
 Tutte l'affare tuoie, tutte le cose;
 E ttanto vanno attuorno, nfi che ssanno
 Le ffaccenne cchiù inteme, e annascose,
 Diceno ca ssi quate sò accattate,

E c'a non furno maie de ll' antenate.
 Ed ecco non se parla cchiù d'Adammo,
 Non se parla cchiù d'Eva poverella;
 Ognuno creò ca se reputa nfammo
 Se vo dire, ch'è ffiglio a cchisto, o a
 (cchella.

Tutte quante de st' arvolo so rrammo,
 Donca, che sserve a ffa sta covarella,
 Fegna ogn'una, che bò nasconn'attappa,
 Tutte quante scennimmo da la zappa.

M. Non ce songo a li laghe tant'anguille,
 Manco tanta ranonchie a li pantane,
 Nè mmanco a li pascune tanta grille,
 Quant'a lo munno sò de sti baggiane:
 Se poriano contare a mmille, a mmille,
 Che Giagante vonn' essere, e so nnane;
 Nzomma nullo vo sta conform'è nnato,
 E bole ognuno fa lo trasformato.

Vo ll'apa diventà lo scarrafone,
 E lo puorco vo fa de l'armellino,
 L'aseno diventare vo leione,
 E ommo se vo fa lo baboio,
 L'asio se vo pe fforza fa paone,

La canesca passà vò pe ddarfinò;
 Siente ch'est'auto, e po passammo nnante,
 Lo pedocchio vol' essere alefante.

S' aie voglia de gostare, sta a ssentire
 Ste ppanzane assaie belle, e ccoriose,
 Che l'aggio co st' aurecchie nte-e dire
 E ffurno veramente assaie gostose;
 Io quanno le ntenniette, app' a stordire,
 Ca se non so boscìe, sò ffavolose,
 E cchesto, che te dico, è ccosa certa,
 Siente ca rieste co la cann' aperta.

Non saie ca pe sse curie se cova
 Spisso da chi non ha fuorze che ffare,
 E chi dice na vecchia, e cchi na nova,
 Pe ppassare lo timpo, e zanniare:
 Ognuno se contrasta n'uoocchio mprova,
 E ss'ente qualche bota squarciare,
 E ddicere pallune assaie ca hiù gruosse
 De chille, che se joca pe ssi fuosse.

Jette a ttrovà no juorno no notaro,
 Pe ccacciare na fede de stromiento,
 E ntenniette a la curia parlare
 Di chi sì, di chi sò, de nascemiento:
 Io mme mese a no pizzo ausolare,
 Pe ssentire, e ssapè lo fenemiento,
 Chist'erno c'ingo a fare sto remmore,
 Sienteme, ca so ccose de stopore.

Decea lo primmo, la schiattimma mia
 Da na cetà descenne de Neoricovia,
 Po pe la guerra ch'era Nvarvaria,
 Vavamo venne ncogneto a Mimoscovia;
 Da lo duca de llà na mmasciaria
 Le so ddata, e mmannatolo a Ppassovia,
 Po pe non sta cchiù llà, se nne foiette
 De notte tiempo, e a Nnapole venette.

Arrevato che ffuie a sto paese,
 Se fece ammico chillo rrè che nc'era,
 Eperchè ccreo ch'avea quarche ttornese,
 Spisso jocava co cchillo a ppremmiera;
 E ppo lo stisso ncapo de no mese
 Pe mmogliere le diè na cammarera,
 Che de bellezz'era na majestate,
 E nce facette figlie nquantetate.

N'auto da la saccocciola se caccia
 Na carta bregamena penta, e bella,
 Arravogliata co na carta straccia,
 Che a na vorza tenea, ch'era de pella,
 Co cchesta deva a ttutte l'autè caccia,
 E glica mostanno a ttutte quante chella
 Dove n'arvolo nc'era, e ttra le ffrunne
 Cierte nze gnale quate, e ccierte tunne.

E ddecea, chisto cca fu ssecretario
 Cient'anne arreto a lo rrè de Ngretterra,
 Chi'auto into lo guorfo de Canario
 Facette co lo Turco na gran guerra,

Chist'auto fu nemmico, e fu ccontrario
 Sempe de pace, e fu no Marte nterra,
 Massema co lo fodero tagliato,
 Ch'avarria Radamonte desfedato.

Lo tierzo disse la Jenimma mia
 Vene da chelle parte de levante,
 E ppatremo decea ch' a Schiavonia,
 Quann'era primmo, jevà a tutte nante;
 Po fu masto de campo a Llomnardia,
 E lo voleano bene tutte quante,
 E ffra ll' aute lo Duca de Melano
 Se lo portava sempe pe la mano.

Lo quarto responnìe, ca co Ddoncherchie
 Era stato a le guerre soprastante,
 E ca fu cammarata d'Alburcherchie,
 E Ccapetanio fu de mille nfante;
 Ca le spate stemava comm'a c. hierchie,
 (O cche bell' anemale è l'alesante)
 E ddecea, ca no quarto le mancava
 P' essere cavalier de Calatrava.

Lo reto responnette, non parlate,
 C'ha pparaggio a la mia songo freddure
 Le schiatte voste, e buie ve l'accacciate,
 Ca non ponno apparere pe screttture;
 Ma patremo ha pagato seie docate
 A ccierte, quale sò ccomposeture,
 E nce ha fflatto trovà co autoretate,
 A libbre nobelissime stampate.

Nuie de l' antiche cuonte de Provenza

Simmo venute Ntalia c' ha cient' anne,
E sfattase nfra l'loro la spartenza,
Duie frate, azzoè Ciccio, e Colaianne,
Ciccio de casa jette a sta n'Sciorenza,
L' auto jette, e benette a cciento banne,
E pp' utemo dapò gran pene, e guaje,
Venette a sta cetate, e sse nzoraje,

Io lo quale song' uso spaporare,
Nè ppozzo sti spreposete sentire,
Se non parlava, mme sentea crepare,
Perchè non era cosa da zoffrire;
Vuie cierto devit' essere crapare,
Da dove v' è benuto tant' ardire?
(Respose) chi ve sente, e cchi ve vede
Se non ve canoscesse, se lo ccrede.

E botatome nfaccie de lo primmo,
Ch' era tanto no piczzo d' ommenone,
Pe cquanto pozzo scernere, te stimmo,
Che tu singhe no gruosso anemalone;
Tu schitto creo, ca pe bocàno rimmo
Porrisse sta co ccinco a pparaone;
Vavoto lo sacc'io, morze l' autr'iere,
Ch' era fattore de no cavaliere.

A echill' auto, che ll' arvolo mostaje,
Mme lo fece mostare, n' auta vota;
E llegendno leggenno non trovaje
De la casata soia manco na jota:

Ma vistose comminto , mme zennije ,
 Azzò la cosa non facesse nota ,
 Lo quale , perchè stea co no signore ,
 Nce l'avea data pe la mannà fore .
 Perchè s'avea de fa no matremmonio
 Tra chillo co na Sdamma forastera ,
 Ma perchè nc'era poco patremmonio ,
 Lo zito jea cercanno fa premera ;
 Jea cercanno scialare co Ffavonio ,
 E pe nne la pescà , (de che sces'era ,
 Pe fa comme se sole quarche ttenta)
 Le mannava la carta bella penta .
 O nnoglie , o sanguenacce dove site ,
 (Disse a lo tierzo) o vuie trippa , e
 (pporrone ,
 Che ppe sse mmerciarie tiempo perdlite ,
 E non facite nnore a sto cestone ;
 Olà vuie merciajuole priesto aunite
 Tutte cheste , e ffacitene corone ,
 Ca chisto è beramente troppo digno
 De se le fa na statoa de ligno .
 A lo quarto votatome , decette ,
 Co ttutto ca portava la spatella ;
 Tu non si cchillo , quale te vedette .
 L'autri'iere appeccerà co no parrella ?
 Che ccorrere te fece le staffette ,
 Co mmostrarete schitto na jenella ,
 E creo pe ccierto ca se t'arrevava
 Lo quarto te faceva , che te mancava .

Co lo quinto me nc' appe appeccècare ,
 E nc' aviette a benì quase a le mmano,
 Ma se nce mese mmiezo lo Notare ,
 Qual' era de li meglio de Porchiano ,
 E disse a cchillo : via no cchiù pparlare,
 Ca no stammo a Sciorenza, nè a Mmelano,
 Tu vuoie trattare tutte da papute ,
 Ma nfina fatto simmo canosciute.

Frate , te si tu stisso sbregognato ,
 Attiso co la stessa vocca toja ,
 Senza avere la corda , aie confessato ,
 Senza puro vedè manco lo Boja ;
 N' aie ditto tu, ca patreto ha già dato
 Seie (che ssacc'io) docate , potta d'oia,
 Non saccio a cchi, che fa trovà stampato
 Pe' nnobele a chi maie se l'ha nsonnato.

So già nnote a lo Munno ste ffacenne,
 G'à se sanno da tutte ste ffreddure ,
 S' arreduceno tutte quante a brenne
 Npoco tiempo se stampe, e ste screttüre:
 Ntanta calametà so mmo le ppenne
 De Poiete , e dde povere scrittüre ,
 Che pe cquatto carrine, o poco cchiune
 Te fanno trovà ll'asene leune.

Io perchè lo Notare se nzorfaje ,
 Non puotte avè nè ffede, nè stromicnto,
 Ca n' era pe scompì manco pe ccraje,
 Nzomma pe te la di, n'aveva abbiento:

Da chillo na consurta le fo ddata ,
 (Ora nota si è bello lo penziere)
 E le disse , quann' è na cravaccata ,
 E tu compare comm' a Cavaliere ,
 Co na maneca bell' arragamata ,
 E ffatte na lebrera de staffiere ,
 Ca tanno saparrie se tu sì ffiglio
 De Leone , o de Ciervo, o de Coniglio.

Isso lo gnorantone lo ffacette
 Nne che benuta fuie l' occasione ,
 E priesto nguarnascione se mettette ,
 E boze fa la comparazione ;
 Ma quanno lo scurisso se credette
 Essere fuorze nato a pparaone
 Da no patre civile o cavaliere ,
 Se trovaie mulo , e ffiglio de staffiere.

M. Pco de chesto nce vò, cossì ntravene
 A chi non se misura, e non sta assiesto,
 A chi s' asurpa nzo, che non commene,
 Nè comm' a le devè vo sta modiesto;
 Pe lo Munno se sape male , e bene ,
 Chi se crede mpattà , perde lo riesto,
 Donca , chi vò appellare quarche canna,
 Che se misura co la MEZACANNA.

T. Mperrò da te desidero sapere ,
 S' a ttiempe tuoie sì stato coriuso ,
 Se t' è benuto ncapo sto penziere
 Fatte trovà pe nnasceta famuso ,

Pe lassà na memoria , e pe ppàrere
 Stampato a cquarche libro groluso ,
 Comme sè sole fa lo juorno d' oje ,
 Che de nobertà parla nfi a lo Boje.

M. No juorno , pe te dì la veretate ,
 Mme venette sta mala fantasia
 Da mme fa fare la natevetate ,
 Pe mme nformà de la Jenimma mia :
 Era trasuto ncoriosetate ,
 E mme nc' era già puosto pe la via ;
 Ma po cierte ntriche , e cierte guaje ,
 Lassaie la mpresa , e no la sequetaj :

T. Io puro de sapè dove scenneva
 La progenia mia reiale , e bera
 Coriuso , ca patremo deceva
 Ca era antica , nobele , e ffrostera ,
 Non aveva repuoso , e non dormeva
 Pe me levà da capo sta chiomera ,
 E ttanto fece , e tanto jette attuorno
 Nfi che n' appe notizia no juorno.

Scasaie tutte l' archivie pe ttrovare
 Quarcosa , e rrevotaie gran cartoscelle ,
 E spennenzo na frotta de denare ,
 Mme credette arrevà ncopp'a le stelle ?
 Non sapeva a la fina cchiù che ffare ,
 Nzomma mme nce votaie le cellevrelle ,
 Ma co l' ainto po de n' Antequario ,
 Trovaie chisto sollenne calannario.

Dapò na gran fatica , spese , e guaje ,
 È ccrepatoce cchiù de na settimana ,
 Varviere suie lo primmo che ttrovaie,
 Figlio de no ferraro , e na vammanna;
 Io quanno zzò bedette, mm'agghiaiaje,
 Ca mme parze na cosa troppo strana;
 Li nomme non trovaie, perchè scassate
 Steano le lettere pe l' antechetate.

Da sto varviere nne nascette Antuono ,
 Che fu no squesetissemmo Notare ,
 Ma pe non fare no stromiento buono,
 Jeze bello a le cconnole a bocare ,
 Da lo quale nne venne Giansemmuono,
 Che co lo zoffione n' avea pare ,
 Armaie neampagna n'anno, e nnove mise,
 Po isso , e tre compagne fuino mpise.
 Chisto fece duie figli , uno lo quale
 Mme pare a mme , che se chiammas-
 (se Dario ,
 Onmo muto aggarbato , e lleberale ,
 Che ccarcerato fu pe mmonetario ;
 Ma co l' aiuto de no cierto tale ,
 Gh' a la mmerza faceva lo calannario ,
 Se bè tre bote dinto nce ncappaje ,
 Libero scette , e non se nne parlaie.

Ma dapò pe ssecà no catenaccio
 A na poteca co na limma sorda ;
 Justo comme se fosse sanguinaggio ,

Appe a la Vecaria n' ora de corda ;
 Ma priesto confessaie pe scì da impaccio
 Ca ne' è quarchuno, che se l'allecorda,
 Po na matina ncommertazione
 Ascette co na museca d' attone.

L' auto mme creò, che se chiammasse
 (Franco ,

Qual' era n' ommo muto alletterato ,
 Che fu Menisto de no cierto banco ,
 Che l' avea mpizzo , e mmo mme sò
 (scordato :

Chist' otra ca facea polese 'n bianco ,
 No juorno nne zompaie no vernecato
 Varrò varro de doppie , e ffoiette ,
 Che perzò chillo banco nne fallette.

Da Franco nne nascì n' asciutta-votte ,
 Lo quale se chiammava Sapatino ,
 Ommo de ingiegno raro a ttutte botte,
 E speione pe ccierto muto fino ;
 Era dapò de cchiù sbirro de notte ,
 E pe ccinco dicinco , o no carrino
 Se nzammenava contra chi se sia ,
 O nCcammera, o nConsiglio, o nVecaria.

E non sapeva fare chesto schitto ,
 Ca nfra l' aute bertute tanta e ttante,
 Otra de chelle ppoco ch' aggio ditto ,
 Era n' azzellentissimo preggiente ;
 Cossì se trova registrato , e scritto

A li prociesse, e llibre de Mercante ;
 Nzomma po co la reto preggiaia
 Nn' ascette muorto da la Vecaria.

Sapatino facette Giallaiso ,
 Che co la spata nterra era no Marte ,
 Ma perchè se trovaie no cierto acciso ;
 Che ne' avea pe ddenare avuto parte ,
 Chisto pe cchesto puro nne fo impiso ,
 Conform a vidde scritto a ccierte ccarte
 De no prociesse antico antico antico ,
 Che mme lo confedaie no cieri' ammico .

Giallaise facette Col' Aniello ,
 Lo quale fu no gran Commediante ,
 Facea cchiù perzonaggie, e dda Coviello
 Non ce fu chi le mese pede nnante ;
 Da chisto ecà nascette Menechiello ,
 Che fu no famosissimo Mercante ,
 Ma perchè prattecaie co na perzona ,
 Fece secretamente zita-bona .

Aveva Menechiello n' aute frate ,
 Quale stette nVenezia pe ppaggio ,
 E ffatt' ommo , venette a sta Cetate ,
 Quale fu no famoso perzonaggio ;
 Chisto ecà mese juoco a li Nearnate ,
 E rresci giocatore d' avvantaggio ;
 Ma perchè de natura era bezzarra ,
 Se fece appriesso sbirro de modarra .

Chisto ccà se chiammava Menecone,
 E ffece quatto figlie assaie sapute,
 Fonzo, Rienzo, Michillo, e l'france-
 (scone,
 Tutte chine nfi a ll' uocchie de vertute:
 Vi ca nce so cchiù mò de ste pperzone,
 Uommene buone addove site jute,
 Ca de quanta sò state, songo, e fforo
 No nce sarranno cchiù de pare lloro.
 Fonzo ngalera mmita connannato
 Fo pe no furto grosso muto brutto,
 E fu da tutte quante abbannonato,
 Ca se lo voze sulo magnà tutto;
 Lo retratto a la casa nc'è rrestato,
 Dove nce stace chisto bello mutto,
 Scritto co lettere a mmuode de SI LOCA.
Chi sulo vò magnà, sulo s' affoca.
 Rienzo sciuto da scola, la sottana
 Se mese, e po mutaie de fantasia,
 E ffattose Speione a la Doana,
 Fece non saccio che frabbottaria;
 Chisto so nguadiaie na Cortesciana,
 Che p'isso revotaie la Segnoria:
 Nfi a ttanto, comme dice lo quatierno,
 Fu mmannato a Ccornito pe ccovierno.
 Pe mmidia de chisto po Michillo
 Se nzoraie co na sdamma a li Quartiere,
 E nce fece no bello mascolillo,

Che no figlio pareva de Cavaliere ,
 E le mettette nomme Don Cardillo ,
 Che fflu Ssordato a Ccavallo leggiere ,
 E ffacette a le gguerre quarche pprova ,
 Ma non se nne potette avè maie nova.

Da Francescone nne venette Fonzo ,
 Che ffacette Vannella , Cecca , e Ttenza ,
 E Ppetracchio , ch' all' Isola de Ponzo
 Fu aseleiato , perchè ghica de renza ;
 Appriesso a cchiste po facette Ronzo ,
 Lo quale se nzoraie dinto Cosenza ;
 Tenza de cheste ttre fu cchiù nnorata ,
 Ll' aut' appero na mala nnommenata.

Petracchio già morette a cchillo scuoglio
 Pe non avè denare , nè ffaore ;
 Vannella nziemo co no casedduoglio ,
 E Ccecca co no Sbirro ierno fore.

Io non te saccio a ddicere lo mbruoglio ,
 Sia che se sia , la corpa fu d'Ammore ,
 Ma Tenza pe ffa nnore a li pariente ;
 Jette zompanno pe ss' alloggiamiente.

Ronzo po fece Micco , Pippo , e Nnardo ,
 Quale menaie na vita assaie felice ,
 Eran' omiño robusto , auto , e ggagliardo
 Pe cchello che la storia nne dice :
 Se volette nzorà no poco a ttardo
 Pe golio de fa figlie , ma l' ammice

D'anemo genneruso, e li vecine
Le fecero fa figlie naina fine.

Sì sì, mm' era de Pizio scordato,
Ch'era frate carnale a Mmenecone;
Ora vedite comme sò sciaurato,
Mo ntanto lo faccia lo sbareione;
Chisto ccà no gran tiempo fu ssordato,
E stette de presidio a Llengone,
Dove fatta na truffa se nne venne,
E co' cchella da Conte se mantenne.
Po s' affettaie no cierto arrennamento,
E ddeventaie no gra nnegozianta,
Co lo dudece, e quinnece pe cciento,
Comme se sole fare tra mercante;
Ma nne che ntese freccerà lo viento.
Contra, se reteraie co li contante,
E fflatto no fardiello d'ogne ccosa,
Se schiaffaie bello dintò la santosa.
Llà stette a spasso cierte poco mise,
E na vita menaie troppo felice,
Banchetteianno, e llegendno l'avise,
E rrennovava comm' a la fenice:
Li denare non tutte se le spise,
Ca nne facette parte a mmille ammicce,
Nzomma po s'accordaie commuto gusto,
Ca non fallestce maie chi sparte justo.
De Pizio tre figlie nne restaro,
Ummene tutte tre de gran valore,

Micco , zoè , de ngiegno muto raro ,
E Nnardo , ommo de pietto , e de gran
(core ,
E Ppippo pe bertute troppo chiaro ,
Che cchiù de tutte se facette nnore ,
Ed è la veretate , e n'è ffreddura ,
Ca nfi oie la memmoria nne dura .

Faceva se no mbroglie, e ccontrabanne,
 E ttanta nne facette, che no juorno
 Venne nova ca mpiso fu a Lleguorno.
 Pippo sapeva d' abbeco squesito,
 E scrivea co cchiù ppenne p'accellenzia,
 E co no temperino assaie polito
 Sapea dare a le lettere la scaienza;
 Pe cchesto sette vote fuie nquesito,
 Ma fu ssempe aiutato co ppotenzia;
 A ll' utemo zompaie no bello fuosso,
 Perchè pprotietto fu da n'ommo gruosso.
 Da Pippo, Mico e Ttonno nne nascette
 E Peppo, e Cicco, e Mimmo, e Fian-
 (ceschiello,
 E po na figlia femmena facette,
 Che la masarda fu d'ogne bordiello:
 Mico avette li butte, e le sdanghette,
 E cchiù bote provaie lo foneciello,
 Perch' era no solenne malandrino,
 E n' ommo t' accedea pe no carrino.
 Peppo se deze a ffa lo spata e ccappa,
 E ffaie lo Rrè de la bagianaria,
 Nè se veddea lo Munnocchiù grantappa,
 Chino nfi ncanna d'ogne guittaria;
 Deventaie famosissimo de ciappa
 Sopra de l' amorosa ammasciaria,
 Ma po pe ffa non saccio che ccorrivo,
 Le fu ffatta la facce comm' a crivo.

Cicco era na perzòna assaie descrita,
 Quale ll' arte facea de Micalasso,
 Ma na facce cchiù ttosta avea de preta,
 E boleva campare da smargiasso;
 Chisto dinto a na folla co ddoie deta
 Faceva cchiù d'Orlanno, e dde Gradasso;
 Nzomma tanta nne fece, azzò che ssacce,
 Pe nfi che ghiette oo na cappa nfacce.

Lo Mimmo fu Scrévano cammarale,
 Justo comme song'io, ma cchiù gnorante,
 Mperrò co ttutto ch'era n' anemale,
 Appe ajuto e ffavore, e ppassaie nnante,
 Attiso avea pe stinto natorale
 Na vertù, che no ll'hanno tutte quante,
 E cchi ll' ave, e la sape aserzetare,
 Arriva a quanto pò ddesederare.

Da chisto Mimmo patremo nascette,
 E ffece a mme sto piczzo de cetrulo,
 Nziemmo eo n'auto frate, che mmorette
 De male neanna, quann'era fegliulo;
 E cca la descennenzia scompette,
 E rrengrazio Ddio, se non sò mmulo,
 E sse sò sfortunato, e ssò scontente,
 Corpa nc'ha quarch'ammico scanoscente.

Vive nce sò dde patremo duie frate
 Conzoprine, zoè Suosso, e Nnatale,
 Da la Fortuna troppo trapazzate,
 Perrò ggente non sò de tre bonale;

Uno attenne a li campe co l' arate ,
 E ll' auto , se no sgarro , è batecale ,
 Quale p' essere nate a tale punto ,
 Maie patremo de chiste fece cunto.

Lasso li Tavernare , e li Chianchiere ,
 Lasso li Caseduoglio , e ll' Ogliarare ,
 E ttanta e ttanta ggente de mestiere ,
 Che n' anno nce vorria pe le ccontare:
 Lasso da banna sta li Panettiere ,
 E dde cchiù sciorte tanta Potecare ,
 Che se contà volesse a uno a uno ,
 La storia sarria de Lionbruno.

M. O che bella , e ffamosa descennenzia ,
 Potta d' aguanno , e comme va squesita ,
 Va de truono , de sisco , p' accellenzia
 Non se pò fa cchiù bella , e cchiù ppolita ;
 Ma n' auta cosa (Titta agge pacienza)
 Vorria sapere , ca mme daie la vita ,
 Perchè te sì scordato chesto schitto ,
 Patreto , di chi fu , ca no ll' aie ditto.

T. Patremo se smauteva pe Ddottore ,
 E dda tutto pe ttale era ste nmato ,
 Perch' era n' azzellente parlatore ,
 E ppe li trebonale accredetato :
 Spogliava no prociesso fra doie ore ,
 E ttanto granne , e gruosso fosse stato ,
 Otra ca po faccia n' aut' azzione ,
 Maie lo tornava , se non ghiea presone.

E ssapeva de cchiù legge trovare ,
 Che nne neacava Bartolo, e Ghiasone ,
 Azzò nesciuno potesse pagare ,
 Se bè doveva dà no melione :
 Autro no lo vedive stodiare ,
 Se non che Auture de sta penione ;
 Nnzomma à la casa soia maie credeture
 Nce vedive , ma sempe debbeture.

De Patremo ste bone qualetate
 Da lo sàcro conziglio canosciute ,
 Furno comme se deve premmate ,
 Ca fa che buò , pur' erano vertute ;
 Mille preciette le furno ntemate ,
 Perrò da isso maie furn' obbedute ;
 Pe nfi che no decreto appe finale ,
 Che n' accostasse cchiù a li Trebonale.

Isso po , perch' era ommo alletterato ,
 Le venette crapiccio de stampare
 No cierto famosissimo trattato ,
 Zoè ch' ogn' uno potesse pegliare :
 Ma pò non sulo ca fo rreprobato ,
 L' Aspierte lo facettero abbruciare ,
 Attiso a lo spreposeto parlava ,
 Ca la conzoetudene abbastava.

Po se ntrecaille co cciert' Arrennamiente ,
 Che dde se fa Barone se penzaje ,
 Ncompagnia de ciert' uommene potente ,
 Credenno de se fare ricco assaje ;

M. De ssa Jenimma tanto groliosa
 Desidero sapè qual'è la mpresa,
 Perchè besogna, che ssia coriosa,
 Ment'è da streppa simmele descesa;
 Previta toia dimmene quarcosa,
 Già che la desceunenzia aggio ntesa,
 E ssi aiè seta, e ttu vive n' auto surzo,
 Ca co cchesto scompimmo sto trascurzo.

T. S' autro non vuoie de chesto, si a cca-
 (vallo,
 Ca senza penzamiento te lo ddico,
 E n' aiè paura ca mme truove nfallo,
 Ca parlo schettamente co l' ammico;
 No mazzo de fasule ncampo giallo
 E' dde la casa mia seggillo antico,
 Dove ne' è no cartiello co sto mutto:
Sta semmenta trovà se pò pe ttutto.
 Ma chello ch' aggio ditto poco jova,
 Ca lo pparlare senza sonnamiento,
 Senza nulla raggione, e nnulla prova,
 Songo parole jettate a lo viento;
 E pperchè chesta mpresa è ccosa nova,
 Che non s'è bista maie ntra mille, e
 (cciento,;
 E ppe te dà comprita sfazione,
 Te nn' assegno de chella la ragione.
 Vavone aveca na teria a le ppadule,
 Che dde zò che ffaceva semmenare,

O che ococozze fossero, o cetrule,
 Maie la semmenta nne vedea sguigliare;
 Ma quando semmenà facea fasule,
 Nne recogliea pe hennere, e ddonare,
 E tte dico lo vero, non te nganno,
 Nn'avea pe isso, e p'autre tutto ll'anno.
 Non pozzo cchiù pparlà, ca sò abbrocato,
 E sseccate mme sò li cannarune,
 Mme sent' arza la lengua, e lo palato,
 Che ppare che mmagnatoaggia scorzune;
 E pperzò dammo fine a sto trattato,
 Co ttutto che da dì nce sarria cchiune,
 Masillo, addio, covernate, mme parto,
 Ca craie parlammo de lo Parmo Quarto,

SCOMPETURA DE LO TIERZO PARMO.

PARMO IV.

TRASCURZO TRA TITTA , E
MASILLO.

T. **O** potta d'oiè , e comme sta confusa
 Sta mente, e de penziere assaie ntrecata,
 Apollo mio sta vota , e tu mme scusa,
 Ca mme sonno ca faccio na fieltata ,
 Se no mm' aiuta soreta la Musa
 A sbroglià sta matassa mpeccicata,
 Cierto mperfetta restarrà la tela ,
 Perrò mme scuso , e sserva pe ccautela.
 Ma io mmeretarria no gran cavallo ,
 Benaggia quanno maie nne fu pparola,
 Perchè da Ciuccio diventà Cavallo
 Voze , ddeventà Cigno essenno Cola ;
 Musa , tu mme nc'aie puosto a chist'ab-
 (ballo ,
 Tu ntanto accorda , e ssona la viola ,
 Ca se no (te lo ddico tunno , e cchiatto)
 Straccio, abbruscio, e pezzio quant'ag-
 (gio fatto.
 *

Mancavatenne a Nnapole Poieto

D'ogne connezione , ogne ccarata ,
 Ch' arraggiano , e stann' arze de la sete,
 P' auzare voce , e avè na nnommenata;
 A mme steano stèpate ste cchianete ,
 Schitto pe mme stea spasa sta colata ;
 Pacienza : pe sta vota io mme sto zitto,
 E ssi nce ncappo cchiù sò no gran guitto.
 Pecchè non ghiste a ochiavare de pietto ,
 Ed a ttrovare gente cchiù sciamprate,
 C' hanno de me cchiù stodiato, e llietto,
 C' hanno huon tempo , e campano de
 (ntrate ;
 A cchisti ccà devive dà st' apprietto ,
 Che Poieto vonn' essere chiammate ,
 A cchiste fe cantà sta MEZACANNA,
 N' a mme , che sto de guaie chino nsi
 (ncanna.

Maie non appe pe mme sta frenesia
 De fa lo Poeticchio , e dee cantare ,
 Maie appe sto penziere 'n mente mia ,
 Fuorze ca non avev' auto che ffare ?
 Agge chiajete nConsiglio, e nVecaria ,
 E chi mme deve dà , me fa ccrepare,
 E ppo quann' aie quarcosa o criepe, o
 (schiatte
 Resta miezo a Screyane, e a Mmastedatte.

N'aggio pagato ancora lo pesone ,
 Ll' aute zzelle mettimmole da banna ,
 Ad ora ad ora stò pe ghi presone ,
 Ca sopra tutto chesto assaie mm'affanna ;
 E ttu sempe mme faie lo tordeglione ,
 E mmo mme fruscie co sta Mezacanna ,
 Vedimmo se dapò sett' anne, e mmise ,
 D' utele mme sarrà cinco tornise.

Chesto non sarria niente , se non fosse ,
 Ca dapò che mme sono arreventato ,
 E ccrepatome ll'arma dint' a ll' osse ,
 Sarraggio da cchiù d' uno sennecato ;
 Perchè non aggio ditto nos , e bosse ,
 Da tutte a ddito sarraggio mostato ,
 E starraggio a le bucce de Pedante ,
 De chi se sente punto , e de gnorante.

M. Benaggia quanno maienon te lammiente ,
 Potta de mene, e comme sì cchiaitante ,
 Ched' aie , ched' è , che mmaie non te
 (contiente ,

Aie perduto lo chiaieto, o li contante :
 Avisse fuorze dolore de diente ,
 O puro aiequarche sfigliomuorto nnante ;
 Scumpela, no cchiù mò, scumpela frate ,
 Ca mettarrisce a ffuoco na Cetate.

Ave che t' ausoleio cchiù de mez' ora ,
 E t' aggio ntiso bravo sbattagliare ,
 E se mò non venea, mme creo ch'ancora

A lo mmeaglio starrisse d' arragliare ;
 Che d'aie, dimme quarcosa, iesce cca flora,
 Dimme, ca puoie co mmico spapurare ;
 Ette accurzo quarcosa, dì, spapura,
 Ca io sò cca pe tte, n' avè paura.

T. Se vuoie sàpere chello ch'aggio ditto,
 Senza che te lo ddica, videtello,
 Ca decenno decenno ll'aggio scritto,
 Perrò se te piace lieggetello ;
 Ntra tanto m'arreposo, e mme sto zitto,
 Ca mme sento votà lo cellevriello
 Schitto penzanno comm'aggio da fare,
 E dda che ccapo voglio accommenzare.

M. Aggio leggiuto, e ntiso no lamiento,
 Ma co cchi te la piglie, co cchi ll'aje?
 Figlio mio, tu contraste co lo viento,
 A cchi vorria sapè cunte sti guaje?
 La Musa, che t' ha fatto? Ahilà st' at-

(tiento,

Non te nne lammentà, vide che ffaje:
 Dove tu mmeretaste tanto Nnore
 Commerzare co Apollo, e cco le Ssore?
Chisto è stato favore segnalato,
 Ch'a cchiù d'ogn'auto, a tte fare ha boluto
 Apollo; e quanno maie te l'aie sonnato
 Essere de sto muodo fauresciuto:
 Ne' è ommo fuorze ch'avarria pagato
 Mille docate, e avè sto ppo d'ajuto,

Zoè sso bello stile , e ssi penziere :
 Va ca non te nne ntienne, e ssi sommiere.
 N' opera che sarrà cierto laudata
 Da chi ha trascurzo, se n' è nzallanuto;
 N' opera , che da tutte sarrà ammata,
 E nne sarraie pe cchesta benvoluto ,
 Tu cante, e ocunte na verdà specchiata,
 No fatto, che da nullo s' è ssentuto ,
 E gualie, e strille, e sbatte, e tte lamiente,
 Nè de tanta faure te contiente.
 Nè de sennecamiente avè paura ,
 De Zoiele , e Mmome , e gente scia-
 (lacquate ,
 Ma dille che te facciano na cura ,
 Ca la Luna no stima l' abbaiate :
 Vò lo devè ch' ognuno se misura ,
 Ca la misura è dde necessetate ,
 E pe ccierto sarria na cosa bona
 Quanno se mesorasse ogne pperzona.
 Attiso quanno chesto se facesse ,
 No nce sarriano tanta fauzarie ,
 E non se sentarriano tant acciesse ,
 E mmanco tanta , e ttanta guittarie ;
 Non ce sarriano chiaiete , nè pprociesse,
 Non ce sarrianno sdigne , e gelosie ,
 Nè mmanco nce sarria necessetate ,
 Manco tanta meserie , e ppovetate.
 Chiappe non ce sarriano, nè mmanare
 Nè asilie , nè ffruste , nè ggalere ,

Se l' ommo se sapesse meserare ,
 E bolesse asservare lo ddevere ,
 Se porriano le ccarcere serrare ,
 E li sbirre farriano le corriere ,
 E Cciannetiello , e li compagne suoje
 Porriano ì a guardà pecore , e buoje.

T. Te ll'aggio ditto, e tte lo torno a ddne,
 Ca upa cosa schitto mme da mpaccio,
 Ca se bè aggio voglia da scompire ,
 Ma lo capo trovà schitto non saccio ;
 Ecco sò pprunto ccà pe t' obbedire ,
 E equanto mme commanne, tanto faccio ;
 Ntratanto va penzanno, io puro penzo,
 Po zenna schitto, e ssubeto accominanzo.

M. Dissero buono affe cierte sacciente
 De ll' arte de chianchiere, e crapettare,
 E cerco che fosser' uommene valiente ,
 Ca la coda è cchiù forte a scortecare:
 Stammo a sto reto parmo donc'attiente,
 Azzò nullo nce pozza sennecare ,
 Ca tanno porta ll' opera corona ,
 Quanno la fine, o scompetura , è bona.

Veramente io canosco ch'è no mbruoglio
 Sto reto Parmo , attiso è na nzalata
 De mille mmesche , che nce vò gran
 (uoglio ,
 E stare attiento che non sia salata ,
 Perrò sperammo soperà sto scuoglio ,

Perchè mme s'è la mente sollevata ;
 Donca se pare a tte , mme creò , che
 (ppuozze

Dicere , e ncommenzà da le ccarrozze .

T. Se potesse , de manco nne farria ,
 Ca nne so sciute tanta quantetate ,
 Ca p' ogne bico , strata , e p' ogne bia
 Non ne truov' una , ma le mmigliarat ;
 Perch' ogne scorta d'ommo , arrassosia ,
 Vò sta co la carrozza ngravetate ,
 Nfrutto ognuno mme pare , che se crede ,
 Che sia na gran bregognia ire a ppede .

E. ba pe no servizio de pressa ,
 E bi se puoie dà fitte quatto passe ,
 Llà truove na carrozza , che se cessa ,
 N' auta te corre appriesso , e ffa fra-
 (casse ;
 Passe cchiù nante e truove , na galesa ,
 Nè sserve ca te scanze , o ca t' arrasse ,
 Perchè sò ttanto longhe , e sconzertate ,
 Che mme pareno affè liette perciate .

M. Non te puoie sgoleià de ire a fieste ,
 Ca se si aucicello manco puoie sperciare ,
 Subeto trove le ccarrozze leste ,
 Che ssucuro no passo non puoie dare ;
 Tanta sciute nne sò dapò la peste ,
 Che te fanno la vista annovolare ,
 E nce sarrà de cch ù quarch' arma arma
 Che non ha che mmagnare , e sse l'affritta

T. Io le Ccarrozze le ppermettarria
 A Mmeniste, a Ddotture, a Ccavaliere;
 Ed a ccierte che sò de Vecaria,
 A chi ll'ave ab-antico; e non da iere:
 Ad ognun'auto le proiebberrìa,
 E le ffarria trottà comm'a Ccorriere;
 Perchè si se facesse de sto muodo,
 Nce sarria la sostanza, e no lo vruodo.

M. Titta a pparaggio mio tu sì flegliulo,
 Ma m'allecòrdo buono a ttiempo mio.
 Vedere bello a ccavallo a no Mulo,
 Quarch'ommo buono senza vezzarria:
 Isso co no crejato sulo sulo
 Pe la Cetà senza baggianaria.

Mo chi da la Carrozza n'è tterato;
 Se tene comme fosse sbregognato.
 Se credono co ffa sta dimostranza
 Fare lo Rodamonte, e lo Gradasso;
 Ma quanno vaie cercanno la sostanza
 Co ccierte tale, trovarraie lo scasso:
 Chillo, che tu te cride Carlo nFranza,
 Quanto, che d'è, che d'è, siente lo
 (schiasso;

E l'oro vedarraie diventà chiummo,
 E ttutte ll'autre ccose viento, e ffummo.
 Perchè po vide na motazione,
 Squagliare la carrozza, e lo cocchiere.
 Le minule, o li cavalle a lo Pascone,

È se ne' era , non truove lo staffiere ;
 E co na bella gradoazione ,
 Resta comm' a bacile de Varviere ,
 Quannò puro non vanno a lo trommetta
 Le rrobbe , e rrestarrà la casa netta.
 Dì a cchillo ; o tu che ttire co li diente
 La Carrozza , ed aie quatto o cinco figlie,
 E ttutto te lammicche, criepe, e stiente,
 E ttutto t' ammoine, e t' assottiglie ,
 Mantenere la vuoie , se bè n' aie niente,
 E binne, e mpigne, e faie, mpromiette,
 (e piglie ,
 Zappe ccà , zelle llà , mbrogia , sciar-
 (voglia ,
 Mantenere la vuoie , sia che se voglia.
 Donca che nne vuoie fare de stò sfarzo,
 Mente non aie sostanza , nè fforza ,
 E staie de Troia cchiù destrutto , ed
 (arzo ,
 E mmagne li lupine co la scorza ;
 Ntrate non avarraie , lo tiempo è scarzo,
 Vide, ca faie dell' ascno la corza ,
 Mesurate , apre ll' uocchie , statte as-
 (siesto ,
 Vi ch'è cchiù la vregogna, che lo riesto.
 T. Se la leva è bregogna , ca derria
 Lo Munno; ecco c' ha posta la Carrozza
 Te quatto juorne , o che bregognaria,
 La Mez. Tom. II. 2.

Mmme creò, che mmantenere no la pozza:
 Eccote ca fatt' ha na vrennaria ,
 N' ha avuto troppo sale a la cocozza ,
 Deciarià fra se stisso nzallanuto ,
 Mo Napole derrà ca sò falluto.
 Napole assaie se pasce d'apparenza ,
 Nè se cura vedere la sostanza ,
 Ca dà subeto facele credenza
 A chi tene carrozza , tuba , e ppanza,
 Singhe no Sagliemmanco, aggie presenza,
 Ntosciate quanto puoie, vieste a l'osanza,
 Perchè se bè non saie la Santa-Croce,
 Auzarraie grido, nomme, famma, e bocce.
 Attiso ca lo Munno corre dovè
 Vede vane apparenze , e ccose ombrate,
 Ammico sempemaie de cose nove ,
 Nè scerne la boscia da la verdate ;
 Canosce schitto quanno trona, e chiove,
 Ca tanno sò li tiempe ntrovolate ,
 Ma quanno fa la Luna, e ffa l'aggrisse,
 Che lo ccanosca , poco sò de chisse.
 Se vuoie acquestà nomme d' Avvocato
 Premmario , o de Miedeco squesito ,
 Se non aie la carrozza , sì barato ,
 Te lo puoie fa passare st' appetito :
 Singhe puro famuso , e alletterato ,
 Se non aie chella , sì no spil' acito ,
 Ccà non nce vonno auture, nè ssentenze,
 Perchè se vede co ll' asperienze.

Se vuoie ammenestrà na corazia ,
 Dove senza fatica nn' aie lo gruppo ,
 Se vuoie aserzetare na Mastria ,
 Dove puoie ì de ntacco, e ghì de ntuppo,
 Se non aie la carrozza , non faie cria,
 La Fortuna pe ttè non porta tuppo ;
 Oie se stima , e cconsidera lo sterno,
 Cossì bà , cossì hò ll' uso modierno.

Se vuoie fare na bona parentezza
 Miette seie mise nnante la carrozza ,
 Ca se bè fusse no caccia-monnezza ,
 Sarraie tenuto pe lo Conte Strozza ;
 Se vuoie fa qualche ccompra co pprestez-
 (za ,
 Senza penzare ognuno nce sommozza,
 Se vuoie fa mercanzie , vuoie trasì a
 (pparte ,

Non nc' è de la carrozza cchiù bell'ante.

Se vuoie esse tenuto pe Barone ,
 E non avisse manco no pagliaro ,
 Ca fusse comm' a ddì , no spelleccchiòne,
 Che non avisse manco n' aurenaro ;
 Aie la carrozza , e ssiasc no scassone,
 Perchè te reveresce ogne ccraparo ,
 Ca lo gnorante ch' è de sinno scarzo,
 Reveresce no Voie , se v' a co sfarzo.

Se vuoie trattà negozie mportante ,
 O volisse affettare arrennamiente ,

Se vuoie negoziare co Mmercante ,
 Aie la carrozza, se nò non faie niente ;
 Cocchesta oie ll'ommo pò passà nnenante,
 Se be sta co lo spireto a li diente ,
 E cquanno non servesse p'auto affare,
 Ammice te puoie fa co la mprestare.

T. Ma penzanno a na cosa n'aggio ab-
 (biento ,

Comme n' ommo se pozza mantenere
 Co la carrozza , e ll' auto fornemiento,
 Quanno non ha la forza, e lo potere ;
 Uno ha dociento, e spenne cincociento ,
 Sta cosa comme va varria sapere ;
 Se saie d'abbaco buono fa sto cunto,
 E po sacceme a ddì se vatte appunto.

M. Sette nne vò lo mese lo Cocchiere ,
 Che so ddocate ottantaquatto ll' anno ,
 De paglia, d'uorgio, e dd'erva volentiere,
 Giento vinte docate nce jarranno ,
 Pe cchello che nce vole a lo mestiere
 D'acconciare, vint' aute nce nne vanno,
 Ed eccote lo cunto ll'aggio fatto ,
 So ddocate dociente vinte quatto.

Nce sarrà po lo schiavo, e lo staffiere ,
 No poca de commedie , e sforgiare ,
 Pe bolere a la granne comparere ,
 E nce sarrà no poco de giocare ?
 E lo sfuorgio , che bole la moglie, e ,

spesa, che nce vo pe lo mmaguare ,
 spunneme , pe cquanto mme vuoie

(bene ,

Chest' auto , che nce vò, da dove vene?

M. Titta, non parlà cchiù; ca t'aggio ntiso,
 E se non te responno aggie pacienza,
 Ca se bè voglio, affè non pozzo, attiso ,
 Frate no mme l' addita la coscienza,
 Otra ca se responno , craie so mpiso,
 Ma perdona perzò vost' accellenzia ,
 Titta mio, vota suoglio , parla d' auto,
 Ca n'è ccosa pe nnuie. de fa sto sauto.

T. Ne'è pò chi pe ddà gusto a la moglie,
 L' ha da tenere, anche le crepa ll'arma,
 Ca se no chella sempe fa la fera ,
 Ne vò sapè se pò portà sta sarma.
 Vò che la tenga , e se venna ngalera,
 Nè ho sapè s'è mmaro gruosso, o carma,
 Vo ire sbordelleianno vò ì a spasso ,
 Manco pe gghire a mmissa vo dà passo.

Che perzò vide tanta carrozzate

De ste maddamme segnure sarvagie,
 A li passiggi , comm' a ttetolate ,
 Dove siente parlà de cchiù languaggie ;
 Se piccano ca songo corteggiate ,
 Se bè non hanno serveture, e ppaggie ,
 Ca quarche bota schitto lo Cocchiere
 E ppaggio secretario , e staffiere.

*

M. O se lo cellevriello te paresse
Schitto quant' a no funno de valanza,
E se chi non te sa te canoscesse,
Te sarria fatta quarche ddemostranza:
Ma via passammuncenne a le Galesse,
Ca puro è no gran punto de importanza:
Trascurrene no poco, stance attiento,
Perchè nce vò chist' auto avertemiento.

T. Avea penzato de no nne parlare
De ste Galesse, e dde sti carrozzine,
Periò de manco non se ne po ffare,
Ca rodere mme sento le stentine;
Abbesogna sciatà pe non crepare,
O sta nforchiato dintò a le ccantine,
Ca pe ddinto nce vanno cierte Cole,
Degne pe ccierto de le ccarriole.

Chesta scena pe ccierto nce mancava ,
 Pe ffa gustare , e rridere a quarcuno ,
 Autro s'iarzo da vero non restava ,
 Azzò facesse de lo granue ogn' uso ,
 Azzò ch' ogni scemenchia , ogni ppac-
 (chiano
 Pe la Cetà facesse lo baggiano.

M. Cierte pareno justo parasole ,
E ccierte longhe longhe , sconzertate;
Cierte altre songo comm' a ccarriole ,
Bone pe strascenà ciunche, e ppenate ;
E ccerte nce nne sò comin' a gaiole ,
Io non saccio pemme chi l ha mumentate,

Da dove so benute cheste ffogge ,
 Dimmello, se lo ssaie, benaggia d'ogge.

T. Furno, mme pare a mme, cierte Segnure,
 Che da Romma le ffecero venire.
 Appriesso li Mercante , e li Dotture
 Nfra poco tiempo nce vedette ascire ;
 E po a lo reto nfi a li Tesselature ,
 E ttant'auta mmarmaglia appero ardire,
 Senza misura, e ssenza MEZACANNE,
 Ghì facenno pe Nnapole lo zanne.

M. Ire co la Galessa n' Artesciano ,
 Eie , pe te la dî , no vetoperio ,
 E si è ommo cevile, e ss'è Screvano ,
 Ire pe la Cetate è no improprio ,
 S'è ommo de mestiere, s'è ppacchiano ,
 Tann'è no sfacciatissimo streverio ,
Et probatur hoc etiam per textum ,
Nam non omne, quod licet est honestum.

T. Ma vedere no Miedeco , o Dottore ,
 O quarch' autra perzona coriale ,
 Fare pe la Cetà lo bell' omore ,
 A mme non me piace manco sale ;
 Nè sserve a ddire chillo llà va fore
 A equarche massaria, terra, o casale ,
 Che d'è ce va pe nfi a le Pporte a
 (ppede ,
 Ca non è smorfiato da chi vede.

M. Io non nce vorria ire no momento ,
 Io pe mme meglio mme jarria frostanno ,

Meglio jarria foienno a Beneviento ,
 Che acquistare no titolo de Zanne ,
 Attiso lo sacc' io chello che ssento
 De ste Galesse, e mmassema po quanne
 Chi nce va non so ggente appropriate ,
 Meglio sarria se fossero frostate.

T. Passava iere pe Ssioggio de Nido ,
 Jenno pe no servizio de pressa ,
 Ntese no strelletorio , e no grido ,
 Perchè a ttiempo passava na Galessa;
 Io sempe che nce penzo mmc ne rido,
 Perchè dintò nce jea no sbruffa-allessa,
 Ma chello che ddecettero le ggente ,
 No lo ddico, ch'è brutto a cchi lo ssente.

M. O se mo fosse vivo lo Petrarca ,
 Che ccantaie de li Carre Tricionfale ,
 Zoè d' Ammore , Castetate , e Pparca,
 Terate da cchiù scioite d' anemale ;
 O de quarche carretta de Monarca ,
 E mmo se chiste liette de spetale
 Vedesse , creò pe ccierto ca derria ,
 Chist'è lo carro de la guittaria.

O puro fosse vivo chill' Ammico ,
 Che se faceva chiammare Sencero ,
 Lo nuosto patriota tant' antico ,
 Che ssempe solca dicere lo vero ;
 Chi no lo sà , lo Sanazzaro dico ,
 Mo Napole derria ca va no zero ,

Mo creò ca deciarrìa , Napole scura ;
E comme puoie campà senza misura.

T. A chi è uso tenere la carrozza ,
Zoè da tiempo antico , e no d' aiere ,
Mme pare che ssia liceto, e che ppozza
La galesa , o lo chilleto tenere ;
Ma che po no ooviello , o no scatozza
Vo co cchella passà pe Ccavaliere ,
Piglia la MEZACANNA , e sse misura ,
Ca la corza dell' Aseno non dura.

M. A ll' ora bona via siano concesse
A cchi non se misura nzò che bole ,
A mmille a mmille Carrozze, e Galesse,
Carrette , Carrettune , e Carriole :
Frate , non nne parlammo cchiù de
() chesse ,
Stepammo p' aute ccose le pparole ,
Perchè nce assaie che ddicere , mme
(pare ,
De chi fa cchiù de chello che ppò fare.

T. N' autro ch' avarrà fuorze seie docate ,
O sette , o otto che ssiano lo mese ,
Co mmogliere, e ca ffiglie nquantetate ,
E no la cede manco a no Marchese ;
Sta ch' ogni sciorte de commodetate ,
Nè cconform' a lo ntroito so de spese ,
Ca de neve, e dde frutte, s'è de stata ,
Non vasta quatto juorne la mesata.

E pò, cierte sconquassa Trebonale ,
 Che comm'a pprete pòmmece stann'arze ,
 Ed assaie cchiù de me senza pedale ,
 E de quarch' auta cosa stanno scarze ;
 Li quale vonno fa lo pontoale ,
 E bonno sborzeiare , e ffare sfarze ,
 E ssen'a MEZACANNA fare vonno
 Cchiù de chello ch'è lliceto , e cche
 (pponno.

M. Quanno l'ommo fa cchiù de chello
 (ttanto,

Che pò pe fforza contra lo ddevere ,
 Sign'è ca senza pilo n'è lo manto ,
 E equarcosa nce va pe lo tauliere ;
 Ma se la MEZACANNA avesse a ccanto,
 Crideme a mme ca mutaria penziere ,
 Nè ssarria da le gente mesorato ,
 E ffuorze quarch' bota sbregognato.

Ora venimmoncenne a lo sforgiare ,
 Ed a ste nnove foggie de vestire ,
 Se bè ca nchino non ne puoie parlare ,
 Ca nce vò n'anno pe lo desfenire ;
 Ma pe cchi non se sape mesorare ;
 De passaggio quarcosa se po ddire ,
 Perchè da sto bestire a battaglione ,
 N'è nnafa già na gran confusione.

De mudo, che non saie, nè ppuoie sapere
 Chi lo nobele sia, chi lo Prebbero ,
 Nè lo Mercante da lo Cavaliere

Canoscere se pò , chello ch'è ppo :
 Nè la ceveletà da lo mestiere ,
 Nè chi sia lo magnifico , o chiasco ,
 Nè chi è lo Masto-d'-atte, o lo Screvano,
 Nè s'è mmasto , o garzone l'artesciano.

T. Jere uno co na cappa de sevoglia ,
 Granne quant'a na vela, e cco l'auniglia
 Vediette, ch'eraluongo comm'a nnoglia,
 E ffacca l'higo d' Algo de Matriglia ;
 Tanno mme s'abbottaie tanto de coglia,
 Quanno sentiette st' auta meraviglia ,
 Ca descorrenno co no Molettieri ;
 Jorava da chi sò da Cavaliere.

M. Pe ccierto ch'è na gran confoscione,
 Perchè starraie co lo cappiello 'n mano
 A no zanne , scemenghia , zancarrone;
 A no straccia velluto , a no baggiano,
 Te credarraie , che ffuorze sia Barone,
 E ssarrà con affetto no pacchiano ,
 Perrò non ce sarriano chiste nganne ,
 Se nce fossero affè le Mmezecanne.

Se non ha lo cappotto l' Artesciano ,
 La cauza trasparente , e lo tagliere ,
 Pe ffare quanno vò de lo baggiano ,
 E ppassà pe Mercante de l' Armiere ,
 O pe se fa tenere da Screvano
 Da quarche flemmenella , o forastiere,
 Ca quarche bota ne'è chi se nce nganna,
 Tutto perchè non ne'è la Mezacanna.

- T.* Sò ccose veramente troppo stratic ,
 Ca vonno comparè da Cavaliere ,
 Co le rrotelle , e li guante a le mmano,
 Pe nfi a ssolachianielle, e cchiavettiere,
 E ccierte cappe-nere , che lo ppone
 L'hanno assaie vote da li credenziere,
 E de portare schifano lo scotto ,
 Ca vonno de boratto lo cappotto.
Ne' è chi de lamma mosta lo oorpetto ,
Ca portarrà spontata la casacca ,
Pe ffarete a bedere con effetto ,
Ch'è ommo , che pposede, spenne, e
(spacca ;
D'esseré visto se nne va mbrodetto ,
E ffa tutto a no tiempo piscia , e ccacca.
Senza punto penzare lo sciaurato
Ca chi non se se mesura , è mmesorato.
M. Quanto vedeno fare a li Segnure ,
 O a quarch' auto , quale lo ppò fare ,
 Tanto vo fa chi campa de sodure ,
 Tanto chillo ch'appena ha che mmagna-
(re ,
 Vonno pe fforza lucere li scure ,
 Se criepe , non se vonno mesorare ,
 Ognuno vo fa cchiù de lo ppotere ,
 E chi non pò , vò stare a le ffrontere.
 Non dico a cchille , che lo pponno fare,
 E-ch' hanno quarche cosa de lo lloro ,

Se hèn se deve ognuno mesurare ,
 E ssia chi sia , s' avesse no tesoro ,
 Ma dico a chi la vole steracchiare ,
 E po chello , chè lluce n'è tutt' oro,
 Quale p' appareggià li poverielle ,
 Farranno ciento mbroglie, e cciente zel-
 (le.

Non vole stare a ssigno ll' Artesciano ,
 Ca competere vò co lo Mercante ,
 Chisto pe non passare da pacchiano
 Vole a lo Cavaliere passà nante ,
 No pennarulo , o semprece Screvano ,
 Perchè ba co l' auniglia, e co li guante,
 Non cede a li Dotture , e pperzò chiste
 Non cedono pe nniente a li Meniste.

T. Oie non se crede d'esser' ommo huono
 Chi non ha lo corzetto , seu l' au i ; lia,
 Nfi a l' Artesciane se sò ppuoste ntuono,
 Che mme pare de sta dinto Matriglia;
 Vo fa lo Don Crestofano ogn' Antuono,
 E chello pò che ddà cchiù mmaravi-
 (glia ,

Ca la vonno portare ciente tale ,
 Digne , previta mia , de no cannale.

M. A Ghiudece, a Mministre, a Cconzeglic-
 (re ,

A Pprezediente, a Mmiedce, a Ddotture,
 A uommene de ciappa , a Ccavaliere,

La Mez. Tom. II. 3

Comm' a dî verbo-razia a Ssegnure ;
 A cchiste se conceda volentiere
 Lo corzo , attiso al' aute so ffreddure,
 A chisto schitto è lliceto l' auniglia ,
 L' aute tutte pegl'à ponno na stiglia.

T. Passammo nante mo che stammo fri-
 (sche

De mente , e dammo dinto , e trascor-
 (rimmo

De sti belle vestite varvarische ,
 Ma mperrò de ste mmanecche de primmo
 Che nime pareno vrache de Todische,
 E se lo vero dicere volimmo ,
 Non se sà , se so brache, o sò cauzune,
 Se sò cauze , stevale , o sò bracune.

M. Io pe mme ntanto mme vregognarria
 De portà st' utre , o vessiche sbentate;
 Attiso stimmo gran baggianaria
 Co sto bertole i pe la Cetate ,
 Ca sempe de sentì me mpararria
 E morfie , e dellieggie nquantetate ,
 Ca quanto sento dicere , sicuro ,
 Dell' altre , deciarriano de me ppiro.

T. E ssi accorre , che mmora no parente
 A equarche sfortunato affritto-core ,
 Quanto se voglia misero , e ddolente ,
 Priesto lo vide fa lo bell' omore ;
 La maneca ntofata , e ppennoliente ,

Le bessiche a li puze pe fa moire
 A-lo muorto; ora dimme co pp'on'ezza,
 E ssiguo de dolore, o d' allegrezza.

M. Ne'è ommo, cride a mme, che pa-
 (garrìa

Non saccio che, se puro le moresse
 No frate, no parente, o quarche zia,
 Pe pportà pennolune ste brachesse:
 Povere muorte, e cchi lo ccedarria,
 Che pe pparte d'aiuto avere, o messe,
 Pe pparte de dolore, o connoglianza,
 Se fa na baggienesca dimostranza.

T. Appriesso co li ccauze trasparente
 Vedarraie chi non vale pe na quaglia,
 N' affritto-core, povero, e ddolente,
 Che campa, e ccampa a fforza de tenaglia;
 Ma quanno se la leva, e ttenemente,
 E bede, che scapata ne' è na maglia,
 S'addona, che fatt'è no sciavechiello
 Pe pescà quarch'aluzzo, o cecenillo.

Sopra tutto sò biste troppo belle
 Sti cappielle de paglia co lo raso,
 Nè ssaie se sò ccaneste, o sò ffoscelle
 Pe ffa recotte fresce, o pe fa caso;
 Ll'uommene buone, e ppo le gentarelle
 Se l'hanno puosto appriesso adaso adaso.
 Tengo sicuro, pe lo juorno d'oie,
 Ca se lo mettarà pe nfi a lo Boje.

M. Ma tu no saie , ch' hanno già dato a

(Giove

Na comparza le mmule , e li Cavalle,
Perchè pe ttanta e ttanta cose nove ,
So fatte asciutte, magre, sicche, e gialle,
E sse vene stascione , che non chiove,
Se porranno da mo serrà le stalle ,
Che le pproveda d' autia vettovaglia ,
Ca non se trova cchiù filo de paglia.

Ca non contiente de nne fa saccune ,
E de se nne servì pe mmatarazze ,
De nne fa seggiolelle a buonue cchiune,
Tabbacchere , e bentaglie a ffascie , e
(a mmazze ,

Hanno attrevito cierte coppolune ,
Cierte de vascia sfera , e scure razze ,
Pe pparè cchiù bizzarre , e ochiù nto-

(sciate ,

Sse ffoscelle portà cossì mpagliate.

T. Venimmoncenne appriesso a sti vracune,
O puro a ste ccampane spainpanate ,
Che da vero non saie se sò cauzune ,
O se sottane sò sane , o spaccate ;
Pareno justo sacche de cravune ,
O che ccose pe ccierto sconzeitate ,
Che se l' avesse quarche poverolla ,
Farria d' ogni cauzone na gonnella.

M. A cchesto mme perdona se responno ,
Perchè se pò concedere a ffrostiere ,

Ca chiste tale pare a mme che pponno
 Vestire a gusto llozo volentiere ,
 Perrò se comm' a cchille vestì vonno
 Li vassalle sò ddigne de galere ,
 Levatene perrò li Sagliemmanche ,
 Ca chiste schitto ponno passà franche.

T. E se ssa capo tiene , tu staie frisco ,
 Si no bello Dottore veramente ,
 Comm' a di lo bestire spagnolisco ,
 Non è d' ogn' altra foggia cchiù azzel-

(lente ,
 Miettece lo Franzese , o lo Todisco ,
 Non parlà , ch'è bregogna a chi te sente ;
 E lo frostiere , dimme sia Chiaiese ,
 Non deve a ll' uso ì de lo paiese ?

Chi fa ccà le facenne , e ccà guadagna ,
 Chi ccà pratteca , e ccà fa mercanzia ,
 Chi ccà beve , ccà trafeca , e ccà mmagna
 O sia vassallo , o no , sia chi se sia ,
 Quanno all' uso vestì non vò de Spagna ,
 Che ppriesto se nne sfratta , e se nne
 (seria ,

Ca l' ommo cossì creco , ch'aggia lo core ,
 Comme mosta lo strinzeco de fore.

Da cierto tempo ccà s' è pprattecato

De na nova creianza no bell' uso ,
 E ccreo ca lo modiello s' è ppegliato ,
 Se non me nganno , da quarche zelluso ;

Ca se vede cchiù d'uno bencreiato ,
 Che manco non se degna stà ncaruso
 A la Ghiesia , azzò che lo pegnato
 Non piglia fummo, e sta vo ncoperchiato.
 D'co de ste cchianette ch' ha portato
 Chillo Vasciello llà de l' Arbascia ,
 Ca l' uso da manera ne' è rrestato ,
 Che non saccio si è sfarzo, o vezzarria;
 Levarraie lo cappiello a no sciaurato ,
 Nè cchillo la chianetta tocca cria ,
 O che bista galante , ch' è pe ceierto!
 'Tu staie ncaruso, e cchillo sta coperto.
 Parlammo mò de chille sollevate ,
 Che sò state pezziente nfi l' autriere ,
 E non penzanno a cchello che sò state,
 La vonno spuzzà cchiù de Cavaliere;
 Li quale se bè songo salotate ,
 Fanno nfenta porzì non te vedere ,
 Tu mo co cchisse dimme, che te pare,
 Non se deve a sto muodo spaporare.
 Che hò dì , ca quann' iere poveriello ,
 Da la necessetà mortefecato ,
 Parea ch' avisse justo lo scartiello ,
 Co lo cuollo a le spalle ncaforchiato ;
 Tanno a ttutte levave lo cappiello ,
 Tanno sapive fa lo bencreiato ,
 E nfi a na gatta te facea paura ,
 Ne' era tanno co ttico la misura.

Ma po, che la Fortuna, e lo Destino,
 Chi sà comme, e perchè t'ha sollevato,
 Che da no sfortunato malantriño,
 A equarche puosto buono t'ha portato;
 Te cride essere Orlanno Palladino,
 E. ch' ogn' ommo de. te se sia scordato,
 E perzò figne, e ffaie lo stordutiello,
 E non lieve a nnesciuno cchiù ccappiello.

Vide ca daie materia de parlare
 A cchiù d' uno, e de fa lo mormorizzo,
 E tte farraie da tutte smorfiare,
 Addove sarraie visto p'ogne ppizzo;
 Ed è lo ppeo ca non puoie reprecare,
 Che fatto non te sia quarche ccarizzo,
 Ca chi te sà, te squatra co na cera,
 E ffuorze parlarrà de sta manera.

Chist' è cchillo, lo quale, e ba scorrenno,
 Che no juoruo sacc' io che ffecce, e ddisse
 La mamma, tu mme vide, ed io te ntenno,
 E lo patre facette ciert' aggrisse;
 Non dico niente cchiù, cchiù no
 (me stenno,

Ma saccie sulo ca se lo sentisse,
 Ogne baggianaria posto da banna,
 Te jarrisse a ppiglià la MEZACANNA.
 Autre derranno, chisto s'è scordato,
 Potta d'aguanno, e no le vene a mmente,
 Ch' era no poverommo sfortunato,

Chino de mille zelle no pezzente ;
 Fuorze ca non se sape comm' è nnto,
 Mo nullo mira , e a nullo tenemente,
 Ed autro ; chi ha judizio che mme
 (ntenna ,
 Ca non pò tanto scorrere la penna.

Mperzò singhe piacevole co ttutte ,
 Sta sodo , usa creianza , sta discreto,
 Ca se bè vedarraie le bocche asciutte
 Sta dintò a cchelle chiuso gran secreto ;
 Vi ca lo Nunno è cchino de frabutte,
 Che pparlano da nante , e dda dereto,
 Nota chesta sentenzaia spagnola :

Chi te copre, te scopre, o gran parola.

Dov' avimmo lassate le cchiomere
 De cierte, che mme fanno l' arbasciuse,
 Che ccredeno co cchelle ccapellere
 Essere tanta Orlanne foriuse ;
 Attiso ogne catarchio , ogne messere ,
 Vonno co chella fare li sfarzuse,
 E chi fuorze non l' ha da la Natura,
 Faresella a pposticcio ha na gran cura.
 Ne' è chi non ha petaccie de vestito
 Sarrà no poverommo sfortunato ,
 Che sta sempe co fflamma, e co appetito,
 E de Stata , e de Vierno sta scasato ,
 E cò na capellera de Sbannito ,
 Lo vide cammenà tutto ntosciato ,

E ffuorze mmente soia se penza, e crede
De mettere paura a chi lo vede.

Sè credeno co cchella capellera

Fuorze avere la forza de Sanzone ,
O co pportare longa la chiommera ,
Deventare , chi sà n' altro Assalone ;
Fa che buò , conosciuto sì a la cera
Ca non ce nne sò cchiù de ste pperzone ,
Ch' hanno capille d'oro, hanno fortezza,
Ma gran peducchie , liennene , e
(mmonnezza.

Se n' ha la zazzarina lo cocchiere ,

Lo creiato, lo paggio , o sia chi sia ,
Se n' ha la capellera lo staffiere ;
Se ponno trovà pane p' auta via ;
S' ha da i a pparo de lo Cavaliere ,
Fa che buò , ca nce vò sta vezzarria,
Chi non ha la chiommera, o sfortunato,
Ha fornuto , non serve , ch'è scartato.

M. S'io fosse comm'a st'uommene nzorate,
C' hanno giuvane, e belle le mmogliere,
Massema se so uommene attempate ,
C' hanno buon' armo , e n' hanno lo
(potere :

Non tenarria ste sciorte de creiate
Sforgiuse , co galane, o co chiommere,
Nè ncoppa a cchesto faccio cchiù pparole,
Ma mme ntenna, chi ntennere mme vole.

T. S'è pe st' avertemiente songo brave,
 Perrò non se nce pò rremmeddiare ,
 Ca l' aseno lo vatte , chi non l' ave ,
 Ca la mogliere s' ha da contentare.
 Se chiste non nce sò, nce so li Schiave,
 Arremmedia se puoie , vi che te pare;
 Ma ca sbatte la capo pe le mmura ,
 Meza-canna non nc'è, non nc'è mmesura.

M. Schitto a ste pparte noste nzanetate
 S'è ntrodotto chist' uso bestiale ,
 Ca gente , d' asarcitio , e dde carate
 Vascie , vonno tenere st' anemale ;
 Gente , che nfi l' aut' iere songo state
 A li commannamiente de li tale ,
 E de tante , e tant' aute che ttu saie,
 Che commannate sò cchiù mo de maie.

De corrimmo no poco confedente
 Co ccierte pennarule , ed artesciane ,
 Ed a la fina a cchi mme sente sente,
 Che co sti Schiave fanno li baggiane;
 Che ve n' avite visto veramente
 Co ttenere a la casa chiste cane ,
 Chiste nnemmice de la fede nostra ,
 Avite fuorze venta quarche giostra?

Auto non s'è ssentuto , che streverie ,
 Che non se ponno di ca so ffitiente ,
 Autro ntise non s'è , che betoperie ,
 Che t' hanno fatto stredere li diente ;

Non serve trasi nch'no a ste mmaterie,
 Pocca a mme tanto no me mporta niente,
 Ma tengasello a mmente chi pe fforza
 Gliottute s'avarrà le brutte morza.

Credeno ca lo Schiavo n' ha jodizio,
 E che non aggia cieebro sottile,
 E che puro non aggia quarche nnizio
 De chi serve, si è nnobele, o si è bile;
 O fuorze ca lo Schiavo non ha bizio,
 Che n'aggia comm'a l'auta esca, e ffocile;
 Frate chi non mme ntenne è no craparo,
 Cchiù de chesto parlà non pozzo chiaro.

E de commenienza lo ttenere
 Lo Schiavo intro na casa peccerella,
 Addove tenarraie figlie, e mmogliere,
 E nce sarrà chi tene la zetella?
 Respunneme, lo Schiavo che ffacere,
 Dove mangiare, e ffare nonnarella?
 Respunneme a sto punto de doiello,
 Se perduto non aie lo cellevriello:

Pe mmala lengua ccà non mme tenite,
 Nne prego a tutte quante, e sia chi sia,
 E se non dico buono, responnite,
 E ffaciteme quarche apologia;
 Cammenate lo Munno, e bedarrite
 Ca chello che ve dico, non è boscia,
 Nè' Spagna, n'Franza, n'Talia, o a Mme-
 (lano,
 Non truove ch'aggia schiavo l'artesciano.

Aie no Napoletano che t'adora ,
 Che saie comme se chiamma , e dov'è
 (nnato ,
 Che stà prunto pe tte, sta lesto ogn' ora,
 E t'è cchiù de lo Schiavo bencreiato;
 Quanno non te piace , dì va fora ,
 E te nne truove n' auto cchiù aggarbato,
 Ma dì che buò , ca non se cura cria,
 Chi vò che rregna la baggianaria.

A Segnorazze gruosse , a Ccavaliere ,
 L'è lliceto , ca teneno Cavalle ,
 Ed hanno serveture , hanno staffiere ,
 E li schiave le tteneno a le stalle ;
 A cchiste schitto, a cchiste è dde mest'e-
 (re ,
 Solamente trasire 'nchist' abballe ,
 E po de cchiù le ssanno commannare,
 E co na cera le fanno tremmare.

Nce sarria cchiù da dicere , ma caglio ,
 Ca n'èccosa pe mmescardà sto scuoglio;
 Nè sta penna , e mmanc' io pe cchesto
 (vaglio ,
 Ca nce vò n'anno a sciarvoglià sto mbruo-
 (glio ;
 Po co cquarcuno venesse a rretaglio :
 Perzò scompimmo ccà, votammo fuoglio,
 E de chi campa 'a fforza de sodore ,
 (Decimmo) che chiammà se fa Signore:

Non può chiammà cchiù Mastel'Artesciane,
 Ca torcere te fanno co le ccere,
 Le gente de montagne, e li Vellane
 Hanno pierzo lo nomme de Messere,
 Perchè le Mezecanne sò llontane,
 Nè a Mercante se trovano, nè a fferre;
 Donca Masto oie se chiama nquanto
 (scorgio

Ciannetiello lo Boja, e Mmasto Giorgio.
 Li Ddonne vanno a ppietto de Cavalle,
 Hanno la Segnorìa li Tavernare,
 Oie magnifeche so li Pappagalle,
 E illustrisseme songo l'Ogliarare;
 Ne' è cchi non ha la croce de le spalle,
 E bole ma non pòzzo cchiù parlare;
 Musa lassammo sta sto frosciamiento,
 Ca no mme vasta manco Veneviento.

T. Me pare puro a mme che sfaccia cchiune
 De chello che pò fa chillo, lo quale
 Se fida troppo a le pprotezzione,
 E dde nulla fa stima mancò sale;
 Che sfedannose assaie de li Patrone,
 Co la spalla de chille se prevale,
 E non ave (perchè non ha misura),
 Manco de la Jostizia paura.

M. Io non creò che sia favola sto fatto,
 Ca no lo screverrà n'autore schitto,
La Mez. Tom. II.

Ma echiù d' uno nne parla tunno, e
(ech'atto ,

E nfra ll' aute Arestotele nu'ha scritto;
Assopo m' ha pe ccierto sodesfatto,
Ca ll' aggio lietto, 'e non m'è stato ditto,
Siente, ca se be n' è la veretate,
Nc' è ddinto a cchesto gran moraletate.

Aggio trovato donca pe screttura,
Che lo Leone Rrè de l' Anemale,
Pe non saccio, che stinto de Natura,
Quanno vede lo Gallo niente vale;
Zoè, ca nñ' ha grannisema paura,
Comme non fosse Rrè, conform'è ttale,
Nfrutto quanno lo sente non ha llucoco,
E ffuie echiù, che non se fuie lo ffuoco.

No juorno stea ncommertazione

L' Aseno co lo Gallo a na chianura,
Dove venne passanno no Leone,
E 'nvedere lo Gallo appe paura;
Ma pe llevare qualche accasione,
Se mettette a ffuì pe la verdura,
Ll' Aseno, che ffoire vede chillo;
Le corre appriesso, e zompa, comm'a
(grillo.

L' Aseno sfortonato se credeva

Co cquarche paro suio d' avè che ffare,
Ca pe l' ammore suio fuorze foieva;
Le corze appriesso pe se lo magnare;
Ma quanno echiù lo Gallo non vedeva,

Messè Leione , se fece arrevare ,
 E co gran ira neuollo le zompaje ,
 E 'nciento parte ll' Aseno squartaje .

Cossì soccede a cchiste ncrosione ,
 Chese fidano a st'aura, a st'cmbra vana ,
 Che se perdeno , o mutano Patrone ,
 E rrutto chillo che balca seie rana ;
 Anze se perde la protezione
 Nne che ll' uno da ll' auto s' allontana ;
 Perzò non sia chi faccia lo gradasso ,
 Perchè tutte l' aspettano a lo passo .

T. Nc' è ommo , cride a mme , che bor-
 (ria fare

Ogne mme se no figlio , se potesse ,
 E ffarlo priesto priesto vatteiare
 Da Marchise, da Cuonte, e Pprencepesse,
 O p' avè n' ommo gruosso pe ccompare,
 P' essere protteggiuto , o pe nteresse ,
 Ca facenno chi sa no sbarione ,

Lo po fa , perchè nc' è pprotezzione .

M. De chiste no parente aveva , lo quale ,
 Che se non zappe, e mbroglie sapea fare ,
 E pperzò sempe stea pe cquanno vale ,
 Zoè d'essere impiso , o i a bocare ;
 Cchiù de trenta Screvane cremmenale
 Se fece a ppoço a ppoço pe ccompare ,
 Azzò che soccedennoquarche mbruoglio ,
 Se potesse agghiustà cchiù do no fuoglio .

T. Pozzan'essere sempe beneditte
 E li Spagnuole , e le ssentenzie lloro ,
 Quale mm' hanno mparate cierte ditte ,
 Digne d' essere puoste a lettere d' oro ;
 N'aggio paricchie regestate, e scritte.
 Ma chisto va nfra ll' altre no Tesoro,
Non nc' è puttana (dice) nè llatrone,
Che non cerca d' avè protezzione.

Chi piglia a lo nteresso li denare ,
 A ddiece , e ffuorze dudece pe cciento ,
 P' accattà case vecchie , e ffravccare ,
 E s' obreca co cchiù de no stromiento,
 E bo fa cchiù de chello che pò fare,
 Ca patrone se fa de fummo, e biento,
 E cquanno p' arrecchire s' assottiglia ,
 Se trova fore crapa ciento miglia.

Non vò fa cchiù de chello , che pò fare,
 Chi p' arrecchè trovanono va tresore ,
 E cchill' auto , che ppenza d' arrevare
 De fa lo stagno argiento de valore ;
 Perrò la carta de sto nnavecare
 Mme creoco che s'è pperduta, e nnante more
 Ll' ommo , che ttene 'n capo sta pazzia,
 O s'arredduciarrà mpezzeria.

M. Se Masto Giorgio avesse lebertate
 Comm'a Rromina just ha lo varreciello,
 E ffranco potess' ire pe le strate ,
 Decenno a cchiste tale aucielo aucielo,

Cchiù de quatto starriano regestate ,
 Cierto starria cchiù d' uno ncellevriello,
 Ma chiste le darriano gran' mbarazze ,
 Ca dove caparriano tanta pazze ?

T. Chest' autra pur' è ccosa troppo bella,
 Vedere ciete Vicchie de Sosanna ,
 Ch' hanno assaie cchiù besuogno de
 (pontella ,
 Che non de la Mesura , o Mezacanna,
 E bonno la lattuca tennerella ,
 Senza penzà ca po le ntorza ncanna ;
 Ora chi chesto fa , che te nne pare ,
 Non vo fa cchiù de chello , che pò ffare.

Cossì quarch' Antecaglia de Pezzulo ,
 Che s' allecordarrà fuorze Starace ,
 E bo frisco , e nnoviello lo cetrulo ,
 E pe ll'avè quant'ha mpromette, e ddace;
 Vo lo marito , ma lo vo fegliulo ,
 Ca de trent'anne no le sodesface ;
 A cchesta , che bo ire tanto nchino ,
 Nce vo la Mezacanna , o lo vorpino.

M. Io le vorria chiavà na foca ncanna
 A ste sciorte de gente nzallanute ,
 Che bonno contra tiempo na vevanna,
 Ch' assaie de la magnà se sò ppentute ;
 Cca nce vol' auto , che la Mezacanna,
 Co ccheste le pparole so pperdute ,

T. Puro fa cchiù de chello, che pò fare
 Chillo qual' è no povero compagno,
 Che non se sa pe nniente arregolare,
 E spennere vo cchiù de lo guadagno;
 Ogne cosa se vo cannareiare,
 E la rovina vo; no lo sparagno,
 Ca tutta la settimana crepa, e schiatta,
 Po nn'uno juorno tutto lo sbaratta.
 Vonno carne sottile, e ttennerella,
 Ca n'è ppasto pe l'oro magnà vacca,
 E se n'è Anecchia giovane, o Vitella,
 Diceno ca non serve pe na tacca;
 Vonno, de quanto nc' è, la pempenella,
 E stimano treccalle na patacca,
 E se nc' è ppesce Spata, o Storione,
 Lo primmo, che l'accatta, è no breccone,
 Se la Foglia-cappuccia, e la cocozza
 De le pprimme che ppareso non hanno,
 Pe ppoterese enchì bona la vozza,
 Sentono gran tromiento, e gran affanno;
 Ogn' uno a cquanto pò s'enghie, e se
 (sbozza,
 Vengane quanto vo roina, e ddanno,
 Nè a lo pesone, o a cquarche malatia,
 Ch' accorrere le pò, nce penza eria.
 E po quant' a la bumma de li vine,
 Se de Somma non so, nè d' Ottaiane,
 De quinnece, o de sidece carrine

Lo varrile , va jettalo a li cane ;
 Vonno , che ssiano penetrante , e fine ,
 Tanto , che spercia tutte doie le mmane ,
 E se la neve jesse a no carrino
 Lo ruotolo , l' accatta ogne ffacchino .

M. Saie tu perchè ste ggente bestiale
 A la storza ccossì bonno campare ,
 E dd' ogne tiempo fanno Carnevale ,
 E non penzano ad auto ch'a inmagnare ;
 A Nnapole nce so buone spetale ,
 E chi mpresone va pe ddevè dare ,
 Lo rremmedio nc' è , perchè li Munte
 A ppagare li debete so pprunte .

T. E s' accorre ; che s' aggia da nzorare
 Quarche de chiste povere scasate ,
 Che de dota lo cchiù che po ppigliare
 Saranno ciento-cenquanta docate ;
 La primma cosa , che se penza a ffare ,
 O sia tiempo de Vierno , o sia de State ,
 A la Zita de lamma lo vestito ,
 De boratto , o teletta pe lo Zito .

Starranno quatto juorne nguarnascione ,
 Pascennose no poco d' arbascia ,
 Ma dapò co la primm' accasione ,
 A rrevederce a la Pelletteria ,
 Po vene la feglianza , o lo pesone ,
 Che s' ave da pagare , e non nc' è ccòria ,
 A no Monte de chiste , curre , e mpigna ,
 Dove nnante se venne , che se spigna .

M. A cchesto non se pò arremmediare,
 Ca no lo ffanno schitto li pezziente,
 Ma chi piglia pe ddote le mmeigliare,
 Lemmegliare nnesponne, e ccinco ciente;
 E cchi non l'ave, se le fa mprestare,
 Pe fa sfuorgie, banchette, e ccom-
 (premiente,
 E da chesto a la fine de le ffine,
 Nasceno de le ccase le rroine.

Para ccà, piglia llà, sfuorgie, e banchette,
 Commeddie, festine, abballamiente,
 Co mmotanze de scene, e cco barchette,
 Museche d'ogne sciorte de stromiente,
 Nc'è chi nce vole puro le ttrommette,
 Ma n'arrivano a sta n'anno contiente,
 Ca le sò li stromiente lequedate,
 E ttanno siente le ttrommettiate.

T. Voglio scompire, ed auto no mme resta
 De v'avesare pe la bnono vuosto,
 E nzo, che ddico serva pe pprotesta,
 Ca quant'aggia potuto nc'aggio puosto:
 La Fortuna non dona, perchè presta,
 E ll'ommo non pò sta sempe a no puosto;
 Ca fornute ch'avite le mmonete,
 Jarrite a la ggavine a ttirà prete.

T. Non fa puro assaie cchiò de lo ppotere
 No Zancarrone, che se fa ppentare
 O vivo, o muorto pe se fa vedere,

Comme fosse quareh' ommo sengolare;
 Gente degne de fruste , e dde Galere,
 Gente , che non se sanno mesorare ,
 Nfi a gente de mestiere, e dd' arte vile,
 Pigliat' hanno st'ausanza, e c'histo stile.

Chesto convene a n' ommo de valore ,
 Qual'e stato a le guerre, e ha fatto prova,
 Che co ll' arme acquistato s'ha lo nnore,
 Azzò , che la memoria se renova ;
 Facciase retraire no Dottore ,
 Che co na penna notte, e ghiuorno cova,
 Nzomma chi pe bertù, ma ventù rraie,
 Se dè ntavola , o ntela ammortalare.

Lassa che se depègna no Platone ,
 No Vergilio , no Tasso , no Marino ,
 No Dante , no Petrarca , Cecerone ,
 N' Ariosta ch' avea de lo Ddevino ;
 Non convene perrò a no coppolone ;
 A no scacqua-lattuche , o Malantrino
 Farse pegnere ntela , ch'è ssoperchio ,
 Ma se vo, che se pegna a no copierchio.

M. Titta, si è pe sta vota, vaie de chiatto,
 Vi ca te daie tu stisso co l' accetta ,
 Se cca non te responno, frate, io schiatto,
 Ca tu puro va'e neruso a sta pannetta;
 Tu che t' aie fatto fare lo retratto
 Comme fusse gran ommo a la rammetta;

Penzarraie fuorze de nne passà nìetto,
E che non te se ncorpa sto delietto.

T. A cchesto dice buono, ed aie raggione,
Perrò nfavore mio nc'è la risposta,
Ca conzentuto co ll' apenione
Maie nc'aggio a ffa sto spanfio, e sta
(mosta ;

Ma l' ammice de bona ntenzione,
Che bonno le ccetrole fa ncomposta,
O cche bonno lopine confettare,
Pe gustà lloro l' hanno fatto fare.

E chi fuorze avarrà nà pretennenzia
De toccare lo Cielo co lo dito,
Nè d' isso fatt' ha nulla sperienza,
Ma la gnoranzia lo farrà attrevito,
Ed usa ogn' arte, ed ogne ddelegenzia,
Pe ffarese passare sto prodito,
Quanta de chiste nne saccio Ngritterra,
Quann'era giovanetto, e stea a la guerra.

Nce sarrà fuorze pe no gnorantone
Chiù de me, Ddio lo pozza benedicere,
No prebbero, no catarchio, no cestone,
Quale non saparrà manco tre ccicere,
E bo trasire ncommertazione,
E rresponnere a cquanto sente dicere,
De cchiù non sulo, ca vo despotare,
Ma vo chello, ch'è ppeo, proffediare.

Se sentono parlà de Medecina ,
 Nzo che dice Galeno è gguittaria ;
 Perchè tutte se ntenno d' aurina ,
 Nè ssanno ll' *a*, *be*, *ce*, che ccosa sia,
 Penzano soperà Scoto , e Minolina
 Se sentono parlà de Teologia ,
 Chi vo sputà lat'no , e cchi toscano ,
 Senza portà rispetto a Ppresciano.

Parlà vo puro de Felosofia
 Chi non ha lietto manco lo Donato ,
 De Chianete , de Stelle , e Strologia ,
 De Fortuna porzì , de Sciorte, e Ffato;
 E decorrere vo de Poesia ,
 Comm'a mme no gnorante, no sciaurato,
 D' ogne scienza parlà, e scorre nfrutto,
 Ogn' ommo , comme fosse cato rutto.

M. Nquanto a la legge , è na confosione,
 Ca non sulo nne sanno li cecate ;
 Ma ogn' uno la sa co lo tallone ,
 E nne stanno benissemmo nformate ;
 Ca nc' hanno fatte tanta agghionzeione ,
 Che d' una ch' era, mille nne so nnate ,
 De cchiù ll' hanno confosa de manera ,
 Che non se pò sapè qual' è la vera.

Nzomma tutte so Mmiedece, e Ddotture,
 Co nzo chi parle sanno mmedecare ,
 Non nc'è Gazzera, che non scriva'njure,
 E non saccia le lligge reformare ;

Josteniano , e ll' aute Mperature ,
 Mme creò, ca non se sappero sprecare,
 Che perrò de mmodierne veò gran fuoglie
 Pe li Pezzecarule , e Ccaseduoglie.

De Poesia nne sanno li Crapare ,
 Ca tutte sanno storie , e ssoniette ,
 Ca quann' uno sa buono copiare ,
 Nne zampa sane sane li conciette ;
 Se puro non se fanno nfroccare ,
 E cchesto mme l'ha dditto chi l'ha liette;
 Gente, che so de ngiegno assaie sottile,
 C' ha l' addore canosceno lo stile.

T. Non mperrò chello, che mme fa nnarcare
 Le cciglia , eie ca cierte bell' omure ,
 A mmala ppena sanno competare ,
 E bonno a ll' aute fa li correzzure;
 Chiste , li quale vonno pezzecare
 Co bierze grimme li Predecature ,
 Ed a cquarche Pocmma , o viecchio ,
 (o nuovo
 Vonno trovà lo pilo dint' a ll' uovo.

M. A cchiste, o bene mio. co no premmone ,
 Trovate a ttiempo(zuffe) e ddalle nfacce,
 E ddille ; caglia , brutto gnorantone ,
 Comme ncintre a ppigliarete sti mpacce;
 Tu stisso no lo ssaie , ca sì ccestone ,
 Va a la forca , va zuca sanguenacce ,

Ccà ccierto non ce vonno Mezecanne ,
 Ma torcetora tonne, grosse, e ggranne.
 Ora facimmo ccà punto fenale ,
 Perchè mme pare, che s'è dditto assaje ,
 Ca chi è ttroppo de penna leberale ,
 Quanno accommenza, no la scompe maje;
 Facimmonce tenè pe ppontoale ,
 Ca tutte quante nce fanno le baje ,
 E ssento mormorizze ad ogne banna ,
 Ca non se scompe cchiù sta Mezacanna,
 7. Si, ch'è mmigliaccio, quanto telo gliutte,
 O no pastone abbottato de viento ;
 Fuorze è ffatta carrafa, che l' abbutte,
 E cco no sciuscio nne faie cincociento ;
 Pe ccaciare a lo pprubbeco sti frutte ,
 Se nc' abbesogna stare buon' attiento ;
 Ma perchè ghì a ddormire vo la Musa,
 Io puro mm' arreposo co sta scusa.
 Ma se nce fosse fuorze quarche d' uno,
 Che p' isso se pegliasse nzo, che ddico ,
 E ccreo de chiste nce nne sia cchiù
 (dd' uno ,
 Lo preo, che non se metta a cchisto ntrico,
 Io parlo a ttutte, e non dico a nnesciuno,
 Ca nullo voglio, che mme sia nemmico ,
 Perzò chi se lo mmagena, se nganna ,
 Ca parlo pe cchi n' ha la Mezacanna.

Ma se la piglia ognuno comme vole ,
 A la fina , che d'è ? che sso stoccate ?
 Fosser auto, che cchiac. hiare, e pparole,
 Se bè ntessute co la veretate ,
 Io non so Sagliemmanco, o cacciamole ,
 Che ve dic' auto , che ve mesorate ?
 Non lo bolite fa , no lo ffacite ,
 No juorno cierto ve nne pentarrite.

SCOMPETURA DE LO QUARTO, E UTEMO PARMO.

A01 1469115



N A P O L E
SCONTRAFATTO
DAPO' LA PESTE.

(APPENDICE)

A LA MEZACANNA

De Gitta Galentino.

LL' AUTORE A CCHI LEGGE.

Ilo , lo quale aggio no Funnaco de Mezecanne a lo commanno d'ogn' uno , e mme mmesuro , sò ghiuto conzederanno , ca la composezione de chesta chelleta mia poteva dare da dicere a cquarcuno, o ca lo stile è bascio, o ca li vierze sò zaffie , o ca non nc' è nnesciuna nvenzione , e ssentennome sosor-rare sto vespone a l' aurecchia , mprimmo che equarcuno ncom-menzasse a pparlare , l' aggio voluto sfenire , co ddare sfazione ad ogn' uno. Ed a cchi dice , ca lo stile è bascio , le responno , o che lo legga ncoppa l' asteco , ca lo fa cchiù auto , o puro , che s'al-

lecorda ca lo pparlà Napoletano
 maje potette arrevà ncoppa Palaz-
 zo, e mmaje ascette da lo va-
 scio de la Dochessa, e de le
 Lavenaro. A cchi dice, ca li vier-
 ze sò zaffie, le faccio nten-
 nere, ca parlo a la Pajesana, e
 po le mmeje so buce de vorpa,
 non so arraglio de ciuccio, e ccerco
 mettere nnanze la lengua mia, pe
 non fa comm'a ll'autre, che la
 mettono dereto; e se ncrosejone
 quarcun' altro decesse, ca non
 nc'è nvenzione, le faccio a ssape-
 re, ca non canosce la Veretate,
 pecchè se la canoscesse, saparria,
 ca v'è sempe a la nnuda, e non
 ave besuogno de quarche sottaniello
 co le rrezziglie. Nzomma (Lettore
 mio) fa sapere a tutte li coriuse,
 che bonno leggere sta freddura, e
 mmasemma, a cchi se sentesse
 pognere, e dille, ca io aggio scrit-

to pe ddà gusto a mme ssulo, e non pe ddà desgusto ad altre. E pe utemo a cchi dicesse ca non aggio fatto buono a scrivere chiatto Napolitano, ca doveva componere Ntoscano, mente mo so schiuse tanta Poete Toscane, che nne ncacano lo 'Tasso, e lo Marino, falle na giuriata, e ddille, ca pe ddoje cause l'aggio fatto; la primma, perchè non sò nnato Ntoscana, nè mmancò l'aggio vista maje penta, mente so ccanosciuto ca cca sò nnato, e ncoppa sti mautune sò crisciuto: la seconna eje, pecchè non voglio, che quarche mala lengua dicesse de me, comme dice dell'aute, ca mo, ch'è stata la Pesta, aggio fatta la spurga a cquarche ccasa, e sservutome dell'opere de quarche Ttoscano, ca mm'è stata nfrocecata, o ca me

ll'aggio accattata; e po stampatela
nfaccie mia.

Ora vasta, lo mio è stato crappiccio de scrivere accossì, e *de capriccibus non est disputando*, disse no Masto de Scola. Attienne Sio Lettore mio, a stare buono, e io pozza stà meglio: Liegge, contempra, cojetate, e ccovernate, e ffa cunto, ca se non siente cantare no Cigno, manco sentaraje vocetejare no Vozzacchio.

N A P O L E

SCONTRAFATTO

DAPO' LA PESTE.

S'io non parlo , e spapuro , crepo , e
(schiatto

E sì m' accide , non pozzo stà zitto ;
Già che Nnapole mio s'è scontrafatto,
De pigliare la penna so ccostritto :
Veramente mme pare no gran fatto
De vedere , crepare , e star' affitto ,
State a ssentire , e ssi la veretate
Nò ve diço , pigliatem' a pretate.

Io saccio buono , ca sto ttatanare
Sta vota dà fastidio a equarcuno ,
Ma pecchè sò sforzato de parlare ,
Aggia no poco de pacienza ogn'uno,
Ca chello che ve voglio mo contare ,
La Storia non è de Liombruno ;
Ma cose vere , chiare , e nimanefeste ,
Che soccedute sò dopo la Peste.

E tu pottana, che baie scapellcata,
 Scrofa, bagascia, a ttutte quante nota,
 Tu che na mula sì capetejata,
 Che ssempe penta staie ncoppa na rota:
 Tu che Sciorta, o Fortuta sì cchiamata,
 E de gnorante, e gguittune devota,
 E de me sempe nnemmica mortale,
 Si dico buono, sciacqua n' aurenale.
 Famme perrò tra tanto no piacere,
 Te preo, sia Musa mia cara Patrona,
 Dall' uorto tuo, de foglia cchiù cenere
 Piglia no mazzo, e ffamme na corona;
 Ca de sso muodo po voglio vedere,
 Se pozzo ntrare dinto d' Alecona,
 Preganno Apollo, che mme dia lo capo,
 E mme faccia saglire lo senapo.
 Tu che ttanto faoriste lo Cortese,
 Singhe puro co mmico liberale,
 Ca simmo tutte duie de no Pajese,
 Si bè comme fu cchillo io non sò tale;
 Perzò co mmico n' essere scortese,
 Ca te sarraggio ammico cordiale,
 Renova sto Poeteco linguaggio,
 Si vuoie da me no buono veveraggio.
 Già se n' era perduta la semmenta
 De sto nuosto cantà Napoletano,
 Perch' avarrà cient' anne, manco trenta,
 Che nullo avea a sto stile puosto mano;

Vossegroria mo 'ntanto se contenta
 Lassare pe ddoie ora lo Ttoscano ,
 E dà ajuto a sta penna , dance cuorpo,
 E ffamine vommecà quant' aggio neuor-
 (po.

Io de Napoletane sempe ammica
 (Mme pare, che na Musa mme responne)
 Fuic , se vuoi ch' in chesto io mine ce
 (intrica ,
 E 'l tuo crin laurear di verdi fronne;
 Dedica ad uomo buono tal fatica ,
 Ch' io le tue rime renderò seconne ;
 Uomo , cioè , che la giustizia regga ,
 E te , la tua fatica , e me protegga.
 A te DON DIEGO mio confido schitto ,
 E cche tu me protiegge io sulo spero;
 Tu che scierne lo stuorto , è lo dde-
 (ritto ,
 Tu che d' Astrea sì secotore vero ,
 Tu m' allustra, e defienne chisto scritto,
 E gguardalo co n' uocchio non severo;
 Tu che la veretà sempre defienne ,
 E l' uommene forfante squarte , e mpien-
 (ne.

Già sò doie vote mò , che t' aggio visto
 Capo , e Rreggente de la Vecaria ,
 Persecotore d' ogne nfammo , e ttristo,
 Nnemico affatto d' ogne gguittajia ;

Fra poco tiempo affè sarraie provisto
 De Reggentato de Cancellaria,
 Ca le bertute tuoie sò ttanto belle,
 Che t' auzaranno 'n cimma de le stelle.
 Ed io perchè sò nnato a sta Cetate,
 E ccanosco li buone, e scrivo, e nnoto
 L' azione dell' uommine nnorate,
 De li quale nne songo assaie devoto;
 Saccio de vuie gran cose, e 'n veretate
 Mme despejace d' esser addiota,
 E n'avè meglio penna, e mmeiglio Musa,
 Pe parlare de Te, perzò mme scusa.
 Ca no juorno, chi sa, s'Euterpe, o Crio,
 O quàrcun' autra de chelle Ssegnore,
 Che se la fanno co lo junno Ddio,
 Mme daranno na sghizza de lecore;
 Voglio fa na sparata a ggusto mio,
 Ma co n' auto poeteco fore,
 E le bertute toie tanto azzellente
 Spannere da Levante nfi a Pponente:
 Pe mò no ve sdegnate d' addorare
 De le ffatiche meie lo primmo sciore,
 Ca si bè non sò ccose troppo rare,
 Nne potite piglià lo buon ammore;
 Una cosa ve voglio supprecare,
 Zoè, che mme siate Protettore;
 Ca nzeccato perzò mme so cò ttico,
 Ca sì de Veretà preffetto ammico.

Attiso aggio da fare co na Musa ,
 Ch' a lo ccantà n'è troppo scropolosa ,
 Ed a ddire boscìe non è ttrop' usa ;
 E pperzò se mantene gròlìosa ;
 Ntanto Vossia Llustrissema la scusa ,
 Se forz' è spontutella nquarche ccosa ;
 State donc' a ssentì de bona cera ,
 Mentre ncigno a ccantà de sta manera .

Stea Napole mio ciert' anne arreto
 No poco quàse quase arrecettato ,
 Parea ch' ogniuno se stesse cojeto ,
 Contento de campà comm' era nato ;
 Po no bolenno stare a sto decreto ,
 A la fortuna tutte hanno appellato ,
 Piglianno da la Pesta occasione ,
 Mutato è ognuno de connezione .

A chelle che se piccano de Sdamnie ,
 Tocca lo primmo luoco co rraggione ,
 Ch' erano jettacantaro, quarchiamme ,
 Che cagnà se potevano a ssapone ,
 Chelle cche nuie chiammavano mad-
 (damme ,

Veccole tutte poste nguarnascione .

Nè la Segnora da le llavannare

Canoscere se pò ; ca vanuo appare .

Ca se vedde de fatto na reforma ,

A mmala ppena scomputa la Pesta ,

Ogn' una , comme vole , se trasforma ,

Quanno vedde scomputa la tempesta.
 Se mese ogni scarpone vecchjo nfo. ma;
 Ad ogni ccasa sempe ne' era festa,
 E scompute li trivole, e li chiente,
 Sentiste si non rrise, suone, e ccante.
 Dove tanno vediste uzanetate

Tanta sfuorge'ncampagna, e ttanta sfarze,
 Tanta case de mobele addobbate,
 Ch' acquetata la Pesta sò ccomparze:
 Dove tanta pezziente sollevate,
 Che ffa se nce poteano scene, e ffarze,
 E nzomina chi pisciava a lo pegnato,
 Teneva l' aurenaro arragamoto.

Ogne pperchia se pose 'n signoria,
 Nè boze a le ffeneste cchiù ncerate,
 Nè mmanco comm' a pprimmo gelosia,
 Ca no bediste si non vetreate;
 E se mmettero 'n tanta vezzarria,
 Niente penzanno a zzq, eh' erano state,
 E chi a ccheste maddamme volea dire,
 Poteva non trottare, ma fuire.

Pecchè chi mprimmo avea no vascetiello,
 Dove ne' era lo puzzo, e la latrina,
 Co na lettera, e no matarazziello,
 Contenta se tenea comun' a Rreggina;
 Po ogni pperchia, ed ogni ppezzentiello
 Co ssala, e nnantecammiera, e ccocina,
 Ed a lo lietto matarazze tale,
 Che se nne potea fare no spatale,

Palazze , che primm' erano abetate

Da uommene de ciappa, e da Reggiente,

O da Cavaleraccie , e Tietolate ,

E lo ppoteano fa comm'a ppotiente ;

E dapò cierte nnoglie nnargentate ,

Che de duie vasce erano già contiente.

Nce jero ad abetare sbuffa-allesse ,

Pe nce avere le stalle , e le rremcsse.

E le ccammare po tutte aparate

De screttorie, segge , e cquatre fine ,

Co le ccornice , e ttravacche nnaurate,

Dove se l' hanno criso ste guaguine ?

E de mobeles tanta quantetate ,

Che n'hanno chiene pe nfi a le ccantine:

Causa nne fu la Pesta , e la Fortuna,

Che d' ogne cquatto casc'n ha fatt' una.

De saja mo non s' usa cchiù bestite ,

Ch'auto non bide ch'armesino, e llamma,

O siano mmaretate , o siano zite ,

Cossì beste ogne pperchia, ogne cquar-

(chiamma ;

E de lo muodo po che sso gguarnite,

Autro non vide che d' oro nasciamma;

Ca chile ssapea'n primma, e mo le bede,

Stà 'n dubbio si sò esse, e no lo crede.

Chesto n' è nniente , ma chello, che ttene

Ognuna 'n cuollo , , besogna vedere ,

Ca songo autro che ffarze, autro che scenc,

*

Che ffanno a tutte quante stravedere.
 Cannacch' a ppiezze portano, e ccatene,
 De cchiù fforme, cchiù mmuode, a
 (ochiù mmanere ,

Ed a le mmano de ste ppettolelle ,
 D.to non nce, che non ha cquatt' anelle.

Le ttovagliole tutte sò screjate ,
 Ogne chiarchiolla mo va co li mante,
 E de velluto ehiano le belate ,
 Ed a le mmano portano li guante ;
 E nfi a cchelle , che llavano colate ,
 Teseche vanno co li guardanfante ,
 Ed a la Chiesa tutte le cciantelle
 Vonno sedere co le seggiolelle.

E cquann' esceno po, che hanno a spasso ,
 Pare che mmanco capano 'n se stesse ,
 E hanno co no sfarzo, e cco no passo,
 Che se credono d' essere Dochesse ,
 E siente pe la strata no sconquasso ,
 E ddice l'uno all' auto, chi sò cchesse?
 Ma chi non pò vedè le cose storte ,
 Sbomneca, e ddice, ca sò schiattamorte:

Non nc'era taglio de potè trovare
 Chi tanno na cammisa te lavasse ,
 Ca non nc'erano affatto lavannare
 Nè mmanco ochiù zitelle , nè bajasse;
 Manco nc'eran auniglie , nè ccollare ,
 Ca non trovave chi le mposemasse ,

Nzomma steano le cose sconzertate ,
 Ca tutte erano fatte Titolate.

Vi ea trovave manco a ddà a filare
 No ruotolo de stoppa , e de filato ,
 E si l' avisse voluto pagare
 Vinte carrine , manco jere arrevato ;
 E si volive niente reprecare ,
 Chella te responnea , puorco , sciaurato ,
 L' aie ditto cinco vote , e chesta seje ,
 Nn' aie commannate de le ppare meje ?

Chelle che ssongo davvero Signore ,
 Non sanno de che mmuodo cchiù bestire ,
 E cchest' è ssucceduto pe l' ammore
 Ca comm' a cchelle a pparaggio vonn' ire .
 Ogne ttiempo dell' anno a ttutte l' ore ,
 Chi a mmala ppèna se potea coprire
 La capo co na pezza , o na mappina ,
 Mo si la vide , pare na Regina .

Chill' ommo , che na cappa de zegrino
 Aveva nnante , o de lutto spelato ,
 Co na cauzetta de saia , o de lino ,
 E scarpe co ddoie pezze ad ogne lato :
 Se ne' aveva pacienza lo meschino ,
 E sse tenèa contento , e bejato ;
 E cchillo , ch' era povero compagno ,
 Mò s' è nericcato e stà 'n forma de Ragno .
 Ghillo , che te credive fuorze muorto ,
 Lo vediste de botta sorzetato ;

E lo stracciato co lo cuollo stuorto ,
 Che pe bregogna stea mortefecato :
 Comme cordone verde 'n miezo all'uorto
 Lo vediste polito , e adderezzato ,
 E becco sollevate mille , e cciente
 Ngnorante, zanne, guittune, e pezziente.
 Nne sapea cierte co no panno cinto ,
 Scauze , 'n cammisa , 'n cauzune de tela,
 Che quann' aveano de filato tinto
 No vestitiello , se nne jeano a bela ;
 Ogni scasato è ffatto cuccopinto ,
 Co na tuba , na leva , e na loquela ,
 Che chi no le ccanosce, crede, e ppenza,
 Che ssiano mercantune de Scioerenza.
 Nfra ll' aute ; mille e mmille pezzentielle,
 Vecco sforgià secunno la stascione ,
 La stata de boratto , e tterzanielle ,
 De Segovia lo vierno a battagliaione ;
 Porta uno all'uso attuorno a li cappielle
 De cajonze , e ppezille le ccorone ,
 Ed a le ggamme ll' uommene de niente
 Le ccauzette de seta trasparente.
 Solachianielle , sbirre , e ppotecare ,
 E scorteca-cavalle , e chiavettiere ,
 Arrepezza-pedale , e ttavernare ,
 Vinne-merce , e ggarzune de chianchiere ;
 Chi-vò-conciare-stagne , e ccaudarare ,
 Parrelle , latrinare , e scoppiettiere ,

Pe nfi a fferra-cavalle, e cconcia-votte
 Co mmaneche de lamma, e co ccappotte.
 Nzomma chi jeva tutto vrenzoluso,
 Stà co belluto, terzianiello, e rraso,
 Vace a lo paragone, e beste all' uso
 Chi jeva 'n primmo peo de no vastaso;
 Conca le bedè, nne resta confuso,
 Ca pare veramente strano caso;
 Pecchè cchiù non se scerne quale sia
 Prebbe, Ceveletà, nè Ssegnoria.
 Vecco ca li Segnure sò arredutte
 Pe non vestire comm'a ppotecare,
 Portare cierte borattielle, e llutte,
 E ffa vedere ca, non songo pare;
 Ma una cosa uc'è, ca quanto strutte
 Songo sti sfuorge, auto no nc'è che ffare,
 Pecchè sperammo a Ddio, ca sta tem-
 (pesta
 Maie cchiù sarrà pe namiczo de la Pesta.
 Si po parlammo 'n quanto a lo ngorfire,
 Mangiavano lo mmeglio, e lo minnegliore,
 E da lo mare facevano scire
 Pesce de priezzo, e ppesce de stopore.
 Era pe ecierito fatto da stordire,
 Ca d'ogne ccosa avevano lo sciore;
 Nzomma poteano stare a pparagone
 A Ccrasso, a Mmida, a lo ricco Pellone.
 Aveva na taverna ogne ppontone,
 E se mangiava fore de le strate,

Zanne , e cquarchiammè' n commer-
(tazione ,

Facenno spantosissime magnate.

E cchi cantava , e cchi facea ceccone ,

Scordate affatto de li guaie passate ,

Dicenno , ca chi auto a'vèa lo mmale ,

Cchiù non potea morì , ch'era mmortale.

Chi maie non se potette sgolare

De carne strascenata , e mmaccarune ,

E quanno se poteano saziare

De carne , e ffoglia , erano Precepunc ;

Mo non s'abburla , ca vonno cardare

Vitelle , pulle , pasticce , e ppastune ,

Nè a la taverna le bide accattare

Cchiù bino russo de sette denare.

La gente vile de cchiù bascio stato ,

Vino non vole , si non è squesito ,

Quanno le sapea mele nzoccarato

Chello ch'era d'averzeto , e d'acito ;

E mò chi lo credesse ? ogni scasato

Le ccantinette tene già de viito ,

E ccomme sempe avessero la freve ,

Vonno de stata , e de vierno la nave.

Io m'allecordero poco tiempo nnante

Schitto quarche Ssegnoire , e ttitolato ,

E fra chiste porzì quarche Mmercante

La stata sulo veverè annevato ;

Mo ogni portarobba , e ttutte quante

Hanno lo stesso stile secotato ,
 E si quarche briccone pe na sera
 Non ha nneve , no mmangia , e sse
 (despera.

Ma chello che mme dea cchiù meraviglia,
 Siente chest' auto , e bide, che te pare,
 Ca nnarcate mme fecero le cciglia ,
 Attiso , che lo bidde , appe a ccrepare,
 Nfi a la sorbetta, e l'acqua de vaviglia
 Vastase , portarobe , e ppotecare
 Pigliavano a la storza, e steano 'n tresca ,
 Comme fosse acquavita, o acqua fresca.
 Quanta , ch' a mmala ppena lo pesone
 'N capo de ll' anno poteano pagare ,
 E ll' era fatta la secozione ,
 Ca lo patrone non volea aspettare :
 Ciert' altre spisso jevano 'n presone ,
 E p' ascì se faceano visitare ;
 Mo co la Pesta , tiente che ffortune !
 De case , e mmassarie songo patrune.
 Chi s' accatta na casa , o no palazzo .

Chi patrone se fa de massarie ,
 Che llenzola n' avea , nè mmatarazze ,
 Mo stace co ttravacche , e argentarie:
 Chi non avea pe s' appontà no lazzo ,
 Mò fa spese de truono, e mmercanzie.
 Nzomma chi non avea manco lo sciato,
 Nfi a le stelle se vede sollevato.

Chi pe non ghì presone a mazza-franca
 Jocava co li sbirre, e ghiea zompanno,
 Chi de mangià lopine avca l'allanca,
 E stea 'n necessate tutto l'anno;
 Chi n' afficio s' accatta, e chi na banca,
 E de seta vestie, chi vestea panno,
 Ma, che ddico, lo cuorno che mine ceca,
 Se jevano a bestire a la Jodeca.

Mme parze de vedè justo no mbruoglio,
 Mme parzero vedè le bagattelle,
 Pocca cierte mercante de no fuoglio,
 Che pe ccampà faceano ciento zelle:
 Chi sotta co l'agliaro accatta ll' uoglio
 A la poteca co ddoie sarcenelle,
 Jeva a bista de tutte, no guittone,
 Fra poco t'empo diventaie Paone.

Quanta da la Fortuna assassinate,
 Co cchesta Pesta se sò arrepolute,
 Quanta nmemnice avca la povertate,
 Che mò de fatto tutte l' ha pperdute.
 Nzomma tutte se songo arreccettate,
 E le nncessetate sò sbanute:
 E cchi p' esser' acciso stea l' autriere,
 Mo pe Nnapole và co lo Staffiere.

Chi maie non vedde cera de tornese,
 Tene le ssacche chiene de zecchine,
 Chi non se potea fa manco la spese,
 Ca maie sanè vedette due carrine.

Chi a mmala pena co stentà no mese :
 Abbottà se poteva de lopine ,
 Chi non sapeva pe ccampà, che ffare ,
 Mo squarcioneja , e parla de migliare .
 Vedè jocare a bota tornesielle
 Pe pparte de tornise , doppiune ;
 Vastase , portarobba , e guittarielle ,
 E mmill' aute frabutte , e mascauzune :
 Le zecchine pareano jettarielle ,
 Perchè ogn'uno nn'aveva li vrancune ,
 E nne faceano justo chillo cunto ,
 Che de li treccavalle se fa appunto .
 Non serve trasi dinto le mmaterie
 De li juoche de dade , e dde le ccarte ,
 Pecchè songo a ssentirle vetuperie ,
 Che se nne ntosciarria Saturno , e Mmartè ;
 N' erano juoche nò , erano streverie ,
 E cciento puoste erano pe ogne pparte
 Dove li nimanco nnnitte , e mmmass jate
 Scassavano , mme creò , ciento docate .
 Ora si se nne fecero donare
 L'esatture de cotto , e taulaggiere ,
 Dicalo chi trovaisse a sto ghioicare
 Ca n'ha mill'anne , e quale fu l'autro jere .
 Ne'è ommo , che se fece le mmeigliare ,
 Nè la cede a qualonche Cavaliere ;
 Nnomma co ste ssecure mercanzie ;
 S'hanno fatte Palazze , e Mmassarie .

Addov' erano tanno li Poete,
 Che dell' oro cantattero l' etate;
 Pocca cchiù, che non songo, vrece, e
 (pprete,
 Correva d' oro tanta quantetate;
 Vengo a ddicere io mo, ca le mmonete
 Erano tutte d' oro ammartellate.
 Ca nfi a li seggettate, e li facchine,
 Parlavano de doppie, e de zecchine.
 Ota de chesto, se sò sollevate
 Mille spellecchie co le grosse dute,
 Che n' autro tiempo manco se sò ddate
 A li Dottore, ed uommene sapute;
 Se tatta c' hanno avute megliarate,
 Ciente caccial'-a-pascere papute,
 Ciente pezziente, e ciente allev:ecate,
 Ch' ogn' uno le ppegliava a besciate.
 Frostiere de cchiù parte, e cchiù ppaie,
 Ch' erano state a Nnapole garzune,
 Mille fabbrutte, e minille spoglia-mpise,
 Ch' ogn' uno le ppegliava a scoppolune;
 Ma chiste 'n tanto tuono se sò nimise,
 Che si le bide, pareno Barune;
 A gran mezzè le ddute, ch' hanno date
 Le pprissarole femmene sciaurate.
 Pecchè chi se smauteva pe Dottore,
 E chi ch' era mercante de raggione,
 P' apparen' à co nnohele, e ssegnore,
 Pe ppiglià dute grosse, e ddute bone;

Ma po chi è ddeventato servetore ,
 Chi fauzario , artesciano , o coppolone ,
 E ssi Screvano nne rescì a quarcuna ,
 Appe pe li capille la Fortuna.

Co preanniole lauze , e ttestamiente
 Fatt'a la Babalà , senza Notare ,
 Sollevate se sò mmille scontiente ,
 Che non avevano muodo de campare ;
 De li muorte smautennose pariente ,
 Quanno a cchille sulo erano compare ,
 Co l' ajato perzò de cierte ammicce ,
 Che'n toscano de dicere non lice.

Chi se mette mpossesto de na casa
 Co rraggiune politeche e dde stato ,
 O co equarche pretieto, o quarche rrasa ,
 Se nne dichiara arede abentestato :
 Ogn'uno comme cane addora , e annasa ,
 Ogn' uno comme lupo stà arraggiato ,
 Attiento de vedè comme po ffare ,
 Pe ppotè ì de ronna , e ggranciare.

Fortuna fu de cierte sbentorate ,
 Ch'erano miserabile , e mmennice ,
 Quale co li pariente , e co li frate
 Stevano pe gguarzune li nfelice ;
 Muorte senza parlà , le rredetate
 Songo nccappate 'n mano acchisse am-
 (micce ;

Ma se chille faceano testamiente ,
 Spezzolà se potevano li dente.

Chi lo frate tenea pe Sservitore ,
 Chi tenea lo nepote pe staffiere ,
 Chi lo cainato avea pe ccompratore ,
 E cchi le faceva fa quarche mmestiere ;
 Magnanno sempe pane de sodore ,
 Comme si state fossero frostiere ,
 Ora mo chiste (vide le ffortune)
 Da' sserveture , fatte sò ppatrone.

Chi venneva castagne , e chi scioscelle ;
 E ffuorz' arte cchiù bile pe ccampare
 Faceva , o jea vennenno zagarelle ,
 E cchi stea pe guarzone a ppotecare ;
 Auzare le bed'ste nfi a le stelle ,
 Tanta fu l'abbonanza de denare ,
 Perzò lassanno l' arte , e lo mestiere ,
 Ogn' uno volea fa lo Cavaliere.

O sfortunate , e ppovere popille ,
 Ch' eran fanno nate a sti destine
 De stare sottapuoste a cchiste e a cchille ,
 La meglio parte zanne , e mmalantrine ;
 Oie nfi a lo cielo nne vanno li strille
 De chiste miserabele , e mmeschine ,
 Che stettero soggette a no Totore ,
 Che le poteva stà pe sservetore.

E de ciert' altre , azzò ch' ognuno ntenna ,
 Che se ngrassaro co la totoria ,
 E se nforchiaro dinto sta facenna ,
 Senza decreto de la Vecaria ;

A le rrobbe se mese nomme penna,
 Stabile, arrennemiènte, argentaria;
 Ma po che l'hanno tutte sbaragliate,
 Pe non fa zita-bona, sò alleppate.

L' aute se so impezzate pe le ccase
 Co mmille scuse a ffare le rescose,
 E dda le ppedamente l'hanno rase,
 Ca non c'era contrasto, nè ccontese:
 Pe la paura de le buce spase,
 Ch'era affatto mpestato lo pajese,
 E perzò chillo, ch'era cchiù becino,
 Traseva dinto, e ghiocava d'ancino.

Scrittorie, e bauglie, stipe, e ccascie,
 Scassano allegramente a buonne-cchiune,
 Non perdonanno a ccammare, ne a
 (bascie,
 Comme si state fossero patrune;
 E ssenza chiavettiere, o maste d'asce,
 De scale se servettero, e dde fune,
 Co ttanta libertate tutte quante,
 Che pparea fosse Sedia-vacante.

Dicere de la spurga avea penzato,
 E dde quant'era 'n chella socceduto,
 Ma ciert'ammice, che m'hanno avisato,
 Vonno, che non ne parla, e cche
 (stia muto;
 Perchè cchiù d'uno ne jarria mmescato,
 Perzò fegnammo ecà de lo storduto,

E ddapò , tanto cchiù , ca ste nvalate
 Le ssanno nfi a li surde , e li cecate.
 De' chille , che ttenevano li passe
 A li puonte , a le ppoite, a li rastielle,
 Azzò nesciuno a la Cetate ntrasse ,
 Massemamente s'erno poverielle ;
 Non dico ché facero cierte schiasse ,
 Pe lo quale se nchiuno le borzelle ,
 Ma dico , ca mm'è stato referuto ,
 Che se nne sia cchiù d'une arrepoluto.
 E chi tanno tenea la chiave 'n mano
 De certe Chiesie affatto abbannonate ,
 Dove fuorze no nc'era Sacrestano ,
 E s'erano de chelle mpossessate ;
 Volcano pe l'apri lo sottamano ,
 Nè nc'erano cchiù sfitte, e belle ntrate,
 Ca p'atterrà no muorto , si le dive
 Ciento scute , pui'erano corrive.
 Ma la famma , che bà co la trommetta,
 E ddice spesse vote la boscia ,
 Pe lo munno spedesce na staffetta ,
 Spròbecauno sta fauza deciaria :
 Ca Napole de gente, steva netta ,
 E ca non c'era nullo , arrasso-sia ;
 Sentenno chesto mille aucielle d'acqua,
 Da ciento parte vennero a la stracqua.
 Venute sò da lontane païse ,
 Nfi da Romma, e Mmelano gente strane,

Co na gran quantetà de Calavrise ,
 E na caterva de Ceceliane ;
 Li quale tutte quante s' hanno crise
 Ca non nc' erano cchiù Nnapoletane ,
 Dicenno : cammarate allegramente ,
 Ca Napole è bacante , e ssenza gente.
 Se credettero fa na grossa presa ;
 (Oh potta, e ccomme vennero ammolate!)
 Ma le rescette vana chesta mpresa
 Pecchè non furo buone ammajestate;
 Perzò chi na galera , e chi na mpesa,
 Co sta venuta se nc' hanno abbuscate:
 Lo riesto sbegottute da sta vista ,
 Chi fa quarch' arte, e chi fa lo copista.
 E po quase sfrattato lo casale
 Asciano , e le fu ccurto lo jeppone ,
 Pecchè li nuoste non foro anemale ;
 Ca sapeano le ccase , e le pperzone ;
 E foro de maniera pontuale ,
 Pe n' essere trattate da coglione :
 Ca nne le sciervvecchiajeno co ddestrezza,
 Ch' appena nc' è rrestata la monnezza.
 Fa sonà quanto vuoie li campanielle ,
 E grida chi sapesse , o avesse visto
 Catene d' oro , cannacche , giojelle ,
 Ca rrobbe tutte sò de mal' acquisto ;
 Mprommiete veveraggie , fa cartielle
 Mpezzate , che da tutte siano viste ,

Prega , scòngiura , chiaieta , e n'aggie
(abbiento ,

Tutte fatiche sò sparze a lo viento.

Se sò stracquate li Predecature ,

E sò abbrocate pe le ffa tornare ,

Ma le ffatiche lloro , e li sodure

Pe cchisto cunto sò ghiettate a mmare.

L' uoglio , e lo suonno , ponno stà secure ,

Affè nce perderanno a luongo andare ,

Ed avarriano fatto meglio cierto

S' avessero gridato a lo desieto.

Nce restava de dire n' auta cosa ,

Ed è la meglio , e mme s' era scordata ,

Ca non è da tenerla mò nuascosa ,

Ma cierto degna d' essere cuntata ;

De cierte , che co ccarelà pelosa

A le ccappelle , ch'erno p' ogne strata

Stevano , e rrecoglievano li vute

De le ffemmene , e l' uommene papute.

Erano chiste ccà cierte Mercante ,

Che ghieano a ccaccia de cannacche , e
(anelle ;

Erano comm' a dì cierte truffante

De vestite , de rrobba , o de gonnelle :

Stevano a ffare llà de li zelante ,

Ma pe gabbare chelle ffemmenelle ,

Che pe golio d' avè la sanctate

Tutte nne le mmannavano spogliate.

Hanno saputo fa lo fatto loro ,
 Tutte pe ccierto de bona manera ;
 Perzò non sò cchiù mò ch'lle che ffioro,
 E stanno'n sciore comm'a Pprimavera :
 Ogn' uno chino s'è d'argiento, e d' oro ,
 Ma che se nuc yea bene, nullo spera;
 Pecchè nu' aterna a lo munno s'è b'isto,
 Non gode, chi rrobb'ha de mal'acquisto.
 Vecco ch'autre hanno attiso a ffa denare,
 Ed a stipare doppie , e cciafrune ,
 Mo no tierzo l' attenne a sbaragliare
 Co le ppottane , e commertazeiune ;
 Co ttutte l' agge lloro vonno stare
 Tanta piscia-vrachette, spellcchiune;
 E nsomma ognuno stà 'n festa , e grel-
 (leja .
 E sforgia , joca , sguazza , e ppottaneja.
 Appena furno le ccose acquietate ,
 Dapò soccessa chella gran ruina ,
 Che comm'a mmosche a ccarne scortecate
 Facevano pe tutt' a Mmergoglina ;
 All' uocchie de le ccase sacchejate ,
 Co nimuseca de sera , e dde matina ,
 Ma sia comme se sia, sarrà freddura ,
 Ca la corza dell' aseno non dura.
 Posilleco vediste assediato
 Da mille varche , e ffalluche sottile ,

Ogne gguittone se n'è appatronato ,
 Cà non ne' erano echiù gente civile.
 No luoco pe Ssegnure destenato ,
 Era alluoggio de gente le echiù ble ,
 E de dicere puro sò ecostrinto ,
 Da chi maie lo vedette manco pinto.
 Co cectrole , chitarre , e ttammorrielle ,
 Co ttiorbe a ttaccone , e ccalas.iune ,
 Moschette , rebecchine , e fliscari lle ,
 Co ccimmare , viole , e biolune ,
 Mille zantraglie , e mmille pettolelle ,
 Co n'autro ttanto de zanne, e gguittune ,
 Llà se jettere a nchire lo vòdiello ,
 E ddeventà lo fecero vordiello.
 Chi vace a bele chiene nfi a lo pizzo ,
 E chi a Pocereale , v' n carrozza ,
 Chi corre a la Taverna de lo Sghizzo ,
 Chi all'acqua de la Vufara se sborza ;
 L'uoinmene buone stevan' a no pizzo ,
 Vedevano , e ffacevano la vozza ,
 E ddeceano nfra loro , avimmo tuorto ,
 Cà non seppemo fà lo schiattamuorto.
 E cchillo luoco de marmoria atena
 Dico la Grotta de li Sportegliune ,
 Chella ch'avca da essere cesterna ,
 De chiante eterne , e llagrimazeiune ,
 Deventà la facettero Taverna
 Tant' altre asciutta-vulle , mbriacune ,

Comme si llà li muorte, e li mpestate
Fossero vive, o puro sorzetate.

Perchè destante da lo Cemmeterio
Scie passe, ne' è no bello Refettorio,
Dove la mbre;achezza regge mperio,
El ogn' uno se leva quarche sborio:
Llà se sentea de Bacco ogni mproperio,
Co ssuone, cante, allucche, e strelletorio,
De perchie, e de zantraglie a mmille
(a mmille,

Ch' arreccià te faccano li capille.

Io quanno zzo bellette, mio Signore,
Crediteme ca nn' appe a speretare,
E fflu ttanto pe ccierto lo dolore,
Che comm'a pazzo mme mise a stellare,
E ddisse: o gente crude, essenza core,
Comme ste guittarie potite fare,
Che pe pparte de chiagnere a sselluzzo,
Ve vevite de lacrima no puzzo?

Tanno mme responnie no sarchiapone,
Ch'era no sardegnuolo grasso, e bracco,
E steva 'n chella commentazione,
Che tra chille baccante, pareva Bacco;
El auzatose 'n canna no trommone,
Disse, n'è ttiempo mò de fa sciabacco,
Già che non simmo muort: co la Pesta;
Semp e volimmo fa battara, e festa.

Si non sapiste fa lo schiattamuorto ,
 Abbuscate na funa e datte vota ,
 Si nuie morimmo , è ppuro pe nnuie
 (muorto

Lo Munno, e non tornammo n'aota vota ;
 Frate mio, non pparlarecchiù, c'aie tuorto,
 E cchesto , che te dico scrive, e nnota ;
 Ca da sto munno(briannese)ora siente ,
 Tanto nn' aie' , quanto tire co li diente,
 Rrazza d' Epicorcie , respone io tanno ,
 E nnate sulo pe v' anchì la panza ,
 Che ve pozzà venire lo malanno ;
 Addonca non avil' aita speranza ;
 Io tanno diventà volev' Orlanno ,
 O avcre de Marte la possanza ,
 Che cchelle mbriachesse , e mbriacune,
 L' avesse accise tutte a ssecozzune.

Vago a Ppoceriale po no juorno
 A spasso , sulo , dinto a lo ciardino
 Ed ogne ppizzo de chillo contuorno
 Eia de schiattamuorte tutto chino ;
 E ggeratolo tutto attuorno attuorno
 Autro non sentea dì , che bengà vino :
 Venga cchiù bino , venga da magnare,
 All' uocchie de chi seppe sparagnare.
 E llà chi a lo spreposeto parlava ,
 Chi pe lo troppo vevere chiagneva ,
 E chi-lo vino vippeto pisciava ,

E chi (ma non se sa peccchè) redeva ;
 Chi lo mmagnà sopierchio vommecava ,
 E chi de la Fortuna se doleva ,
 Nzomina non saccio a ddire si ste rrazze
 Aveano sentimento , o steano pazze .
 Tann' erano segnure li chianchiere ,
 Li casadduoglie , e l' altre potecare ,
 E tutte l' altre gente de mestiere ,
 Li quale se voleano aserzetare ,
 Viato chi facea lo pastecciare ,
 Pecchè pigliava a ppala li denare ,
 Ca pe se fare ogn' uno bone morza
 Li zecchine spennevano a la storza .
 Le ccarrozze vediste a ccient' a cciente ,
 Cchiù che non furno carrettune nnante ,
 Non vediste cchiù a Nnapole pezziente ,
 Ca se trovava ogn' uno li contante ,
 A li guste , a li spasse , a li contiente ,
 Se dezero de botta tutte quante ,
 Comme la morte morta fusse puro ,
 De non morire ogn' uno stea sicuro .
 Non vide cchiù a cavallo uommene buone ,
 Che da vero le sanno cravaccare ,
 Perchè a ccavallo vide no macchione ,
 Che ppare justo se jesse a ffrustare ;
 Chiste no tiempo arreto erano buone
 Pe le pportare a bevere , e strigliare ,

Io pe mme resto statoa de metallo,
 Quanno vego no ciuccio ire a ccavallo.
 Si dammo a li cavalle na revista
 Sò ttanta, che a ccontarle nullo vasta,
 Ca non nc' è zavarino, e non nc' è artista,
 Ch' a chi le ttene meglio non contrasta,
 Porrò a ccavallo fanno na gran vista,
 Chi va sgobbato, e chi de canto, e basta,
 E si lo buoie sentì 'n poco parole:
 Pareano Sagliemmanche, e Ccacciamole.
 Sò, cquanto v'aggio ditto, e rrose, e sciure,
 Ca nce so ccose da strasecolare,
 Ca cierte vonno fà comm' a Ssegnure,
 E bonn' ire co cchille a ppare a ppare;
 Che belle storie, e che brutte figure
 Vediste tanno da strasecolare;
 Che scene stravacante, e chemmontanze,
 Che brutte prospettive, e llontananze.
 Dov' è Tartaglia mò? dov' è Scatozza?
 Addov' è ghiuto Pascariello Truono?
 Dov' è co li compagne Luca Voza?
 Addov' e Ghianne, Parmiere, ed Antuono?
 Perchè mò tenarriano la carrozza,
 Mo se sairiano puro puosto 'n tuono,
 Ca de chisse cchiù zanne, e cchiù sciarate
 Erano de carrozze strascenate.
 Mme pare justo stà dinto Torchia
 Tanta Schiave nce sò pe sta cetate,
 S' è ffuorze revotata Varvaria,

Che nn'è benuta tanta quantetate ;
 Sto negozio è benuto 'n guittaria ,
 E mme pare na troppo ascetate ,
 Ca , levato lo Boia, ch'è Cciannet'ello,
 Ogn'un'ave lo Schiavo, o Schiavottiello.

Nfi a lo Trommetta de la Vecaria

Tene la schiava , o cosa mostruosa !
 Ed ogn' autr'artesciano , e nn'è boscia ,
 E nformesene ogn' uno de sta cosa ;
 Che ve nne pare de sta guittaria ?
 Se po sta zannaria tenè nnascosa ?
 Soccorite vuie Giove , dat' ajuto ,
 Pecchè lo sentimento s'è pperduto.

A Ccavaliere ricche , e Ttitolate ,
 Tenere Schiave 'n casa le sta bene ,
 Ca sò ppatrone de Terre , e Ccetate ,
 E mmaic de povertà senteno pene ;
 A cchi non ave tanta potestate ,
 Pe ccierto ca desdice , e non convene ;
 Massema all' artesciane , e ppoverielle
 Tenere schiave, e mmanco schiavottielle.

Pecchè desdice all' altre no lo ddico ,
 Cchiù pe mmodestia mia, che pe ppaura ;
 Ca vorria là vedere a cquarch' ammicco ,
 Ca saccio annessenare la ventura ;
 O bella usanza de lo tiempo antico ,
 Che sapeano parlà , pe nfi a le mmura ;
 Non perrò chi ha ghiodizio , e ecom-
 (prenne

Senza , che troppo parlo , bè me ntenne.
Nfi a lo bestire se sò sconzertate

La cchiù gran parte de st' arrepolute,
Chi s'ha puoste li guante, e chi le spate,
E cchi a li piede le scarpe cornute ;
Cierte co li cauzune spampanate ,
E chi co li cappielle mpicciolute ;
Autre le ppanze nfora hanno cacciate,
Pe ccammenare co cchiù gravetate.

Chi co li manechette a la Romana ,
O chiammare volimmo mappolune ;
Chi co lo farrajuolo a la baggiana .
Luongo , che le commoglia li tallune;
Vonno parlà co chiacchiara toscana
Ciert' altre resagliute coppolune ,
Ma a la Duchesca, Lavenario, e Ppuorto,
So ccanosciute da l'Occaso al' Uortò.

Chi jogne , e manca lettere a la casata ,
Ca la vò fa parere annobeluta ;
Chi l'ha de ciento muode reformata ,
Ca vole, che mmaie cchiù sia canosciuta,
E s' ha pariente de vascia carata ,
Le nnega , la renonza , e le rrefuta :
S'ha puosto'n capo ogn'unosta chimera,
Ca essere non vo cchiù chillo ch' era.

A mmuodo suio ogn' uno s' ha nventate
Certe mprese , che maie se sò ssapute,
Nè mmanco le ffaceano l' Antenate ,

Pecchè non nce fu scienza , nè bertute;
 Chi fece le ccetrole nnargentate ,
 Chi 'n campo d'oro li cierve cornute;
 Quanno 'la impresa cchiù rreale; e bera,
 Sarria schitto na forca , o na galera.
 Chi miezo se fa pegnere , e cchi sano ;
 Comme se fosse quarche gran Signore,
 Chi co na lettera , o no veglietto 'n mano,
 Che benuto le sia tanno da fore.
 Ogn' ommo , che lo vede da lontano ,
 Crede , che sia perzona da valore ;
 Ma po quanno s' accosta cchiù becino,
 Vede no zancarrone malantrino.
 Chi joca a lo pallone , e chi a lo trucco;
 E chi se mpara manejà la sinarra ;
 Vediste tanno ngrifare ogne mmucco ,
 Usato schitto a mmanjà la varra ;
 Ed ecco se vedette ogne sciasciucco
 Essere diventato Marco Sciarra ;
 Ma chiste so cchiù atte a fa a ppretate,
 Ch' ad arrancare , e ffare a ccortellate.
 Se sò tutte de botta trasformate ,
 Potta d' aguanno , e che cconfosione?
 Non vide autro, che stronza nzoccarate,
 Contr' ogne Llege, e ccontr' ogne rrag-
 gione.
 Pesta mmardetta , pecchè aie sollevate
 Sulo gente de vascia nazione ,

Sulo gnorante , e uommene de niente,
 Digne de no premmone a li morfiente?
 Se fosse vivo Aviddio Nasone ,
 De cheste mmetamorfese farria ,
 Cchiù de chillo che fece , no librone,
 E na gran quantetà nne vennarria ;
 Ca sto socciesso no è nvenzione ,
 Nè bello nciegno de la poesia ,
 Nè mmanco chi l'ha scritto s'è nzonnato,
 Ca tutte l' hanno visto, e pprattecato.
 Napole mio , e che t'è ssocceduto ?
 E ccomme sì de botta trasformato ?
 Già ch'ogn'ommo de niente è rresagliuto ,
 Ecchiù de n'ommo buono e sconquassato:
 Chi pane non avea s'è rrepoluto ,
 E sta co la zitella , e lo ciejato ;
 Benaggia quanno maje venne la Pesta
 Che ttanta coppolune fa stà 'nfesta.
 Veccote tutte puoste nvezzarria ,
 Co le rrobbe de povere mpestate.
 Veccot' ognuno puosto nn' arbascia ,
 Perchè le spoglie vecchie hanno jettate;
 Veccote ca s'è ppuosto 'n signoria ,
 Chi contrastava co la povertate ,
 E chi mprimmo mmostava li tallune
 Si mo le bide , pareno Barune.
 Gente degne d' annicchie, e de scervechie,
 Azzoè comm' a ddire , serveture ,

Arrepezza-pèdale , e rrobbe-vecchie ,
 E d'ogne aute la seccia , e scolature.
 Quanno le parle, non te danno aurecchie,
 Ca chiammate vonn'essere Segnure ,
 Nè cchiù minaste chiammare se ponn'oje,
 Ca diceno , ch'è ttitolo de Boje.

Nce vonno auto, che cchiante a li dolore ,
 Massemamente a sta nostra cetate ,
 Addove songo l'annevinature ,
 Che ssanno a nnuie, e li nuoste antenate.
 Fanno le ccose antiche chiare, e scure,
 Chi da lo vero simmo , e simmo state?
 E co no bello muodo , e bello stilo ,
 Te contano lò fatto pe lo filo.

Deh Masto Giorgio mio dotto , e saputo ,
 Che ttanta capo-tuoste aie addomate ,
 Si non te muove a ddare quarch'ajuto ,
 Nuie simmo tutte quante arrojenate ,
 Non vè ca lo judicio s'è pperduto ,
 E ttanta cellevrielle sò sbotate?

Auza ssa verga toia , muovete priesto ,
 E non fa , che se perda st'autro riesto .
 Fa , che se sbeglia ogn' uno , e che cca-

(nosca
 Quale , e chi era primmo de la pesta ;
 Falle passà da lo naso ogne mmosca ,
 Falle provà lo zuco d'agresta ;
 Azzò ch'ogn' uno pe dderitto sosca ,

E se leva ogne ffummo da la testa ;
 E fallo priesto , ca fare lo ppuoje ,
 Ca si no lo ffaie tu , lo fa lo Boje.

Hanno porzì mutato arte , e mmestiere ,
 E non 'vid' autro , che mmieze Segnure ,
 Che bonno ì a pparo de li Cavaliere ,
 E ssongo asciute da progenie scure ;
 Sò figlie d'artesciane , e de staffiere ,
 E buonno fare de li bell' omure ,
 Pecchè se penz'ogu'uno (ma se nfosca)
 Che nullo nce sia cchiù , che le cca-
 (nosca.

Musa , no mme fruscià cchiù lo ccauzone ,
 Lassame ire , e no mme dare abbasca ,
 Ch' all' arecchia mme sento no vespone ,
 Che dice , ca m' annego a sta borrasca ;
 O a la fine quarche secozzone
 Mancare no mme pò dinto na masca ,
 Mentre saie buonno , ca song' odiate
 Chille , che bonno dì la veretate.

Songo passate li tiempe felice ,
 Quanno li verdatiere erano amate ,
 Addove truove cchiù de chill' ammice ,
 Ch' amavano senti la veretate ?
 Si nce n' è uno , è ccome la Fenice ,
 Quale non nasce a sta nnostra cetate ,
 Ca oje si tu la dice , non si ntiso ,
 Dì favole , e ppallune ca si ceiso.

De cchiù pe la moria tanto potente
 Mancaieno affatto da li Tribunale
 Cierte Scrivane da vero saccante,
 Ch' avèano 'ncapo quarche po de sale:
 Ma mo se nce sò ffatte certe ggente,
 Che non ne dico nè bene, nè mmale;
 Ma saccio ca nc'è cchiù de no Screvano,
 Ch' è nnemmico sfacciato a Ppresciano.
 Cierte jeano venn'anno esca, e ffoc'le,
 E ccierte pure, che furno staffiere,
 Ciert' aute potecare, e ggente vile,
 E nc' è ffuorze quarcuno panettiere,
 Che diventate sò ggente cevile,
 E ffatto è chi Scrivano, e cchi Portiere,
 Li quali veramente tutte stimmo
 Sarriano assaie cchiù buone pe norimmo.
 Chi Scrivano se fa de lo Consiglio,
 Chi a la Cammera và, chi 'n Vecaria,
 E ddeventa Leione no Coniglio,
 E bì ca quanto dico, fu boscia?
 Potta, quanno nce penzo, nne squaquiglio,
 E bao decenno tra la mente mia,
 Cheste ccose che scrivo, songo state?
 Sò ffuorze suonne, o puro veretate?
 E po tanta Scrivane, e Scrivanielle,
 O chiammare volimmo pennarule,
 Ch'a la Scuola no poco tennerielle
 Ntra'no cocorze, e sciute sò ccetrule;

Quanto meglio pe lloro , o poverielle,
 L'arte mparat' avessero segliule ;
 Ca pe cchello che beo , la Scrivania,
 Da vero è ddeventata guittaria.

Se sò fatte Dotture li crapare ,
 E Mmiedece sò fatte li sommiere ,
 Che maie se lo potieno mmagenare ,
 Nè mmanco le passaie pe lo penziere ;
 Ma cose tutte contra tiempo, e spare,
 Pecchè n'erano nate a sto mestiere ;
 Ma che facciano frutto n'è paura,
 Perchè servono schitto p' enchieta.a.

Songo sguigliate gran Precolature ,
 Tutte novielle pe li Tribunale :
 Cierte de case grosse só Effatture ,
 Che 'mprimmo se teneano pe ppedale ;
 Parte artisciane , e pparte serveture
 Le ssaccia nnante , che fosse lo male ;
 Perzò fra chisto non porraie trovare,
 Uno che saccia manco computare.

Se sò ntosciate pure gran Dotture ,
 Ch' n primmo non valevano na quaglia ;
 Ch' erano tanto sconzertate , e scure ,
 Che non serveano manco pe na paglia ;
 Mo stanno mp'cco de scrivere 'n Jure,
 E pe no vierzo nce vò na tenaglia ,
 E la spuzzano (crideme) che mmanco
 La cedariano a Becienzo de Franco.

Ma chillo che protegge, e che mmantene
 'N decoro lo Soprano Tribunale,
 Fece fa Banne sotto grosse penè,
 Che non tutte cauzassero stivale:
 Ch'erano cchiù Dotture de l'arene
 Venute da sse tterre, e ssi Casale,
 E boze, che chi n'era sinatrecoato,
 Non fosse a lo Conziglio cchiù accostato.

Si mò fosse lo tiempo de Romane,
 Li Miedece, che sò lo juorno d' oje,
 Le mmannarriano 'n paise lontane,
 O le darriano 'n potere a lo Boje;
 Ca cierte nce nne sò tanta pacchiane,
 Ch'a mmedecà no le darria no voje;
 Parlano co la debeta protesta,
 Dico de chille doppo de la pesta.

Co ppelle de Leone sò bestute
 Co sta pesta cient'asene nvardate,
 E cchi non avea n'ombra de vertute,
 Affizie ave avuto, e ddegnetate;
 Vecco l'arvole sicche sò sciorute,
 E li vuoie muorte so resorzetate,
 Si vuoie sapere, che ccose so ccheeste,
 Sò stronza rizzoccarate de la peste.

O quant' addebolute pezzentielle,
 A li paise lloro desolate,
 Che co ccoppole 'n capo pe ccappielle,
 E de zegrino stevan' ammantate;

Pe pparte de cauzette , calantrielle
 Portavano , ed a Nuàpole arrevate ,
 A sto bestire dezero lo sfiatto ,
 E chi lamina vestette , e chi boratto.
 Lassa lo tesseutore lo telaio ,
 E la cocchiara lo fravecatore ,
 Lassa de fa le barde lo vardaro ,
 Se fa ghianche le immano lo tentore ,
 Chi lo miedeco fa , chi lo notaro ,
 E cchi lo speziale , o lo dottore ,
 E becco ogn'artesciano puosto 'n tuono ,
 Se face ommo cevile, ed ommo buono.
 Chi de pane , o de frutte potecaro
 Era , da fatto po mutaie penziere ;
 Chi se fece mercante cantararo ,
 E chi alloga-cavalle , e chi soumiere ;
 E mmercante de tela n' ogliarato ,
 E no parrella s'è ffatto ngegniere ;
 Mo chiste tutte , ch'hanno mutal'arte ,
 Chi Giove se cred'essere, e cchi Marte.
 Chi venneva castagne , e cchi scioscelle ;
 E fuorz' arte cchiù bile pe ccampare
 Faceva , o jea vennenno zagarelle ,
 E chi stea pe guarzone a ppotecare ;
 Auzate le bediste nli a le stelle ,
 Tanta fu l'abbonanza de denare ,
 Perzò lassanno ll'arte , e lo mestiere ,
 Ogn' uno volea fa lo Cavaliere.

Chi afficiale de lo Jostenz'ero ,
 Chi scoppettella, sbirio, e chi spione,
 Lassanno affatto l'antico mesticio ,
 Ogn' uno voze fa inutazione ;
 E ffatto gentelonimo lo staffiero ,
 No pedocchiuso è fatto mercantone ,
 O penne, o gente addotte addove site,
 Ca ste facenne 'n carta non mettite ?
 De chill' antiche , e ffamuse mercante
 Se sò pperdute affatto le ssemimiente ,
 Poco nce sò de quanta erano nuante ,
 Annimico tu mmie 'ntienne, si mmie siente:
 Parlo pe ccierte ggente de Levante ,
 Ca de li nuoste non se pò di niente ,
 Causa la Pesta m'è, che n'ha zompate
 D'ogn' arte li cchiù buone, e cchiù
 (aggarbate.

N'annimico voze fa lo ntosciatiello ,
 Pecchè l'era venuta 'n cuollo state ,
 E se voze vestì de terraniello ,
 Che benuto le fu da duie sbarvate :
 L'uno e l'auto facea lo Mercantiello,
 E ppe cquanto utenniette erano trate,
 Ma creò, che li pariente fuieno nuante,
 Po chiste fuieno erede de Mercante.
 N'atto sti mercantielle, alias tappe ,
 Le sseppero servì buono a la coscia ,
 Ca le chiavaino 'n canua cierte drappe,
La Mez. Tom II. 9

Cchiù stantive , che n'è na fico moscia ;
 Ca lo vestito puosto che se i' appe ,
 Se strodette 'n tre ghiuorne froscia froscia ;
 Lo quarto juorno strutto lo cappotto ,
 L' abbesognaie vestirese de saotto .

D' ogn' arte mo , d' ogni pprofessione
 E lo sciore dell' uommene mancato ,
 E chi stea poco nuante pe gguarzone ,
 E mmasto de poteca devenlato ;
 Ogni ppeducchio è ppuosto nguarna-

(scione ,

D' ogn' arte nzomma lo masto è sbarvato ,
 Però curre pe Nnapole a staffetta ,
 Ca non truove chi fa n' arte perfetta .

Affè gran gente bone sò mmancate ,
 Ch' erano digne ciento anne campare ,
 E ccierte scontrafatte ne' ha lassate ,
 Che live erano buone a ssotterrare ;
 Guierce, zuoppe, bistuorte, e scartellate,
 Che non nce puoie pe nniente com-

(merzare ,

Voglia lo Cielo , e comme sò da fore ,
 Non siano dintò d' anemo, e d' le core .

Paolo , mine perdonate , de li triste ,
 E non de le pperzune bone , e oneste ,
 De quale troppo poche nu' aggio viste ,
 Dapò che fu sta benedetta peste ;
 Però non trascorrimmo mo de chiste ,

Pecchè nne parlarimmo fatte feste ,
 Vasta ca s'uno nne vuò i cercanno ,
 Pe lo trovare non ce vasta n'anno.

Parlanimo mo no poco de l'Artiste ,
 E bedimmo a cche stato se so ppuoste ;
 Bartolo , Bardo , e l'antiche Joriste
 Sta vota cierto sarriano scompuoste.
 Tanto sò fatte nzanetate triste ,
 Che te fauno agghiajà primma ch'accuo-

(ste

A le ppoteche pe nce contrattare ,
 Pecchè appena se degnano parlare.

Li primme nzomma furono li scarpare ,
 Ch'all'arte lloro mesero l'assise ,
 Scusannose dapò , cà li coirare.
 Erano carestuse , e ddescortise ;
 Lo fele te facevano crepare ,
 E quase nce volevano duie mise
 Pe no paro , e si bè pagave nnante ,
 Decevano , n'avimmo lavorante.

Trova , si puoie no masto cosetore
 Che te facesse tanno no vestito ,
 Ca nce volea na lettera de faore
 Pe te potè levare st'appetito.
 Comin'aggio ditto , ogn'un era signore ,
 E se potea tenere pe faurito
 Chi avea fortuna correre a la ceca ,
 E ghirese a bestie a la Jodeca.

Ora si tanno fecero guadagno

Chille de la Jodeca, e buie penate,

Ca tanno se correa senza sparagno,

Ch'erano uommene, e ffeemm ne cecate;

Si manco state fossero da stagno,

Accossì li zecchini erno stemate,

A'nfrutto le ghiettavano a lo viento,

Ca denare non erano de stiento.

Te convenea levare la barretta,

Si tu chiammave no solachian'ello,

E besogneva c'ì, vossia mme metta

A la scarpa na pezza, o tacconciello:

E si pò ive a no concia-cauzetta,

Maro te sfortonato poveriello,

Ch'erano puosto 'ntuono tutte quante,

Che non cedeano punto a li mercante.

Si volive peglià na mmedicina,

E nno avive lo cantaro, iere juto,

O s'a la casa non c'era latrina,

Meglio, ch'avisse lo ch'aieto perduto;

Potiv'ire a ccacare a la marina,

Ca valeva ogne ccantare no scuto;

E s'accattà volive n'aurenaro,

S'era de ramma, no ghiea tanto caro.

Solamente li povere Varviere

A st'accorrenze gran bene hanno fatto,

Ca seppero fa buono lo mestiere,

E li mpestate p'glavano a ppatto;

Pecchè senza nzagnie , senza crestiere
 A na gran parte dettero lo sfratto ,
 E mo che s' hanno fatte sei tornise
 'N dozana co li Miedece sò mmise.

Dapò si bè pagave na patacca
 Pe na varva , non nc'era no Varviero,
 E nce voleva de tarì na sacca
 Si te volive fare no crestiero ;
 Ogn' arte nzomma se fece vegliacca ,
 Se fece forfantisco ogne mmestiero ;
 E ppe no piezzo e ppiezzo nzanetate
 Tutte le cose stettero mbrogliate.

Va t' accost' a n' Arefece , va vide ,
 Ca pe nniente nce puole negozeiare ,
 Si no lo ppruove cierto non ló cride ,
 Pecchè è na cosa da trasecolare.
 Poco te serve ca strille , o ca gride ,
 Ca quanto vonno , besogna pagare ,
 E ha cchiù na fattura de n' aniello ,
 Che non và no diamante, o no giojello.

Si tanto quacche povero compagno ,
 Che non avea pe spennnere na cria ,
 Ca non c' era facenne , nè guadagno ,
 Vennere se volea l' argentaria ,
 A ppiso l' accattavano de stagno ,
 (O che bregogna , o che forfantaria !)
 Ca pe l' avere co cchiù buon-mercato,
 Deceano , non nce serve , ch' è mpestato.

*

Li rrobbevecchie , e li matarazzare ,
 Ch' hanno accattate le rrobbe pe niente,
 Si po da chille volive accattare
 Te facevano stregnere li diente.
 Vennere vonno nò , ma cappare ,
 Dalle che buoie , ca maie no le ccon-
 (tiente ,
 Ca dove n' hanno spiso duie carrine ,
 Si ciento nce nne daie, manco annevine.
 De Notare nce n' è fuorze cchiù d' uno,
 Che s' è allociuto co li testamiente ,
 Ch'a cchillo tiempo non ne'era nesciuno;
 Che ffacesse cautere , nè stromiente.
 Chi nn' aveva besuogno de quarcuno ,
 L' avea da dare lo mille pe cciente ,
 E chi besuogn' ha mmò de na screttura,
 Non vasta n' anno pe la cercatura.
 Viato tanno chillo Speziale ,
 Che aperta tenne la speziaria ,
 Posse de mmedicina , o manuale ,
 Ca non facette mala mercanzia ;
 Attiso ne' era perzona , la quale
 (Benaggia aguanno, e chi lo ccredarria?)
 Che pe na medecina , o no sceruppo ,
 De doppie , e de zecchine die lo gruppo.
 Da lo voje vicchio lo vetiello piglia
 L' asempio , così fanno ste ggentaglie,
 Vide a cche la malizia s' assottiglia ,

Ch' hanno ncarute le seggie de paglie.
 È ccosa cierto de gran meraviglia,
 Ca nli a li nzorfanelle, e li ventaglie,
 Pe nli a le ntorce a biento nzanetate
 Li priezze hanno pe dduppio auterate,
 E ccerca d' Affittà na massaria,
 E bide de trovare no Villano,
 Ca chiste puro stanno 'nsegnoria,
 E cchiù de tutte quante aute a la mano;
 Stevano, cride a mme, co n' arbascia
 Cchiù de no Mastedatto, o no Screvano,
 E cchiù le rese fa lo schiattamuorto,
 Che no na massaria, na starna, o n' uorto.
 Ogn' uno s' era puosto nguarnascione
 Dé non pagà cchiù ddibete pe nniente
 Nè se parlava de pagà pesone,
 Pecchè mauco valeano li stromiente;
 E chi tanno de case era patròne,
 Se potea bello spizzolà li diente;
 Nzomma dico n toscano, che costoro
 Se fecero la legge a gusto llòro.
 Se sò ntosciate pe nli a li stafliere,
 Portarrobbe, vastase, e sseggettare;
 Se so ntosciate pe nli a li cocchiere,
 Che nnesciuno l'abbasta a ccontentare;
 Perzò chi besuogn' ha de sto mestiere
 Quarche bota se serve de crapare;
 Da lloco vene mò, che le cearrozze
 Non vanno maie deritte, ma semp'orze.

Si volive ammolà no temperino ,
 Na forfecetta fuorze , o na lanzetta ,
 Volcano d' ogni ppiezzo no carino ,
 Periza mò che boleano de n' accetta ;
 Soggetto se vedea lo Cetatino ,
 Pecchè non nc' era legge , nè ppannetta ,
 Però di chiste cocchiere , e scarpare ,
 Paricchie ne mannastevo a bocare .

Si non era pe ttè , bello Signore ,
 Che diste a ste gentaglie schiacco matto ,
 Co li commanne tuoie , co lo terrore ,
 Erano tutte arroienate affatto ,
 Se stenta no tornese co ssodore ,
 Quando lo spienne sì ppigliato a ppato ;
 Ognuno d' arrobbare ave gran gusto ,
 E nullo se contenta de lo ghiusto .

Nnsi a le ppottane erano poste n' tuono
 Ch' erano usate a ddoppie , e zecchine ,
 Nè ppratteca voleano d' ommo buono ,
 Sulo de schiattamuorte , e mmalantrine ;
 Abballà non voleano a lo suono
 De tarì , de cianfrune , e de carrine ;
 Ch' erano poste 'npunto puro llo ro ,
 E non volevan' argento , ma schitt' oro .

Fecero l' uso co li Schiattamuorte ,
 Che spennevano a mmucchio li zecchine
 Comme zappate l' avessero all' uoite ,
 O comme state fossero lopine ;

Sbrecanno lo stentato de li muorte,
 Che non credeano maie venesse a fine;
 Ma chi li stenta, e ssuda a sto paese,
 Giento no leca face a no tornese.
 Che perzò steano 'n tresca tutte quante,
 Ogn' artesciano stea lieto, e ccontente,
 Pecch' ognuno spenneva li contante
 A mucchio; a uocchie chiuse, allegra-
 (mente;
 Ogn' guitto facea de lo galante,
 Nè a la misura, o priezzo tenea mente,
 Ca si na cosa valea tre ccarrine,
 Se pagava nli a dduie, e ttre zecchine.
 Ajuta, Musa mia, ca ne' è cchiù troba,
 No nime fa remmanere accossì ticcò,
 Ca te prometto de te fa na bobba,
 Che non nce voglia vroecca, nè ppallico:
 Vi ca non canto a ssuono de triobba,
 Nè ddico le bèrtù de chillo Micco,
 Chillo, che llaudaie tanto lo Cortese,
 E po non eppe manco no tornese.
 Auza lo canto, statte allegramente,
 Pecch' è lo reto, scimmone co nnore,
 Non vè, ca nce protegge no Reggente,
 Che ffavorisce le Mmuse a tutte l' ore?
 De chille matremmoneje azzellente
 Fatte tanno, decimmo a sto Signore;
 Pecchè non mancarrà cierto Don Dieco
 Darence li taralle co lo grieco.

Dimme previta toia lo gran fracasso ,
 Cantame pe lo filo lo socciesso ,
 Adasillo , adasillo , a ppasso a ppasso:
 Dimme chesto , fornimmo sto prociesso
 Dì de li matremmonie lo sconquasso ,
 E che nce soccedette dimme appriesso:
 Votta priesto li mantece , dà fuoco ,
 Casarraie nnommennata p'ogne lluoco.
 Via , non te vregognà , priesto spapura ,
 Non pecchè de lo siesso femminino
 Se parla , te nne mettere a ppaura ,
 Ca n'hanno com'm'a buie de lo Ddevino.
 De vuie la castetà nnaterno dura ,
 Perrò fa dì lo vero a Balentino ;
 Votta , via , vienetene co la renza ,
 Mente la penna a scrivere accommenza.
 Faceano tutte lo santificeto
 Chille , ch'erano tanto nvedolate ,
 Se steva ogn' uno modesto , e descreto ,
 Ca vuto fatt' avca de castetate ,
 Ma 'n che lo Munno veddero cojeto ,
 Se sò ttutte de botta revotate ,
 E se pegliava ogn' uno la yecina
 Chi pe mmogliere , e chi pe concobina.
 Ogne femmena 'n tiempo de la Pesta
 Parca , che fosse la Diana casta ,
 E stev' ammarcata , affritta , e mmesta ,
 Che non parca de carne , ma de pasta ;

Ma po levàino tutte 'quante jesta ,
 Quanno chella cessaie , dicenno , vasta ,
 Tornammo tutte priesto all'uso antico ,
 E chi non ha mmarito , aggia n'ammico .
 Ognuno a ggusto comme vò se spassa ,
 E ssente gran piacere , e gran sollazzo ,
 Ognuna ffa spreposete nce ngrassa ,
 A la borda correnno comm' a ppazzo ,
 Lo Patrone se nguadia na Vajassa ,
 La Signora se piglia no Ragazzo ,
 L'aitista co la Nobeles apparenta ,
 Cossì ll' uno de li' autro se contenta .
 No riccone se piglia na pezzente ,
 E chella , quale aveva li contante ,
 Se piglia pe mmarito no dolente ,
 Che ghica quase pezzenno poco nnante .
 N' onno bello , se piglia na scotente ,
 Na bella no cecato , o zoppecante ;
 La fegliola no vecchio , no pellecchia ,
 E no fegliulo se pegliaie na vecchia .
 E becco ca se mosse no vesb'iglio
 De nuove amante , e nuove nnaunmorate ,
 No mbruoglio , n' arravuoglio , e no
 (greciglio
 Nfra mmaetate , zite , e nvedolate ;
 Senza peglià parere , nè conziglio
 D' ammicce , de pariente , o vecenate ,
 Ognuno priesto priesto pe sta ntresca ,
 Chi pe addenare , e cchi pe ccarpe fresca .

Vejate tanno chille Parrocchiane ,
 Gh' eppero a cchillo tempo sta ventura
 De le fare acchioppà mane co mmmane,
 O de le vattejà la criatura ;
 Viate puro tanno le mammane ,
 Ca li zecchine avevano a mmesura :
 Viate li Notare , che li stize
 Fecero de stromiente , e de scapizze.

Pareano veramente cose strane

Le scene , e l' apparenzie de tanno ;
 Cient' Abbate jettaieno le ssottane ,
 Stracciaieno le Bezzocche lo seccanno ;
 Chille pe nguadiare le pottane ,
 Cheste pe s'abbraccà co lo mal' anno ;
 Credeano fuorze de chesta manera
 Mettere assiesto Napole , comm' era.

Accossì puro cchiù de no torzone :

Se le vota lo cieebro , e se sfrata ,
 Lassano affatto la Religione
 Fuorze pe rinnovare la casata ;
 Da chisse mò che generazione
 Voglio che co lo tempo me sia nata ,
 Chi ha da me cchiù de ghiodizio essinno ,
 Greo che lo saccia , e m'aggianliso a zinno.

Non se jeva cercanno nascemiente ,
 Nè s'era ricco , o s'era poveriello ,
 Nè si compare fussero , o parente ,
 Nè s'era vicchio , ch'avea lo scatiello ,

Nzomina non se curavano de niente,
 E leva llà chi avea no scrivaniello;
 E chi mogliere fu de no Dottore,
 S'è nguadiata co no servetore.

Mogliere d'artesciane, e mmercantune,
 Che ghieano a ppare de le titolate,
 Stettero appena tre ghiuorne diune
 De tu mme ntienne, e po se sò ghiettate,
 Piglianno pe mmarite li guarzune
 Da lloro stesse spisso mazziate;
 Ma mo che so sfornute st'appetite,
 Chiagnieno tutte li primme marite.
 Che le venga la rognà, e ssette zelle,
 Comm'a la ceca jevan' a mmorrare!
 Erano leste a ffa le ghiacovelle
 Co guitte, e portarrobba, e ppotecare,
 Mogliere de Notare co pparrelle,
 Tanta gente cevile co sferrare,
 E chi eppe no Rrè d'ommo pe mmarito,
 S'è mmaretata co no spilacito.

Ognuna se tenea pe Pprencepessa
 Quanno senteva nnomenà lo zito,
 Parea che tutte avessero la sghessa,
 Tanto se l'era muosso l'appetito;
 Potta de lo Diaschencè, e che ppressa
 Aveano de no muorzo de marito!
 Ed io nne saccio ngadejate cierte,
 Ch'ancor aveano li bohune apierte,

Chi pigliaie tre mmarite nn' uno mese ,
 E chi a lo stisso tiempo tre mimogliere,
 Chi ne lassa una viva a lo pajese ,
 E ccà nne vò provà de cchiù manere ;
 Ognuno piglia chi l'è cchiù mmanese,
 O siano cetatine , o forastere ,
 E senza fare troppo zeremonie ,
 Faceano parentizze , e mmatremmonie.
 Chi de no muodo , e cchi de na manera
 Fatt'hanno matremmonie fauze, estuorte,
 Chi fore ha lo marito, e cchi'n galera,
 E sparza hanno la voce ca sò mmuorte .
 D'essere na signora ognuna spera ,
 Piglianno pe mmarite schiattamuorte ;
 Ma mo stanno contente , e cconzolate
 Comm'a lo mpiso'n miezo a li Confrate.
 Chi fidate a pparole de guittune ,
 S' hanno fatto truffà le ccentenare ,
 Co la speranza a le pprommessiune ,
 Nfra ciertò tiempo de le nguadiare ,
 Se fecero abbottà comm' a ppallune ,
 Nfi che scompute foro li denare,
 Ma sti frabbutte po l' hanno lassate ,
 E ppottane , e ppezziante sò rrestate.
 Ciert' anticaglie vecchie de Pezzulo ,
 Ch'aveano poco diente, e mmanco mole,
 Vozero pe mmarito no fegliulo ,
 Danno le mmigliarate de mognole ;

Vozero nfi a lo rreto lo cetrulo ,
 Comine si state fossero figliole ;
 Ma chillo , che ccorrea pe Becenzone ,
 Che buò fa ? fece trippa, e ccorazzone.

Chi maje eppe speranza de marite ,
 E ppareano vajasse rejettate,
 Anze'n fra l' aute certe becchie zite ,
 Che de lo munno s'erano scordate ;
 E de cheste nce n'erano nfenite ,
 Che mò tutte se songo mmaretate ,
 Co golio de se fa capo de casa ,
 Ma lo pede mettertero a la vrasa.

Ciento zantraglie , e cciento pettolelle ,
 Che stevano a bettura le mmeschine ,
 A le Cceuze, all' Agnone, a ssi vordielle ,
 E le ppotive avè pe dduie carrine ;
 Mo se sò mmaritate pe zitelle ,
 Mo 'n perteca sò pposte le mmappine;
 Ma perchè chill' arrigne sò passate ,
 Stanno mocchiù de primmo annegrecate.

E becco se sò ttutte sgoliate ,
 Vedole, vecchie , giovenelle , e zite ,
 Ch' arrasso-sia , stevano arraggiate
 Pe se vedere accanto li marite ;
 Meglio pe lloro , e non fossero nate ,
 Ca non ghiezero juste li partite ;
 Pocca a le ccase lloro auto non siente,
 Si non contraste , trivole, e llamiente.

Stettero 'n tresca cierte poco mise ,
 Menanno sempe vita sciallacquata ,
 Sguazzanno, e ttrionfanno, 'n feste, e rrise,
 Comm' a la casa nce fosse la Fata ;
 Ma scompute che ffioro li tornise ,
 E la rroba , già ssaie comm' acquistata,
 Se sò ttutte mmutate de colore ,
 E s' è ccagnato nn' odio l' ammore.

Ad ogne ccasa nc' è l' acciseione ,
 Ll' uno de ll' auto s' è sfastediato ;
 Ogne mmarito piglia accaseione ,
 Quanno vede scomputo lo ffelato ;
 Che бага la moglie a lo pascone ,
 Ogne guittone se n' è ccontentato ;
 Ca non valeno , ogn' uno se pretesta,
 Le pparentizze fatte co la Pesta.

Vecco le bone sciorte sò scompute ,
 Vecco ca sò sciagure diventate ,
 Ca 'n poco tiempo tutte sò ppentute
 L'uommene, ch' a guaie loro sò addonate ;
 Vecco le contentezze sò shanute
 De chille poco , che nce sò rrestate ,
 Massema addove sò ffigli , e ffigliaste,
 Pensate vuie li trivole , e ccontraste.
 Chi pe bajasse , e chi pe ddammerelle ,
 Parte 'n vordielo , e pparte a lo spetale,
 Cert' aute sperze comm' a ppettolle ,
 Fojute se nne sò pe ssi Casale ;

Chist' è lo fine de cchesse ciantelle,
 Che sò ghiute a mmorrà comm'anemale;
 Piglianno sti verrille de no core,
 Che poco hanno vregogna, e mmanco
 (nnore.

Dicere de cient' autre nne vorria,
 Ma pe ve dì lo vero, aggio paura,
 Che cquarcuno non trasa 'n fantasia,
 E co lo muto mme faccia na cura;
 Si le ssentisse, è na forfantaria,
 Ca sò c cose senz' ordine, e mmesura;
 Ma lassammole ghì, che ssiano accise,
 Chelle, che ppigliat'hanno spoglia-mpise.
 Ma le fsemene tè, mò manco male,
 Pèchè songo rebelle a la raggione,
 Ca songo justo comme l'anemale,
 E pò tanno correa sta nnazione;
 Donca perchè le fsemene sò ttale,
 Sò cquase degne de compassione;
 Ma l'uommene, che ssò ttanto sapute?
 A ste facenne puro sò ccadute.

Chist' aute puro, sò ghiute a mmorrare
 Co nguadiare cierte ppettolelle,
 Che n' altro tiempo, nè pe llavannare
 L'avarriano tenute, o pe zetelle;
 Accossì ghica lo munno, che buoie fare?
 Accossì tanno correano le stelle,
 *

Ca steano co lo miccio a lo focone ,
E ognuno correva a battaglione.

Fra l' aute cierte vecchie de Sosanna ,
Che non valeano n' aceno de miglio ,
Sicche , e ttremmante justo comm' a
(ccanna ,

A mmala ppena buone pe conziglio ,
Da lloro stissè na mannara ncanna
Se mesero , pe ffare quarche ffiglio ,
Piglianno na fegliola pe mmogliera ,
Che ghiocà nce poteano a ccovalera.
Se cresero co ffa lo sottaniello
De lamma d' oro , e na bella velata ,
Ce na bella catena , e cquarch' aniello,
Tenere la mogliere consolata ;
Ma chella , che boleva la gioveniello ,
P' avere spisso carne a la pignata ;
Quanno fra na settimana po vedette
Ca non nce ne trasle , se nne foiette.

E b. c. o ca 'n vecchiezza hanno provato
Chello , che 'n gioventù maie s' han-
(no criso ,

Ognuno creo se sarria contentato ,
Pe non sentì sti guaie, d' essere mpiso:
Chi pe ddolore nne cadìe malato ,
E cquaccuno lo cuojero n' ha stiso ,
E cchi è bivo nfi ad oie, lo poveriello,
Le bà cercanno co lo campaniello.

Cchiù dd'uno nc'è ttrasuto'n chist'abballo,

Co se nzorare la seconna vota ,

Ca se crese fa quinnece, ma fallo

Fece, meglio s'avesse dato vota :

Non pe ttutte cantaie tanno lo gallo,

Ca no a ttutte Fortuna fu ddevota ;

Perrò dico pacienza ad ognuno ,

Massm' a chi gliottuto s' ha sto pruno.

Pe ddechiarà, Signore mio, sto mbruoglio

Nce vorriano semmane, mise, ed anne,

Nce vorria, crid' a mme, cchiù de

(no fuoglio

Pe scrivere sti trivole, e st' affanne ;

Che le scardàno llozo chiste scuoglie ,

E cchi guste sentette, sent' affanne :

Ca chi non face chello, che cconvene,

Simmele, e ppeo de chesto le ntravene.

Ma si quarcuno se sentesse affiso

A sto pparlare, e ssiase chi se sia ,

Che benesse a sta storia compriso ,

Mme faccia na quarera 'n Vecaria ;

E si non vo fa chesso, le dò avviso ,

Che non parla pe nniente, e cche se stia ;

E si no, co na funa a lo mercato

Vaga, ca trova lesto lo steccato.

Non sia chi piglia 'n fauzo sto latino

De quanto dico, attiso è 'n generale ,

Nè mmaie volontà fu de Valentino -

De quarche galant' ommo dire male :
 Parla sulo pe cquarche malantrino ,
 E ssempe azzettoanno tale , e cquale ;
 Ne l' ommo buono 'n primmo , e da-
 (pò pesta

Comprennere se scusa , e sse protesta.
 Aggio scomputo, chesto, ma mme resta
 Dicere aute ccose fore josta ;
 Ma perchè mo la Musa leva jesta ,
 Io manco canto , ca Maggio s' accosta:
 La facenna è mpastata, e già stà llesta,
 E boglio , che cchiù dd' uno se nne
 (gosta ,
 E m' ha prommiso , e ccreo , che no
 (mme nganna ,
 Ca me vo fa cantà la MEZACANNA.
 SCOMPETURA.

N. B. L' autore nel pubblicare la *Meza-canna* trovavasi aver composto *Napole-scontrafatto* , ond' è , ch' egli conchiude quale veggiamo ; ma ci è stato forza far quella a questo precedere, perchè si fosse ragionevolmente il libro intitolato la *Meza-canna*: non si è creduto giusto poi disgiungerli, come in altra edizione , per seguire il volere dell' autore medesimo, già argomentabile.

AD 1469115

INNECE

DE LA MEZA-CANNA.

<i>A chi sa leggere. . pag.</i>	<i>5</i>
<i>Lo Vasciello de l'Arbascia -</i>	
<i>Proemmio</i>	<i>19</i>
<i>Parmo I. De lo sfratto che le</i>	
<i>femmene hannoda-</i>	
<i>to a ll' Onestate. . .</i>	<i>51</i>
<i>II. Discurzo sopra lo</i>	
<i>Nnore</i>	<i>95</i>
<i>III. Quale è bera No-</i>	
<i>bertate.</i>	<i>139</i>
<i>IV. De chi fa cchiù che</i>	
<i>pò, senza Mesura.</i>	<i>185</i>

NAPOLE SCONTRAFATTO

<i>LL' autore a chi legge . .</i>	239
Napole scontrafatto dapò la	
Peste	139

A01 146 3115